


Ba Tlotsitsweng Nakong Ya Qetelo

 Dumelang, phutheho. Ha re bueng le Morena wa rona jwale. Modimo o phahamileng, Mohlodi wa mahodimo le lefatshe, Ya re kgethetseng ka Kgalalelo nako ena hoseng hona, ya ho rapela Wena. Mme Morena, ha re ke re ineele ka pelong tsa rona ka botlalo thatong ya Hao e Kgethehileng le tshebetsong ya Moya o Halalelang ka ho rona, ho tliša see O batlang hoba re ka se tseba. Tabatabelo ya rona ke ho ba Bakreste ba batle ho feta le baemedi ba Hao ba batle ho feta. Na O tla re abela sena hoseng hona, re sa lebeletse Wena, Lebetsong la Jesu Krete. Amen.

Dulang fatshe. [Motho e mong o re, “Na o batla ho tliša masela a rapellwang?”—Mong.] Ho jwalo.

² Re thabetse ho ba mona hape hoseng hona, ka—ka tshebeletsong ya Morena ya moholo. Mme re maswabi, re, hape-hape, ha e le mona re se na sebaka bakeng sa batho, empa re sa tswa. . . Re tla leka ho etsa ka bokgabane ka moo re ka kgonang, tlasa maemo ana.

³ Jwale, bongata bo na le diduku le dikopo tse robetseng mona ho ka rapellwa. Mme ke sa di beella ka thoko; e se hoba ke sa di natse, empa haholo-holo ke ye ke di rapelle ka morao hoba ke. . . jwalo ka, le bosiuung bona. Ke tla etsa sena hoseng hona, le bosiuung bona hape, ha. . . Mme ke tla di rapella mme ke emele Moya wa Modimo bakeng sa phodiso, mme ke yona nako eo ke ratang ho rapella di—di diduku mmoho le dintho tse jwalo.

⁴ Mme dikopong tsena tse ikgethileng, Billy o fane ka tsona, e nngwe le e nngwe, ho nna. Ho na le tse ka bang makgolo a mararo, ebile ke sa tswa tswa diphaposing. Le a bona, ke ye ke di tshware ka potlako e kaalo feela, le e nngwe le e nngwe, eo nka e fihlelang. Mme ke tla ya ho tsona kapele-pele ka moo nka kgonang. Nke ke ka kgona ho di fihlela tsohle. Ke ye ke di tshware mme ke nke e le nngwe, ke re, “Morena, mme na etlaba *ena*, mme ebe *ena*?” Ka mokgwa oo feela, hoba tsohle di a, e nngwe le e nngwe, di a hlokahala, ke dikopo tsa sebele; ntho e itseng, ntle le pelaelo, eo re tlamehileng ho buisana ka yona mmoho. Mme ke. . . Ntle leha, le a tseba, ka nako e nngwe Moya o Halalelang o ka bolela e itseng eo ke e badileng, e dutseng pelong ya ka; ke ye ke kgutlele ho yona hape, mme ke phahle mono ho fihlela ke e fumane. Ho seng jwalo, ke di nke feela ka mokgwa o tlwaelehileng.

⁵ Jwale, re batla ho bolela ka mokgwa ona hape, hoseng hona, mme re dumedisa ba ka ntle ba leng dikarolong tse ding

tsa naha. Re batla ho dumedisa bomphato hoseng hona ka mokgwa ona wa kgokahanyo ya mohala, ho Motseng wa New York; Beaumont, Texas; Prescott, Arizona; Tucson, Arizona; San Jose, California; Connecticut; Gainesville, Georgia; le New Albany, Indiana; ho phatlalla le ditjhaba. Re le dumedisa ka Lebitso la Morena Jesu.

⁶ Hoseng hona, ho la Indiana, ke hoseng ho ho tle. Re bile le pula bosiueng ba maobane e phodisitseng bosu. Mme re . . . Tabernakele e a phophoma, le motho e mong le e mong o lebeletse, tebello tse kgolo, bakeng sa thuto ya sekolo sa Sontaha. Mme ke tshepa ha monono o fetisang wa dihlohonolofatso tsa Modimo o tla ba hodima lona ntle moo.

⁷ Mme ke tshepa ho re, kapele-pele ka moo ho ka kgonahalang, ho etsa mokgwa oo—oo re ka bang le, moo re ka bokellang rona bohle mmoho, ka mohlomong tlasa tente e kgolo, moo ke ikutlwang ke etellwa pele ho rera ka Dinkgo tse Supileng tsa ho qetela ka Bibeleng.

⁸ Ka baka leo jwale, ka ho re re se ye lolololo thutong e kgolo hoseng hona . . . Ke ile ka batla Morena, ka ho nahana, “Nka reng?” ka ho tseba ha ena e ka nna ya ba tshebeletso ya rona ya ho qetela eo re ka e tshwarang le ka mohla. Ho tla ha Morena ho haufi ka mokgwa ona!

⁹ Ke bona hore, kamorao ho boporofeta boo bo entsweng California, hona le matlo ntle moo, le dibakeng, a tetebelang ka sekgahla sa di-inchi tse mashome a mararo ka hora, dipatsi tse peperanang le ho bjabjaretsehela kahare. Mme ha ba tsebe ho bakwa ke eng. Re pheletsong. Matlo a didolara tsa dikete tse lekgolo, a tetebela. Ke tshwere dihlooho tse kgolo tsa ditaba pampiring, ditshwantsho, tseo ke tshepileng ho di tliša bosiueng bona, kaha ke batla ho bua ho hong mabapi le hoo bosiueng bona.

¹⁰ Mme, ebile, bosiueng bona re na le ho rapella bakudi. Tloong le kene thapameng ena, hora ya bohlano, ya botshelela, leha e le nako efe feela. Re tla qala esale ka nako, ke lekanya jwalo, e le hore batho ba tle ba qhalane e sa le nako, mme le amohele dikarete tsa lona tsa ho rapellwa. Mme re tla rapella bakudi bosiueng bona, ha Morena a rata.

¹¹ Jwale, hoba ke nahane ka ho rapela, “Ke tshwanetse ho etsa eng?” ka ho tseba hore tsatsi le leng ke tla lokela ho arabela see ke se bolelang mona . . . Mme ke entse qeto, kapa ke utlwile ke etellwa pele ke Moya o Halalelang ho bua hoseng hona ka seporofeto, mokgweng wa ho le tsebisa. Le a bona? Ke ntho e itseng eo re . . . Ha re sa tsebiswe, mme ebe ntho e itseng e etsahala feela ka tlwaelo, re loketse ho tseba kaha taba ena. Moya o Halalelang o re abetse hona, ho hlokomedisa batho kaha ntho tse tlang. Le a tseba, Bible e boletse, hore, “Modimo ha o etse letho pele A senola ho bahlanka ba Wona,

baporofeta.” Le—le ka moo Jesu hlokomedisitseng batho, ho neng ho tla hlaha; ka moo baporofeta ba hlokomedisitseng batho, ho neng ho tla hlaha. Mme ho a re lokela jwale, horeng ena e kgolo eo re phelang ho yona, ka ho bona mongwaha oo re phelang ho ona, le tse etsahalang, se tlang ho etsahala mongwaheng ona. Ka baka leo se seng sa dihlooho tsena tse makatsang tseo ka mohlomong re di badileng hangata, ho ile ha mphihlela pelong ya ka ho—ho bua le batho ka sona hoseng hona.

¹² Jwale a re phetleng Dibebeleng tsa rona ho Matheu 24 kgaolong eo mme re bale karolo ya Lentswe. [Moena Branham o hlakisa mmetso wa hae—Mong.] Ntshwareleng. E le mokgwa wa—wa ho fumana thero bakeng sa sehlooho le mohlodithero.

¹³ Jwale, hopolang re tla ruta hona jwalo ka tlelase ya Bibehe, butle. Nkang dipotloloto le dipampiri. Ke na le Mangolo a mangata a ngotsweng fatshe mona, e le hore—e le hore le tle le kgone ho a ngola fatshe. Ebe le ya hae mme le a batlisise, hoba hona eka tlelase ya sekolo sa Sontaha, e le hore re tle re tsebe, mme re hlokomediswe le ho dula re loketse dihora tseo re phelang ho tsona.

¹⁴ Bukeng ya Mohalaledi Matheu. [Moena Branham o hlakisa mmetso wa hae—Mong.] Ntshwareleng. Temana ya 24. . . Kapa, kgaolo ya 24, ke batla ho rialo, ho qala ka temana ya 15, ke lakaditse ho bala karolo ya Lentswe la Hae.

Jwale, etlare ha le bona manyala a bofediso, a boletsweeng ke moporofeta Daniele, a eme ngalong e halalelang (ya balang, a lemohe:)

Mohlang oo, ba leng Judea ba balehele dithabeng:

Ya leng hodima ntlo-hodima ntlo, a se ke a theohela ho nka ntho tlung ya hae:

Le ya leng masimong, a se ke a kgutlela hae ho nka kobo ya hae.

Ho tla ba madimabe basadi ba baimana, le ba anyesang mehleng eo!

Le rapele hore paleho ya lona e se hlahe mariha, leha e le ka sabatha:

Hobane mohlang oo, mahlomola a tla ba maholo, ha e sa le le tshimolohong ya lefatshe, ho fihlela jwale, tsietsi e kalo ha e-so ho ka e e-ba teng, mme ha e ka ke ya boela ya e-ba teng, le ka mohla o le mong.

Le hojane matsatsi ao a se ke a kgutsufatswa palo, ho no ho ke ke ha phonyoha motho: empa ka baka la bakgethwa, matsatsi ao a tla kgutsufatswa.

Mohlang oo, ha motho a ka re ho lona, Bonang, Krete o mona, kapa o mane; le se ke la dumela.

Hobane ho tla hlaha bo-Kreste ba bohata, le baporofeta ba bohata, mme ba tla etsa mehlolo e ka thetsang le bona bakgethwa, hola ke ntho e ka etswang.

Bonang ke le boletse pele, ditaba di eso ho hlahe.

Ka baka leo, ba ka re ho lona, Bonang, o nahathote, le se ke la tswela teng; kapa ha ba ka re: bonang, o phaposing ya ntlo, le se la ke la dumela.

Hobane jwalo ka ha lehadima le hadima le etswa botjhabela, mme le benyetsa bophirimela, ho tla ha Mora motho ho tla ba jwalo.

Hobane moo setopo se leng teng, ke moo manong [Senyesemane se re: dintsu—Moft.] a tla bokana teng . . .

¹⁵ Jwale, bakeng sa thero, ke lakatsa ho nka temana ya 24, ho hatisa temaneng ena bakeng sa thuto ya rona ya sekolo sa Sontaha hoseng hona. Mme mamelang ka hloko ha ke bala hona, hape.

Hobane ho tla hlaha bo-Kreste ba bohata, le baporofeta ba bohata, mme ba tla etsa mehlolo e meholo le meeka e ka thetsang le bona bakgethwa, hola ke ntho e ka etswang.

¹⁶ Jwale bakeng sa thero hoseng hona, kapa sehlooho, ke rialo, ke batla ho nka: *Ba Tlotsitsweng Nakong Ya Qetelo*. Ke thero eo ke batlang ho bua ka yona, kapa sehlooho: *Ba Tlotsitsweng Nakong Ya Qetelo*.

¹⁷ Ke dumela ha re phela nakong ya qetelo. Ke hloma ha motho e mong le e mong ya . . . Mmadi wa Lengolo, kapa esita le—le modumedi, a tseba ha re le pheletsong ya histori ya lefatshe jwale. Ho e ngola ho ke ke ha thusa, hoba ho ke se be le motho ya e balang. Ke pheletsong ya nako. Ho re na ke neneng, ha ke tsebe. Ho re na ho tla ya halelele hakae, esita le Mangeloi a Lehodimo ha a tsebe motsotso oo kapa hora. Empa re boletsewe ke Morena Jesu, hore, ha dinto tse na tsee re di bonang jwale di qala di hlaha, jwale re phahamiseng dihlooho tsa rona hobane topollo ya rona e ntse e atamela. Jwale, seo “ho atamela” ho se boelang, ha ke tsebe. Mohlomong ho bolela . . .

¹⁸ Jwaloka ha boramahlale ba boletse tsatsi le leng, thelebisheneng, ba bua ka leqhetso le leholo la dimaele tse dikete le tlang ho tetelela. A botswa potso, “Na le ka tetelela mono?” Ke Los Angeles eo, Lebopo la Bophirimela. Mme bongata ba lona bo bone ka mokgwa oo ba e latetseng ka rada [motjhini wa mahlale—Moft.] ka teng, mme le tswella jwalo . . . ho tjhwatlehile tlasa San Jose, le tshelela ka nngane ho ya Alaska, ntle ho phatlalla le Dihlekehleke tsa Aleutian, dimaele

tse ka bang makgolo a mabedi ho kenella hara lewatle, mme le boele tlase San Diego, la potella ka morao ho Los Angeles, mme le tle hodimo moo, pokothohadi.

Mme dithothomelo tsena tsohle tsee re bileng le tsona ke manya a tjhesang a thutseng ledumela lena le semena, jwalo ka, kahare mono. Ha ke kgone ho bitsa lebitso lee ba—ba le reileng lona. Leha ho le jwalo, ha ntho eo e sisinyeha, ho baka dithothomelo tsena tsa lefatshe tsee re bileng le tsona Lebopong la Bophirima ka dilemo. Jwale le ngamohile ka nqa tsohle. Mme boramahlale ba boletse, e mong . . .

¹⁹ Monna o ile a re ho e mong, “Ntho eo e ka nna ya hohlomela?”

A re, “E seng ‘e ka nna,’ empa e tla etsa jwalo.”

Ha thwe, “Empa e seng molokong wa rona, mohlomong?”

Ha thwe, “Metsotsong e mehlano e latelang, kapa dilemong tse hlano tse latelang. Ha re tsebe feela neneng.”

²⁰ Vekeng ena, ke ile ka romellwa dihlooho tsa ditaba pampiring, kaha matlohadi a didolara tsa makgolo-a-dikete a twatlatsang le ho ngamoha, batho ba tloha. Mme ha ba tsebe mokgwa wa ho thibela hona. Ha ho mokgwa wa ho e thibela. Le a bona, Modimo a ka etsa hohle hoo A batlang ho ho etsa, mme ha ho ya ka Mo bolellang hore a sebetse jwang.

²¹ Le ka haha matlo, le ka bopa dintho tsa mahlale, le hona Modimo ke mohlodi wa mahlale. Le ka Mo thibela jwang? A ka timetsa lefatshe ka matsetse hoseng hona ha A batla. Le a lemoha, A ka bua homme matsetse a eba teng, mme a ema botebo ba dimaele tse mashome a mane nakong ya halofo ya hora, le a bona, ha ho . . . mme a je batho le ho ba qeta lefatsheng. Ke Modimo. O sebetsa feela ka moo A ratang. Matla a Hae ke a sa lekanngweng, ka ho Yena ka sebele.

²² Jwale, ka ho bona pokello ena yohle ya bopaki, hore hora eo re phelang ho yona jwale, ke lekanya ha e le taba e ntle ho pheta-pheta dintho tsena le ho di ntsha, kaha Ditiiso di manolotswe, le ho fumana bonnete ba dintho tsena, kaha Modimo a bile le lereko le lekaalo ho rona, ka mohau wa Hae, ho re bontsha dintho tsena.

²³ Ke batla ha le ka lemoha mona ho Matheu 24, Jesu o sebedisitse lentswe la “Bokreste,” B-o-k-r-e-s-t-e, “Bokreste.” E seng Krete, empa “Bokreste,” bongateng, e seng bonngweng. “Bokreste.” Ka mokgwa oo, lentswe *Kreste* le bolela “Motlotsuwa.” Mme he ha e le “tlotso,” ho ke ke ha eba le a le mong feela, empa bongata, ba tlotsitsweng, “ba tlotsitsweng.” Le a bona?

²⁴ Ka mantswa a mang, haeba A na batla ho e qhaqholla hore ka mohlomong re tle re kgone ho e utlwisisa hantle ho feta, O

na tla re, “Matsatsing a qetelo ho tla hlaha batlotsuwa, ba bohata.” Jwale, jwale hoo ho bonahala e le ntho e ke keng ya etsahala ho hang, le a bona, polelo ya “ba tlotsitsweng.” Empa elang mantswe a latelang hloko, “le baporofeta ba bohata,” b-a-p-o-r-o-f-e-t-a, bongateng.

²⁵ Jwale, *motlotsuwa*, ke, “ya nang le molaetsa.” Mme mokgwa o le mong feela oo molaetsa o ka tliswang ke ka ya *tlotsitsweng*, mme eo etlaba moporofeta, ya tlotsitsweng. “Ho tla hlaha baruti ba bohata, ba tlotsitsweng.” Moporofeta o ruta seo molaetsa wa hae o leng sona. Baruti ba tlotsitsweng, empa ke batho ba tlotsitsweng ka thuto ya bohata. Ba tlotsitsweng, “Bokreste,” bongateng; “baporofeta,” bongateng. Mme haeba ho ena le ntho e jwaloka ka—ka Krete, bonngweng, jwale he bana e tla lokela ho ba “ba tlotsitsweng,” e leng hore boporofeta ba bona ba see ba se rutang etlaba phapang, hobane ke ba tlotsitsweng, tlotso.

²⁶ Jwale, ke thuto ya sekolo sa Sontaha, re batla ho—ho tlisa taba ena makgaolakang a nnete, ka Mangolo, e seng kaha seo motho e mong a se boletseng kaha taba ena, empa ho baleng Mangolo feela.

Le ka re, “Taba ee e ka hlaha jwang? Na ba tlotsitsweng. . .”

²⁷ E ne e le bafe? “Bokreste,” B-o-k-r-e-s-t-e, ba tlotsitsweng. “Bokreste, le baporofeta ba bohata.” Ba tlotsitsweng, empa baporofeta ba bohata!

Jesu o boletse, ho re, “Pula e nesetsa ba lokileng le ba kgopo.”

²⁸ Jwale, motho e mong a ka re ho nna, “Na o dumela ha tlotso eo e hodima batho bao na ho bolela ho re ke tlotso ya Moya o Halalelang?” E, monghadi, Moya o Halalelang wa Modimo o hlwekileng hodima motho, mme leha ho le jwalo ba fosahetse.

Jwale mamelang ka hloko mme le bone see A se boletseng. “Mme ba tla etsa mehlolo le meeka e ka thetsang le bona Bakgethwa hola ke ntho e ka etswang.” Mme ba tlotsitswe ka Moya o Halalelang wa sebele. Ke a tseba hona ho utlwahala jwaloka bosawana, empa re tla nka nako mme re ho hlalose ka Lentswe, ha hoo e le ka ho tiya HO RIALO MORENA, Nnete.

²⁹ Jwale a re phetleng Bibeleng tsa rona, motsotso feela, ho Matheu kgaolo ya 5, mme qalang ka—ka temana 45, mme bonang jwale ha re bala metsotso e se mekae Mangolong ana. Mme he, ka morao hoba re fihle mona, kgidi, re tla le nea. . . E le hore, ha re hloleha ho a bala wohle, eba o nka Biblele ya hao; mme—mme o ka a bala hoba re tlohe mona mme o ye lapeng, mme—mme o bale see Biblele e se bolelang mabapi le taba eo.

³⁰ Jwale ho nkeng nako ya rona, ho ka—ka thea setsi, hoba mona ke bolela taba e mohlolo. Ho ka tla jwang hore Moya o Halalelang o tlotse moruti wa bohata? Empa ke se Jesu a boletseng hoba se tla etsahala.

Jwale, Matheu, kgaolo ya 5, temana 45, a re baleng jwale. A re nkeng, re qaleng ka—ka moraonyana ho yona, ya 44.

Empa nna, ke re ho lona, Ratang bao e leng dira ho lona, le hlohonolofatse ba le rohakang, ba le hloileng le ba etse hantle, . . . le rapelle ba le tsohelang matla le ba le hlorisang;

Le tle le be bana ba Ntata lona ya mahodimong: hobane o tjhabisetsa ba babe le . . . ba batle letsatsi la hae, mme o nesetsa ba lokileng le . . . ba kgopo. (Pula e nesetsa ba kgopo jwalo ka ba lokileng.)

³¹ Jwale ho latella taba ena, ho ya seporofetong se seng se buang ka hona, na re ka phetlang jwale ho Baheberu kgaolong ya 6, bakeng sa temana e nngwe ho latela tabeng ena, moo Paulosi a kgutlisetsang hape mohopolong yona ntho eo Jesu a e boletseng. Ke Paulosi, ya buang jwale. Ha le sa e tsoma . . . Mme le lona ba leng ntle moo kgasong, atametsang Biblele tsa lona haufi le lona le sekgetjhana sa pampiri, mme le tadime sena jwale. Baheberu kgaolo ya 6, Paulosi o ngolla Baheberu, a ba bontsha diriti le dipapiso, ho ba ntsha Bojudeng ho ya Bokresteng, a ba bontsha ka moo dintho tsa kgale tsohle di neng di lekanya feela dintho tse neng di tla hlaha. Ke Paulosi ya buang jwale, Baheberu 6.

Ka baka leo, a re feteng ditaba tsa thuto ya Kreste (K-r-e-s-t-e, bonngweng) mme re feteleng ho tsa kgolo e tletseng; re se boele ra thea motheo wa ho baka . . . mesebetsing e shweleng le wa tumelo nnqa ho Modimo.

Le wa . . . thuto ya dikolobetso, le wa peo ya matsoho, le wa tsoho ya bafu, le wa kahlolo ya ho sa feleng.

Mme re tla etsa jwalo, ha Modimo o re dumella.

Hobane ba seng ba kile ba bonesetswa, ba lekileng neo ya lehodimo, ba filweng kabelo Moyeng o Halalelang,

Ke batla ho kgutlisa mehopolo ya lona motsotso feela. Na le lemohile, hore ke “neo”; mme e seng “dineo,” ba filweng kabelo “dineong tsa lehodimo”? Empa, “neo ya lehodimo,” bonngweng; “Kreste,” bonngweng; “neo,” bonngweng.

. . . neo ya lehodimo, ba . . . filweng kabelo Moyeng o Halalelang,

Ba latswitseng . . . lentswe le monate la Modimo, . . . (latswitseng eng?) . . . lentswe le monate la Modimo, le matla a bophelo bo tlang ho tla,

Bao ha ba ka wa, ha ho ka moo ba ka boelang ba ntjhafatswa kateng, hore ba boele ba bake, hobane ba boela ba ithakgisetša Mora Modimo, ba mo etsetša nyediso.

Hobane (mamelang) ha e le lefatshe... le inwellang metsi a dipula tse le nelang hangata, le medisetsang bao le lemewang bona meroho e molemo, lefatshe le jwalo le ye le fuwe lehlohonolo ke Modimo:

Empa ha e le le medisang meutlwa... dibajwa feela, lona le ye le lahlwe, le okamelwe ke thohako, mme taba ya lona ya qetello ke ho tjeswa.

³² Jwale bapisang hoo le Matheu 5:24 hape. Lemohang, Jesu o boletse hore pula le letsatsi di ye di tle hodima lefatshe, le hore Modimo o ye a le romele ho lokisa dijo le dintho tse jwalo bakeng sa batho ba lefatshe. Mme pula e ye e romelwe morerong wa dijo, meroho. Empa mofoka, lehola, ka ho ba tshimong, a amohela ntho e tshwanang. Yona pula e hodisang koro ke yona pula e hodisang mahola.

³³ Ka moo ke ileng ka ithuta hodima taba eo ka nako e nngwe, ha ke ne ke qala ho kopana le batho ba Pentekosta! Mme ya e ba thuto e kgolo ho nna. Ka bona banna ba babedi, e mong... Ke ne ke e-so ho utlwele kaha ho bua ka dipuo le ka mohla pele. E mong o na bua ka dipuo, e mong a ho fetole, ka ho fapanyetsana. Mme ho ne ho bolelwa nnete, ho thwe, "Ho na le bongata bo loketseng ho sokoloha ka mona bosiueng bona. Ke banna le basadi, mmoho." Mme batho ba ne ba ema ka maoto ba ye aletareng.

Ke nahane, "Ho babatseha hakakang!"

³⁴ Mme yaba ka neo e nyenyane ya Moya o Halalelang, ke bua le banna bao, feela, le a tseba jwang, mokgweng wa temoho ya meya, mokgweng feela wa ho fumana. Mme e mong wa bona e le Mokreste wa sebele, e le mohlanka wa nnete wa Krete, ha e mong e ne e le moikaketsi. Mme e mong wa bona, enwa wa moikaketsi, o ne a phela le mosadi ya hloho-ntsho, a hlwahlwaela le ya moriri o mosehla mme a bile a tswetse bana ka yena. Ka mokgwa wa teng, e ne e hlahile hantle mono ponong; e ke ke ya latolwa. Mme ka qoqa le yena mabapi le taba eo. A ntadima yaba o sirela a potela ka mohaho.

³⁵ Jwale ke ne ke ferekane, haholo ruri. Ka nahana ha ke ne ke kene hara mangeloi, yaba ke ipotsa hore na ke ne ke se hara matemona. Taba ee e ne e ka hlaha jwang? Ka se ke ka kgona ho utlwisisa. Mme ka dilemo-lemo ka itshola ho yona, ho fihlela tsatsi le leng moo... .

George Smith, moshanyana ya utlwanang le moradi wa ka, maobane re ile ra ya, hodimo oo lelwala la kgale le leng teng moo ke yeng ke ye ho rapela.

Mme hoba ke hlole kahare moo matsatsi a mmalwa, Moya o Halalelang wa kgutlisetsa Lengolo lena ho nna. “Hoba pula e nelang lefatshe hangata ho le medisetsa meroho, empa meutlwa le dibajwa di phediswa ke yona pula eo, mme taba ya tsona ya ho qetela ke ho tjheswa.” Di phela ka ona mohlodi wa Modimo o fanang ka bophelo. Yaba ke utlwisisa taba eo. “Ka . . .” Jesu o boletse, “Le tla ba tseba ka ho bea ha bona.”

³⁶ Jwale, ka mokgwa oo, pula e rothelang fatshe hodima dimela tsa hlaho tsa lefatshe, ke papiso ya pula ya Semoya e fanang ka Bophelo bo sa Feleng, e tsholohelang fatshe hodima Kereke, hoba re o bitsa dipula tsa selemo le dipula tsa hwetla. Mme ke pula, e phoroselang ho tswa Moyeng wa Modimo, hodima Kereke ya Hae.

³⁷ Lemohang, ke ntho e hlolang haholo mona. Le a bona? Ha peo tseo di ne di kena mobung, e leng hore na di fihlile jwang moo, e ne e le meutlwa le ho qaleng. Empa teng koro e keneng mobung, le meroho, e ne e le meroho le ho qaleng. Mme moroho ka mong ka ho ikatisa, hape-hape, o bontshitse ha o ne o le qalong tshimolohong.

³⁸ “Mme ba tla thetsa Bakgethwa hola ke ntho e ka etswang,” hoba ba amohela pula e tshwanang, hlohonolofatso e tshwanang, ba bontsha mehlolo e tshwanang, meeka e tshwanang. Le a bona? “Ba tla thetsa, kapa ba ya thetsa Bakgethwa hola ke ntho e ka etswang.” Jwale, moutlwa o ke se thuse ha e le moutlwa, mme le jwalo koro e ke se thuse ho beng koro; ke seo Mmopi wa e nngwe le e nngwe ya tsona a se rerileng tshimolohong. Ke Bakgethwa bao. Pula yona eo!

³⁹ Letsatsi le tjhaba hoseng mme le jalehe hodima lefatshe, jwalo ka ha le bile le lefatshe lena le letsatsi leo re phelang. Mme letsatsi, lona letsatsi le tjhabang ka botjhabela ke lona letsatsi le dikelang bophirima. Mme letsatsi leo le rometswe ho butswisa hlaku hodima lefatshe, eo mebele ya rona e entsweng ka yona.

⁴⁰ Re phela ka dielemente tse shweleng. Ke ona feela mokgwa oo le ka phelang ka wona. Mme ha ntho e itseng e tlamehile ho shwa letsatsi ka letsatsi hore le tle le phele, ka hlaho, jwale na ha se nnete hore ha . . . Mmele wa hao o tlamehile ho phela ka dielemente tse shweleng, bakeng sa bophelo ba hlaho, jwale o tlameha ho ba le Ntho e nngwe ho shwa, semoyeng, ho pholosa bophelo ba hao ba semoya. Mme Modimo, a fetoha ntho e ka angwang, nama, le ho shwa hore re tle re phele. Ha ho kereke, ha ho ntho esele lefatshe e ka o pholosang ntle ho Modimo. Ke yona feela ntho ee ba phelang ka yona.

⁴¹ Jwale bala Mangolo. Jesu ke Lentswe. “Lentswe le ne le le tshimolohong. Mme Lentswe le ne le etswe nama mme la aha hara rona. Lentswe le ne le le tshimolohong, mme Lentswe le ne le le ho Modimo. Mme Lentswe le ne le etswe nama, mme Ya

phetseng, a aha hara rona.” “Mme motho a ke ke a phela ke bohobe feela,” ka nngqeng ya nama, “empa le ke polelo e nngwe le e nngwe e tswang molomong wa Modimo.” Ka mokgwa oo, le a bona, re phela ka Lentswe, mme hoo ke Modimo.

⁴² Jwale letsatsi le ye le tjhabe mme le butswise hlaku. Jwale, le ke ke la e butswisa hang-hang. Ha e ntse e hola, e ntse e phethahala, ha e phetse ho butswa ho fihlela e fihla qwaping e tletseng.

Ho jwalo, kajeno, ka Kereke. E qadile boseeng, morao mongwaha-kgolong wa lefifi, moo e neng e le tlasa mobu. E hodile jwale ho fihlela bophethehing. Mme re ka e bona, ka ho phethahala, ka mokgwa oo Modimo kamehla ka hlaho. . .

⁴³ Le ke ke la sitisa hlaho. Ke sona se e leng taba kajeno. Re fofisa diqhomane, mona ntle lewatlang, re le phatlole mme re le thuhakanye kahohle ka dithuhaki tsa atomo. Le ntse le phatlola lerole leo ho fetisa ho tswa mono ka dinako tsohle, ho ekeletsa ho lona. Ha le rema difate; difefo di tla le nka. Ha le thibela noka; e tla phophoma.

O loketse ho fumana tsela ya Modimo ho etseng dintho mme o dule ho yona. Re hlophiseditse batho dikerekeng le mekgatlong; shebang see re nang le sona! Dulang tseleng eo Modimo a e hlaliseditseng tsona.

⁴⁴ Empa, le a bona, “O nesetsa pula,” morao therong ya rona, “hodima ba lokileng le ba kgopo.” Jesu o le bolella mona jwale, ho Matheu 24, e tla ba pontsho nakong ya qetelo.

Jwale, ha pontsho ena e tla tsebahala nakong ya qetelo, e tla lokela ho ba ka morao ho ho manollwa ha Ditiiso tseno. Le a bona? Ke pontsho ya qetelo. Etlare, ha dintho tsena di hlaha, e tla be e le nakong ya qetelo. Mme e tla ba pontsho, jwale, e le hore Bakgethwa ba se ke ba ferekana dinthong tsena. Le a e bona? Jwale he, e loketse ho senolwa, ho pepeswa.

⁴⁵ Hlokomelang, bobedi koro le mahola di phela ka Tlotso e tshwanang ho tswa Lehodimong. Bobedi ba tsona bo a E thabela.

Ke hopola taba ke ena, ke lebisa hape ketsahalang ena hodimo mane tsatsing leo Lelwaleng la Green. Ka—ka bona pono eo e hlaha. Mme ho ne ho ena le lefatshe le leholo, mme le boleme. Yaba ho tswela teng Mojadi, pele. Ke batla ho bea hono ka pela lona. Lemohang ho tswelang mono pele ke eng, le hore ho latelwa ke eng. Mme yare ha Monna enwa ya apereng bosweu a potella ka nngane ho lefatshe, a jala peo, yaba ka morao ho Yena ho tla monna, a apere botsho, a shebahala a itshunya ka bohlale, a kenella ka ho thella ka morao ho Yena, a jala mahola. Mme ha sena se etsahetse, yaba ke bona ha bobedi ba dijalo tseo ho hlaha. Mme yare ha di hlaha, se seng e le koro mme se seng e le mahola.

Mme ha tla komello, eo e itseng, yaka hoja, bobedi ba tsona bo kebisitse dihloho tsa tsona di llela pula feela. Yaba ho e tla leru le lehlo hodima lefatshe, mme pula ya na. Mme koro ya phahama le ho re, “Ho bokwe Morena! Ho bokwe Morena!” Le mahola a inamoloha mme a hweletsa, “Ho bokwe Morena! Ho bokwe Morena!” Dipheto tse tshwanang. Bobedi ba tsona bo timela, bobedi ba tsona bo pona. Yaba koro e a hlaha mme ya nyorwa. Mme ka hoba e ne e le tshimong e le nngwe, serapa se le seng, tulo e le nngwe, tlasa phophororo e le nngwe, ke moo ho hlaha koro mme ke moo ho hlaha mofoka pela yona ntho eo. Lemohang, ona metsi a tlotso a medisang koro, a medisa le lehola.

⁴⁶ Ona Moya o Halalelang o tlotsang Kereke, o ba fang takatso ya ho pholosa meya, o ba fang natla ho etsa mehlolo, O tsholohela hodima ba kgopo ho tshwana le ba lokileng. Ona Moya o tshwanang! Jwale, o ke ke wa e etsa ka mokgwa osele mme wa utlwisisa Matheu 24:24. O boletse, “Ho tla hlaha Bokreste ba bohata,” batlotsuwa, ba bohata. Ba tlotsitswe ka Ntho ya sebele, empa ebe bapropeta ba bohata ba Yona, baruti ba bohata ba Yona.

Keng ho ka etsang motho a batle hoba moruti wa bohata wa ntho ya Nnete? Jwale re tla theohela letshwaong la sebata metsotsong e seng mekae, mme le tla bona hobane ke phutheho e lebitso. Le a bona? Baruti ba bohata; ba tlotsitsweng, ba bohata. Bokreste ba tlotsitsweng, empa baruti ba bohata. Ke ona feela mokgwa oo o ka e bonang ka wona.

⁴⁷ Jwalo ka nakwaneng ya ho feta mona, ke nnile ka bolela taba ena. Nka e bolela hobane re hokantswe hohle matjhabeng. Ka tsatsi le leng ke ne ke bua le motswalla ka, moo sena se fihlellang hoseng hona, mane Arizona. Mme o na ena le—le polasi ya melamunu. Mme o na ena le sefate see e neng e le sefate sa lamunu se neng se bea merara, le lemone, narekisi, dithanjelo. Mme ke lebala mefuta ya ditholwana e fapaneng e neng e le sefate seo se le seng. Mme ka re ho e—e—e monna, ka re, “Ho tla jwang? Ke sefate sa mofuta ofe?”

A re, “Sefate seo, bosona, ke sefate se lamunu.”

Ka re, “Hobaneng ha se ena le merara ho sona? Hobaneng ha se ena le dilemone ho sona?”

A re, “Di entetswe ho sona.”

Ka re, “Ke a bona. Ka tsela eo, jwale,” ka re, “jwale, isao ha sefate seo se bea tholwana e nngwe ya kotulo,” e leng hore tsohle di batla di butswa ka nako e le nngwe, ka re, “lekgatheng leo se tla bea dilamunu ka ho phethahala. Haeba e le sefate sa lamunu, se tla bea dilamunu, na ha ho jwalo, monghadi?”

A re, “Tjhe, monghadi. Lekala le leng le le leng le entetsweng mono le tla bea la mofuta wa lona.”

Ka re, “O bolela ha lekala leo la lemone le tla bea lemone sefateng seo sa lamunu?”

A re, “E, monghadi.”

“Na morara o tla bea tholwana ya morara sefateng seo sa lamunu?”

A re, “E, monghadi. Ke semelo sa lekala le entetsweng moo ho sona.”

Ka re, “Ho bokwe Modimo!”

A re, “O bolelang?”

Ka re, “Potso e le nngwe hape. Jwale, na ebe sefate seo sa lamunu se tla bea dilamunu le ka mohla hape?”

A re, “Ha se ka bea lekala le leng.” Ha se ka hlahisa lekala le leng, e seng ha le leng le entelwa ho sona. Empa, tsohle ke tholwana tsa melamunu, mme di phela ka bophelo ba molamunu bo leng sefateng seo sa molamunu.

⁴⁸ Ka re, “Ke moo he! Methodise e tla hlahisa Mamethodise, kamehla. Baptise e tla hlahisa Mabaptise, kamehla. Katolike e tla hlahisa Katolike, kamehla. Empa Kereke ya Modimo o phelang e tla hlahisa Krete ho tswa motsong, Lentswe ka nako tsohle, haeba e hlahisa lekala le leng la Yona le ka mohla.”

⁴⁹ Jwale, o ka nna wa e entela mono, o a bona. Morara o mong le o mong, lemone, thanjelo, narekisi, kapa mofuta ofe feela wa tholwana ya melamunu e ka bang wona, e nngwe le e nngwe ya tsona e ka phela sefateng seo; empa e fana ka bopaki ba bohata ba sefate seo, e phela ka sefate seo. Le bona taba eo? Di phela le ho atleha ka bophelo bo phethahetseng bo leng sefateng seo.

Jwale, Matheu 24:24 ke eo, ka ho phela ka Bophelo bona boo, empa di ne di sa loka, tshimolohong. Di fana ka bopaki ba bohata ba Sefate seo! Ke sefate sa lamunu, empane le jwalo ke sefate sa melamunu. Mme ho thwe, “Kereke ena, phutheo ena ya kereke e fana ka bopaki ba Krete,” empa e fupere kolobetso ya bohata, bopaki ba bohata ba Lentswe, ka ho leka ho bolela ha matla a Modimo a ne a etseditswe barutuwa feela.

Jesu, ka bo-Yena, o boletse, “Eyang ke hona ka lefatshe lohle mme le bolele Evangedi lekaleng le leng le le leng leo le ka mohla le tla . . . sefateng ka seng se tla bea, lekaleng ka leng le tla ba sefateng seo. Mme mehlolo ena e tla latela makala a sebele.” Ho kae? Ha feela e ntse e le Sefate, ha feela Se ntse se hlahisa makala, ho isa dipheletsong tsa lefatshe. “Ka Lebitso la Ka ba tla leleka matemona; ho bua ka dipuo tse ntjha; ho nka dinoha; ho nwa dintho tse kotsi; ho bea matsoho hodima ba kulang mme ba tla fola.” Le bona hora eo re phelang ho yona? Le bona see Jesu a se buileng?

⁵⁰ Hopolang, mona e ne e le nakong ya qetelo, eseng morao kwana tlasa Wesele le morao mono. Jwale, ke nakong ya qetelo, ha dintho tsena di ne di tla etsahala.

Jwale lemohang Mangolo; a Wona a ke a pake. Jesu o boletse, “Le batlisise Mangolo, hoba ka ho Wona le lekanya, kapa ho dumela, ha le ena le Bophelo bo sa Feleng, mme ke Wona A Mpakang.” Ka mantswe a mang, ha sefate sena se hlahisa lekala le ka mohla. . . “Ke Nna Morara, Sefate; lona le makala. Ya dumelang ho Nna, mesebetsi eo Ke e etsang o tla e etsa le yena,” Mohalaleli Johanne 14:12.

⁵¹ Jwale, “Ya dulang ho Nna, ya . . . ya neng a le motsong wa Ka tshimolohong.”

Ke ka baka leo Jesu e leng Motso le Lehlomela la Davida mmoho. O tlile pele ho Davida, kahare ho Davida, le ka morao ho Davida, Motso le Lehlomela la Davida mmoho; Mphatlalatsane, Rose ya Sarone, Mohaladitwe wa Diphula, Alfa le Omega; Ntate, Mora, le Moya o Halalelang. “Botlalo bohle ba Bomodimo bo ne bo ahile ho Yena ka mmele.” Motso le Lehlomela la Davida mmoho!

“Eo e leng Bophelo bo kgethilweng, Bophelo bo rerilweng e sa le pele, e leng ya ka ho Nna,” mme Yena ke Lentswe, “ho tloha tshimolong; ha a etla, o tla bea ditholwana tsa Ka.” Mohalaledi Johanne 14:12.

Empa ba bang ba tla phela ka yona ntho eo, ba ipitse Bakreste le badumedi. “Ha se bohle ba reng, ‘Morena, Morena,’ ba tlang ho kena.”

Jwale, le sona sena se tla etsahala le ho bonahatswa matsatsing a qetelo, “nakong eo diphiri tsa Modimo di loketseng ho phethelwa,” jwalo ka ha re tla tla tabeng eo hamamorao.

⁵² Difate tsena, sefate sa nnete sa morara le sefate sa bohata sa morara! Le kile la nkutlwa ke rera ka taba eno ha e sa le, ho tloha dilemong tsa ho feta, ka mokgwa oo di hotseng mmoho. Ka ntsha batho bao ka bonngwe le ho bontsha taba eo, ho tloha ho Kaine le Abele, difate tse pedi tse kopaneng aletareng; bobedi ba bona bo ena le borapedi, bobedi ba bona bo tlotsitswe, bobedi ba bona ba nyoretswe bophelo, mme ba rapela Modimo o tshwanang. Mme e mong a nyediswa ha e mong a amohelwa.

Mme mokgwa feela oo ya amohetsweng a neng a ka etsa ntho e fapaneng le ya moenae, o na ile a e senolelwa. Hoba Bible e boletse, “Ka tumelo. . .” Baheberu kgaolo ya 11, “Ka tumelo Abele o hlahiseditse Modimo sehlabelo se molemo ho sa Kaine, mme Modimo wa paka hobane o ne a lokile.”

Jesu, o boletse, tshenolo ya moya hodima hore E ne e le Mang! “Batho ba re Nna Mora motho ke mang?”

A re, Petrose o boletse, “O Kreste, Mora Modimo o phelang.”

“Ho lehlohonolo Wena, Simone—Simone, mora Jona; ha se nama le madi tse o senoletseng hona. Ntate wa Ka ya Mahodimong o e senotse. Hodima lejwe lena ke tla haha Kereke ya Ka,” (eng?) tshenolo ya sebele ya Lentswe. Sefate sa nnete sa Morara ke seo hape. “Abele, ka tumelo!”

O itse, “E ne e se tshenolo.”

⁵³ Tumelo ke eng? Tumelo ke ntho e itseng ee o e senoletsweng; e so ka e hlaha, empa o dumela ha e tla ba teng. Tumelo ke tshenolo ya thato ya Modimo. Ka baka leo, ka tshenolo!

⁵⁴ Mme dikereke kajeno ha di dumele le tshenolong ya moya. Di dumela thutong ya molawana wa tsamaiso e itseng. “Ka tshenolo Abele o hlahiseditse Modimo sehlabelo se molemo ho sa Kaine, mme Modimo wa paka hoba o ne a lokile.” Amen. Ke tshema ha le bona taba eo. Le bona moo re phelang? Le bona hora?

Ke ne ke qoqa le—le monna ya kgabane nakong e seng kae ya ho feta, moithutwana Mokreste le monna kgabane. O ile a re, “Mong. Branham, re hanana le ditshenolo tsohle.”

⁵⁵ Ka re, “Jwale o tla tlameha ho latola Jesu Krete, hoba Yena ke tshenolo ya Modimo, Modimo o senotsweng nameng ya motho.” Pele o ka bona taba eo, o lahlehile.

Jesu o boletse, “Ekare ha le sa dumele hobane ke Yena, le tla shwa dibengtsa lona.” Ke Yena tshenolo ya Modimo, Moya wa Modimo o senotsweng sebopelong sa motho. Ha o sa dumele hono, o lahlehile. Ha o Mo bea e le motho wa boraro, motho wa bobedi, kapa motho ofe kapa ofe ntle le Modimo, o lahlehile. “Ekare ha le sa dumele hoba Ke Yena, le tla shwa dibeng tsa lona.” Tshenolo!

⁵⁶ Ha ho makatse ha ba ne ba sa kgone ho Mo bona. “Ha ho motho ya ka tlang ho Nna ha a sa hulwe ke Ntate wa Ka. Mme bohle bao Ntate a Nneileng bona,” metsong, “ba tla tla ho Nna.” Le a bona? Le tshwara taba eo? Kgidi, ka mkgwa oo re loketseng ho Mo rata, ho Mo obamela, ho Mo tlotlisa; ho bona tholwana ya Moya matsatsing a qetelo, le ho butswa ha Sefate sa Monyaduwa hlorong ya nako!

⁵⁷ Sefate sa nnete le sefate sa bohata, bobedi bo fumane tlotso e tshwanang. Metsi a tsholohetse bobeding ba tsona mmoho. Ha ho makatse ha A re hlokomeditse, “Ho tla thetswa le bona Bakgethwa hola ke ntho e ka etswang.”

⁵⁸ Lemohang, di shebahala ka ho tshwana. Di tlotsitswe ka ho tshwana. Empa lemohang, “Ka ho bea ha bona...” Le se tsebile jwang?

Le tseba jwang hoba ha se lamunu? Hobane se bea tholwana ya morara. Sefate seo sona se itoketse, se phela sefateng seo, empa se bea tholwana ya morara. Ha e tshwane le ya pele.

Mme ekare ha kereke e bolela hore e “dumela Jesu Kreste yena maobane, kajeno, le ka ho sa feleng,” mme e latola Matla a Hae, e latola mesebetsi ya Hae, e latola Lentswe la Hae; ekare—ekare. . . Kereke e dumelang ho Jesu Kreste, e tla etsa mesebetsi ya Jesu Kreste, etlaba le Bophelo ba Jesu Kreste. Mme ekare ha e sa etse jwalo, ho sa tsotelehe hore na Bophelo bo tsholohela kahare ho yona; haeba e sa rerwa, ho tswa metsong, e tla bea tholwana ya morara ka nako tsohle, kapa ntho e itseng e fapaneng. Empa haeba e le Bophelo bo reretsweng pele, metsong, e tla bea Jesu Kreste yena maobane, kajeno, le ka ho sa feleng, ha e le Lentswe le nyolohang ka Motso. Etswe, Yena e le Motso, tshimoloho ya nako.

⁵⁹ Lemohang, taba e le bolellang phapang ke see ba se beang. “Ka ho bea ha bona,” Jesu o itsalo, “le tla ba tsebang.” “Motho ha a ke a kgole merara meutlweng,” ekasita leha meutlwa e ka ba hantle hara sefate sa morara. Taba eo e ka etsahala, empa tholwana e tla bolela.

Tholwana ke efe? Lentswe, bakeng sa tholwana ya sehla. Ke see e leng sona, thuto ya bona. Thuto ya eng? Thuto ya sehla, hore ke nako efe. Thuto tsa batho, thuto ya phutheho ya kereke, empa, kapa Lentswe la Modimo bakeng sa sehla seo?

Jwale, nako e tsamaya kapele hona, hore re ka dula moo nako e telele. Empa ke tshepa ha lona ba leng teng mona, mme ke tshepa ha lona ka ho phatlalla le matjhaba, le kgona ho bona see ke lekang ho le bolella sona, hoba ha re sa na nako e ngata ho ka hlola tabeng eo.

⁶⁰ Empa le ka bona hore Tlotso e dula hodima ba kgopo, baruti ba bohata, mme ho bake hore ba etse hantle seo Modimo a ba boleletseng ho se se etse; empa ba ya nne ba se etse, hodima ho le jwalo. Hobaneng? Ba ka se kgone ho ithusa. Ke ha jwang moutlwa e ka bang ntho e nngwe e sele ntle le moutlwa? Ho sa natse hore pula e ntle hakae e a o fafatsa, e tlamehile ho ba moutlwa. Ke ka baka leo Jesu a boletseng, “Di tla bapa hammoho ka tsela eo ho ka thetswang le bona Bakgethwa,” ba leng motsong, “hola ke ntho e ka etswang,” empa ha se ntho e ka etswang. Ha ho letho leo koro e ka le etsang ntle le ho bea koro; ke pheto seo e ka se beang.

⁶¹ Lemohang. Hopolang, Modimo ha se moqapi wa mokgatlo. Diabolosi ke moqapi wa mokgatlo. Ke nnile ka tiisa taba eo ka Lentswe, ho ya pele le morao, le hape le hape; ha ke na tlameha ho kena tabeng eno hoseng hona. Re a tseba Modimo ha a eso ka a hlophisa batho mmoho ka mokgwa ono, ho etsa mokgatlo. Dilemo-lemong tse makgolo morao ho lefu la morutuwa wa ho

qetela, le pele ba eba le mokgatlo wa pele. Kamehla ho nnile ha paka ha e le taba e hlolehang. Ha ho se jwalo, hobaneng ha re sa kopana mmoho leratong kajeno, Methodise, Baptise, Presbeteriene, Katolike le tsohle? Hobaneng ha mesebetsi ya Modimo e sa re latele, he, kereke ka nngwe e le nthong e tshwanang, Lentsweng? Dintho tseo tse arolang batho, kopano ya boena. . . Re ile hole le Modimo ho feta ka moo re nnileng ra ba ka teng, dikereke, seo ke buang ka sona.

⁶² Jwale, re bolellwa, hore, “Dintho tsohle tsa mehleng di etsahetse jwalo ka mehlala, ho re ruta, dikgalemo, ditao.” Hore, dintho tsohle tsa mehleng tsa Testamente ya Kgale di etsahetse, e le driti, ho ka bona se neng se tla ba ka Testamenteng e Ntjha, tsatsing la rona.

Jwaloka ha mohlomong o eso bone letsoho la hao, ebe o tadima hodimo mme o bone seriti leboteng, ka mokgwa oo letsoho la ka le ka shebahalang ho tswa leseding, ha le ena le menwana e mehlano mona seriting, nakong eo neketifi; mme ebe o tsamaisetsa matsoho a hao nngeng eo, kaha e le ntho ya sebele, nngeng ya—nngeng ya neketifi, e loketse ho tla menwaneng e mehlano.

Jwalo ka ha Bible e re bolella, “Testamente ya Kgale kaha e le seriti, papiso ya dintho tse ntjha, kapa dintho tse neng di tla hlaha; e seng tsona dintho tseo, empa ke seriti, papiso ya dintho tse neng di tla hlaha.”

⁶³ A re kgutleleng morao mme re bone haeba ntho ena e kile ya hlaha mongwaheng o mong osele. Na le lakatsa jwalo? [Phutheho e re, “Amen.”—Mong.] E le hore re tle re tsebe, ho tiisa hona, ho ya pele le morao, ka Lentswe; e seng ka nahano ya monna ya itseng, mohopolo o itseng.

Ha ke kgathale na ke mang; monna ofe kapa ofe, e leng nna kapa monna e mong osele, “Ha a sa bue ho ya ka molao le baporofeta, ha ho Lesedi la letho ka ho yena.” Le a bona? Ke see Bible e se boletseng. “Mantswe wohle a batho e be leshano, mme a Ka e be nnete,” ho sa tsotelehe hore na ke mang.

⁶⁴ Jwale a re ke re kgutleleng morao ha ekaba ntho ena e kile ya etsahala, ho re bontsha mohlala.

Re ka kgutlela morao kwana jwale Bukeng ya Exoda mme re bue ka motho ya bitswang Moshe, eo e neng e le moporofeta ya tlotsitsweng ya romilweng ke Modimo, ka Lentswe la Modimo le thato ya Modimo bakeng sa moloko wa hae. Jwalo ka ha Lentswe la Modimo le tswella ka bohloleho, O itse, “Ha A etse letho pele A senoletse Hona baporofeta ba Hae pele.” Eba O a e etsa he. Le a bona?

Jwale, A ke ke a bua leshano. A ke ke a bua leshano mme ya nna ya eba Modimo. Tjhe, monghadi. O loketse ho dula a tshepahetse. Ka ho Yena ha ho leshano. O a . . .

Mme A ke ke a Le fetola. Ekare ha A etsa jwalo, etlaba ha Se Modimo; O entse phoso. O loketse ho hloka pheletso. Mme ya hlokgang pheletso a ke ke a etsa phoso. Le a bona? Kahoo se boletsweng ke Modimo le ka mohla, se nepahetse ka Hosafeleng. Le a bona? Mme O tshepisetse hono. Ka baka leo, hlokomelang, ha ho nqalo efe feela Bibeleng moo se sa lateleng ka bohloleho ho yona hantle.

⁶⁵ Jwale, Modimo a na tshepisetse Abrahamama hore peo ya hae e tlabane basele hara—naheng esele ka dilemo tse makgolo a mane, eba O mo ntsha ka letsoho le phahameng la matla le bonatla, ho bontsha mehlolo le meeka ya Hae hara batho bao ba neng ba dula le bona. Nako ya tshepiso ya nna ya atamela. Batho ba ne ba se ba lebetse kaha sena. Ba ne ba ena le Bafarisi le Basadusi, le jwalo-jwalo, phutheho tsa dikereke. Empa, hang feela, Modimo wa tla mme wa ntshetsa, ntle, ka thoko ho e mong le e mong wa bona.

Modimo le ka mohla, tsatsing lefe kapa lefe leha e le nakong efe kapa efe, le ka mohla ha a eso ka a bitsa moporofeta phuthehong ya kereke. Tjhe, monghadi. O futahane, o ne a ke ke a kgona ho etsa hono; o ne a tla lokela ho dula le phutheho eo ya kereke.

⁶⁶ Moshe, monna ya romilweng ke Modimo, ka Lentswe la Modimo, mme leetong la hae a nketse bana ba Iseraele lefatsheng la pallo, a tiile melaong ya Modimo, a kopana le moporofeta e mong, e mong ya tlotsitsweng ya neng a ena le tlotso ya nnete ya wona Moya o Halalelang o neng o le hodima Moshe. Ho jwalo. E ne e le moporofeta. Moya o Halalelang o ne o le hodima monna enwa. Lebitso la hae e le Balaame. Bohle re nnile ra utlwela ka yena. Ka mokgwa wa teng, tsona dintho tseo, tse tshwanang, dintho—dintho tseo monna eo a di boletseng, di sa etsahala, dilemong tse ka bang makgolo a mashome a mabedi a metso e robedi tse fetileng. “O na le matla a kang a nare, O Iseraele. Ho hlohonolofatswe ya o hlohonolofatsang. Ho rohakwe ya o rohakang. Matla a hao, le boholo, ditente tsa hao di ntle hakakang, oho Jakobo!” Le a bona, o na se na ho ithusa. A tlile moo a rerile ka pelong ya hae ho rohaka batho bao.

⁶⁷ Oho, lona baruti ba bohata ba nnileng ba mamela diteipi tsena dilemong tsena tsohle, mme le bona Modimo a tiisa hantle see A se boletseng, mme le dula ka diofising tsa lona tsa ho bala mme le tseba hoba ka Nnete; mme ka baka la dipapang tsa lona tsa phutheho tsa dikereke, le a di hanyetsa mme le bolella batho ba lona hore ha di jwalo. Ho madimabe lona! Nako ya lona e se e le haufi.

⁶⁸ Balaame, o ne a tlotsitswe ka wona Moya o neng o le hodima Moshe. Phapang e ne e le efe? Thuto ya Moshe e ne e phethahetse. Bible e boletse ka mokgwa ona mona ho Petrose

wa Bobedi, hore e ne e le “thuto ya Balaame” eo Iseraele e ileng ya e amohela, eo Modimo a sa kang a e tshwarela le ka mohla. Sebe se sa tshwarelweng! Ha ho le a mong wa bona ya ileng a pholoswa, leha ba ne ba tswile tlasa dihlohonolofatso tsa Modimo, mme ba bone letsoho la Modimo le tsamaya ka moporofeta enwa wa senatla, mme ba bona ha e netefatswa hantle ke Modimo. Mme, kahobane, moporofeta e mong a tlile ka thuto, e kgahlano, mme a hanyetsana le Moshe, le ho leka ho tiisetša batho ha Moshe a ne a fosahetse. Mme Dathane, Kore, le bongata ba bona, ba dumellana le yena mme ba ruta bana ba Iseraele ho etsa bohloa, ho latela mokgatlo wa hae, hore, “Re a tshwana bohle.”

“E leng hore re Methodise, Baptise, Presbeteriene, kapa Mapentekosta, le eng feela, bohle re a tshwana.”

⁶⁹ Ha re tshwane! Le setjhaba se kgethehileng, bahalaledi Moreneng, ba ineetseng Lentsweng le Moya wa Modimo, ho bea tholwana ya tshepiso ya Hae ya tsatsi lena. Mme ha le ba bona! Ke a tseba taba eo e thata, empa ka mokgwa o tshwanang ke Nnete. Ho ineela tshobetsong matsatsing ana a qetelo! “Tswang mahareng a ntho eo.”

⁷⁰ Jwale, “thuto ya Balaame,” e seng boporofeta ba Balaame. Hoo ho ne ho nepahetse. E ne e le Modimo. Ke ba bakae ba dumelang hono? [Phutheho e re, “Amen.”—Mong.] Boporofeta ba Balaame bo ne bo lokile ruri, hoba O ne a ke ke a bolela letho le sele. Tlotso ya Modimo e ne e ke ke ya bolela letho le sele, mme Modimo wa bo netefatsa ka ho tiisa hoba e ne e le Nnete. Empa e ne e le “thuto ya Balaame.”

⁷¹ Jwale bapisang hoo le Matheu 24:24. Ba tlotsitsweng, empa thuto ya bona e fosahetse. Boraro boo, le dintho tse kang tseo tsohle; di fosahetse, antikreste!

Ke tshepa hore maikutlo a lona ha a thonkgehe. Mme le se ke la sotha dintho tseno, difonofono tseo ho di kwala. Mme le se ke la ema la tswa. Dulang feela le tsitsitse, mme re boneng haesenoba Moya o Halalelang o ke ke wa re senolela yona, le ho re tiisetša yona. O re, “Empa hoo. . .” E leng hore le dumela eng, dulang feela le tsitsitse mme le mamele. Mme le kope Modimo ho bula pelo tsa lona, ebe jwale o tla fumana hore na o moutlwa, kapa tshello, leha e le kae kapa kae feela moo o emeng teng. Le a bona?

⁷² Jwale, esita le Judase, “ya neng a reretswe tsuo eo a neng a le yona,” o na dutse ka pela Jesu. Mme Jesu a mmolella, “Motho eo ke wena. Seo o yang ho se etsa, le see o tshwanetseng ho se etsa, eya o se etse kapele.” Yena ka ho tseba see a neng a tla se etsa, empa, ka baka la dikotwana tse mashome a mararo a silifera, le botumo, a rekisa Morena Jesu Krete. E mong wa barutuwa ba Hae, ramatlotlo wa kereke, Jesu o mmitsitse “motswalle” wa Hae. Le a bona? Bible e

boletse, “O tswetswe e le mora tahleho,” jwalo feela ka ha Jesu a tswetswe e le Mora Modimo. “Ho thetsa le bona Bakgethwa hola ke ntho e ka etswang.”

⁷³ Lemohang ka thata ha re bala ho ya pele. Re tla qotsa ketsahalo e nngwe, kwana Bukeng ya Marena. Ho ne ho ena le—le moporofeta, mme lebitso la hae e le Mikea. E ne e le mora Imla, mme e ne e le moporofeta. E ne e le yena.

Mme ho ne ho le moporofeta e mong, hloho ya mokgatlo wa baporofeta, ba tlotsitsweng. Bible e boletse hore e ne e le “baporofeta,” jwalo feela kaha A ne a boletse ha Balaame e ne e le moporofeta, ba tlotsitsweng.

Mme ho ne ho le e mong wa bona ka lebitso la Mikea, ya neng a tlotsitswe ka Modimo le ho romelwa ke Modimo, ka Lentswe la Modimo.

Ha eba le e mong, Tsedekia, ya lekantseng ha a ne a rometse ke Modimo. O ne a tlotsitswe ke Modimo, empa thuto ya hae e ne e le kgahlano le Lentswe la Modimo. “Ho tla hlaha, Bokreste ba bohata, ba tla bontsha mehlolo e meholo, e tla thetsa Bakgethwa hola ho ka etswa.”

⁷⁴ Lemohang, bobedi ba bona, bobedi ba bona bo tlotsitswe. Jwale, o ne o ka bolela jwang ho neng ho nepahetse, le ho phoso? Hlokomelang see Lentswe le se tshepisiseng Akabe. Moporofeta ya tlileng pele ho yena, e leng Elia, e mong wa baporofeta ba baholo ba mongwaha, eo e neng e le moporofeta ya netefaditsweng. Moporofeta eo ya netefaditsweng o ile a re, hore, “Ka baka la bobbe bona bo entsweng ke Akabe, hore dintja di tla nyeka madi a hae; ho nkeng bophelo ba Nabotho. Le hore dintja di tla ja Jesebele, mme le . . . setopo sa hae e be moitedi hodima masimo.” Jwale, o ka hlohonolofatsa jwang seo Modimo a se rohakileng? Kapa o ka rohaka jwang, jwaloka ha Balaame a boletse, see Modimo a se hlohonolofaditseng? Le a bona?

Empa baporofeta bana ba ne ba tshepahetse. Ho ne ho se pelaelo ya letho ho beng ha bona banna ba lokileng, banna ba tlotlehang. Hobane, ho ka ba moporofeta Iseraeleng, o loketse ho ho hlompheha, kapa hoba Moiserale. O ne o tlepetswa, haeba ho ne ho se jwalo. E ne e le banna ba hlomphehang. E ne e le banna ba kgabane. E ne e le banna ba rutehileng. Ba ne ba kgethilwe ke Akabe, setjhabeng. (O bona seo, Kgaitseti Wright?) Bakgethwa setjhabeng, ba neng ba loketse kar- . . .

⁷⁵ Mme jwale, ha Mikea a ne a bona pono ya hae, o tsebile ka pelong ya hae seo Lentswe le neng le se boletse, empa o ne a batla ho bona seo Moya o neng o le ka ho yena o neng o tla se bolela.

Ka baka leo ba re ho yena, ba re, “O bolele ntho e tshwanang le eo baporofeta bana ba bang ba e bolelang. Mme

ha o ka etsa jwalo, kgele, o tla ba, re tla o kenya kopanong ya baena, ntle le pelaelo ya letho, hape. Le a bona? Re tla o etsa e mong wa bona. Re tla o kenya hape phuthehong ya rona ya kereke. O . . . Re a tseba hobane o moporofeta, empa kamehla o bolela taba tse nyefolang. Ha o phetse ho rohaka Akabe kamehla. Jwale, Tsedekia, monna ya ka sehlohong, mopapa, kapa . . .” e leng hore e ne e le eng. “Jwale o sa tswa hlohonolofatsa Akabe, mme o itse, ‘Eya o etse taba eno.’ Jwale o bolele yona ntho eo, Imla. Kgidi, o monna mofutsana feela. Ha o na le phutheho ya letho, ho hang, ho batla ho le jwalo. Mme mathaka ana a na le dimilione. Setjhaba sohle se eme le bona. Jwale o bolele taba e jwalo ka ya bona, o tle o bone see o ya se etsa, o tla—ho ja mafura a naha.” O ntse a bua le monna ya phoso mono!

⁷⁶ Ha ho ne ho ka thwe, “Na o ka fumana phoso ya letho ho Tsedekia, Mikea?” “Tjhe.” “Na o kile wa mo tshwara sebeng?” “Le kgale.” “Na o kile wa mo utlwa a hlapaola motho?” “Le kgale.” “Na o kile wa mo pitla a tahlilwe?” “Le kgale.” “Na o ka hanyetsana le thuto ya hae?” “Le kgale.” “Na o dumela ha digarata tsa hae tsa bongaka di fosahetse?” “Le kgale.” “Na o dumela ha mangolo a hae—hae a bongaka ba mahlale a lokile?”

“Ehlile. Ho latela lekgotla la Sanhedrine; ke lekanya ha e le lekgotla ka botlalo, ke lekanya ha e itoketse.”

“Ka mokgwa wa teng, he, hobaneng o sa ikopanye le yena?”

“Hobane a hlahlathela Lentsweng!”

⁷⁷ Ka mokgwa wa teng, re tla tshwara makgaola-kgang hodima yona, he, jwaloka moporofeta Elia pele ho moo. Mme ha o le ngwana Modimo, o tla dula le moporofeta wa Bibebe ena. Ke Lentswe. Lemohang hora, sehla.

⁷⁸ Ka mokgwa wa teng, ha Tsedekia a ka re, “Oho, ke a tseba moporofeta o itsalo, empa hoo ho bakeng sa moloko o tla latela. Ho tla nka nako e telele ho tloha jwale?”

A re, “Nkemeleng ho fihlela ke bona pono e hlang ho Modimo, mme etlaba hona nke le bolellang.”

Ha thwe, “Lekgatheng leo o tle o bolele se tshwanang?”

A re, “Ke tla bolela feela see Modimo a se bolelang; le letho le sele, le letho ho feta moo. Nka se eketse ka lentswe le le leng ho Yona, kapa ho tlosa Lentswe le le leng ho Yona.”

Ka baka leo bosiuung boo, thapelong, Morena a mo etela ka pono. Hoseng ho latelang a tswa, a re . . .

Baporofeta ba babedi ke bao!

⁷⁹ Monna ya phahameng ho feta setjhabeng, mahlong a sesole le setjhaba mmoho, e le Tsedekia. E ne e le moporofeta wa sehloho, ho ya ka morena. E ne e le hloho ya baporofeta ba

bang bohle, ka mokgatlo. O ne a entswe, ke mokgatlo wa hae, hloho ya bona bohle; ka mohlomong ya badileng ho feta, ya rutehileng ho feta, ya hlaketsweng ho feta bakeng sa mosebetsi. Mme o na tlotsitswe ka Moya o Halalelang, hobane o bitswa “moporofeta.” Ehlile, e seng moporofeta ya tlwaelehleng feela, e le moporofeta wa Moheberu. Jwale mo hlokomeleng.

⁸⁰ Tsedekia a re, “Morena o buile le nna, ‘Nketsetse dinaka tsena tse pedi tsa tshepe,’ setshwantsho.” Ka tlwaelo moporofeta o fana ka ditshwantsho. “A re, ‘Etsa dinaka tsena tsa tshepe.’ Moya o Halalelang o mpoleletse, ‘Di nke,’ Tlotso e ntlhohonolofaditseng.” Le se lekanye ha e le sehlabelo, empa ho toba ntlha. “Moya o Halalelang o buang ka dipuo ka nna, Yena ya nnetefaditseng, O itse, ‘Nka dinaka tsena, mme, ka hona, bolella morena hore o tla thula Siria a mo ntshetse ka nnqane ho naha. Mme Ke tla kgutlisetsa hoyena lefatshe leo e leng lefa la Iseraele ka nepo, kereke.’”

Moena, ke ho dula motheong ruri, hakaalo ka ha Balaame a bile hodimo mona. Ha re bua ho latela motheo Balaame o bile hakaalo ka ha Moshe a bile. Moshe...Palo ya Modimo e nepahetseng ke supa. Mme Balaame o itse, “Nketsetseng dialetare tse supileng; dihlabelo tse supileng tse hlwekileng, dipholo, le dipheleu tse supileng.” Taba eo e bua ka ho tla ha Mora Modimo. Ho latela motheo, o na lokile jwaloka mang le mang wa bona.

⁸¹ Mme Tsedekia ke enwa, a le motheong a lokile hakaalo, “Hoba lefatshe lena ke lefa la rona. Kgidi, Basiria bao mmoho le Baflista hodimo mane ba kgorisa mpa tsa bona, tsa bana ba bona le ntho tse jwalo, sera sa rona, ka dijo tseo bana ba rona ba sa di fumaneng! Kanthe, Modimo o re neile lefatshe lena!”

Moena, ke kgang e babatsehang eo. Ke lekanya o na ka hlaba mokgosi kaha taba eo pela Iseraele, mme ba ne ba ka hweletsa haholo ka moo ba neng ba ka kgona. Jwale, ke bua ka letsatsi la kajeno jwale. Ke a tshepa le ntse le ena le nna. Mehoo yohle, ditlatse!

⁸² Le hopola Davida Sontaheng sa ho feta? Le a bona? Lona ba ka ntle moo mafatsheng ka diyalemoya, kapa mafatsheng a hokantsweng ka fonofono ena; le sa kang la fumana Molaetsa wa Sontaha sa ho feta, etsang bonnete ba ho o fumana. *Ho Leka Ho Sebeletsa Modimo Ntle Le Ho Tlotsetswa Ho O Etsa*, ho sa tsotelehe mahlonoko a makae, toka, ruri ha o amohelwe ke Modimo. Le a bona?

Jwale, mona ho ne ho ena le Tsedekia, ya neng a lekanya hore o lokile.

⁸³ Mikea o itse, “A nke ke botse Modimo.” Ka baka leo hoseng ho latelang a tla ka HO RIALO MORENA. A hlahloba pono ya hae le Lentswe.

⁸⁴ Jwale ha a ne a ile a re ho Tsedekia, “Na o tseba see moporofeta wa Biblele mona a se boletseng ho hlhela thaka lee?”

⁸⁵ “Empa e seng lekgatheng lena, hoba monna enwa ke monna ya hlomphehang. O a leka.” Se hloleheng ho tshwara taba ke ena. “O leka ho kgutlisetsa kereke hape dintho tsee e leng tsa kereke. O leka ho e kgutlisetsa seng sa yona,” e seng dintho tsa Moya; ha ho ne ho le jwalo, a ka be a ile a sisinya setjhaba seo sohle jwalo ka ha Elia a entsa. Empa, ho leka ho ba nea dintho tsa lefatshe. “Ke mobu wa rona. Re mokgatlo o moholo. Re ditso tsa wona. Rona bohle, lona batho bohle, lona Maprotestanta, le loketse bohle ho kopana le rona.” Uh-huh.

Re tla tla tabeng eo nakong e seng kae. “Bohle ke baena le dikgaitse, leha ho le jwalo.” Ha ho jwalo! Ha ho eso ho ka ho eba jwalo le ka mohla le hona ho ke ke ha hlola ho e ba jwalo, ka Kereke ya sebele ya Modimo. Ho keke!

⁸⁶ Lemohang, o ile a bona pono. Mme ka baka leo a re, “Modimo o buile le nna.” Jwale, bonang, monna eo o ne a tshaphetse. A re, “O itse, ‘Etsa dinaka tsena, mme o ye ka pele ho morena mono mme e be o thulela nnqa bophirima,’” leha e le nngeng efe feela eo naha e neng e le ho yona ho tloha moo ba neng ba eme teng. “‘Thula, mme e tla ba HO RIALO MORENA, hore o tla hapa tlhola mme a kgutle, tlhola bakeng sa kereke.’ O tla ba kgannela ka ntle!” Ho atametse haholo, na ha ho jwalo? Taba e ne e le efe?

Mikea ke enwa a etla a theosa. Ha thwe, “Jwale ntsha seporofeto sa hao.”

⁸⁷ Ha thwe, “Nyolohang le ye! Empa ke bone Iseraele jwalo ka dinku, e qhalane, e hloka modisa.” Ehu! Hantle feela ka ho fapana.

⁸⁸ Jwale, lona le phutheho. Jwale ke mang ya nepileng? Bobedi ba bona, ke baporofeta. Mokgwa o le mong feela oo o ka bolelang phapang ka ho bona, ke ka, ho e leka ka Lentswe.

Ha thwe, “Taba ee o e fumane jwang?”

A re, “Ke bone Modimo a dutse Teroneng.” Ha thwe, “Ke bone makgotla wohle a Mo teetse hare.”

⁸⁹ Jwale hopolang, Tsedekia o sa tswa bolela hore o bone Modimo, le yena, mme Moya o tshwanang. “Ke bone Modimo. O ntaetse ho etsa dinaka tsena ka—ka tshepe. Tsamaya o ye mono mme o thule ditjhaba o di ntshe mona, hoba ena ke ya rona. Ba bang ha ba na tokelo ya lona.” Ba ne ba tla ba le yona ha ba ne ba eme hantle kgahlano le Modimo. Ba ka be ba fumane hono, empa ba tlohile ho Modimo.

Ke ka mokgwa oo mokgatlo o leng ka teng, kereke. E na le tokelo dinthong tsena, empa le di qhekanyeditswe, hobane le

tlohile Lentsweng la Modimo le Moyeng wa Modimo, tlotsong, ho netefatsa Lentswe la sehla. Le se ke la hloleha ho utlweng Molaetsa wona.

⁹⁰ Lemohang se ileng sa etsahala jwale. A re, “Ke bone Modimo,” ke Mikea eo, “a dutse Teroneng Lehodimong. Makgotla a Hae a ne a Mo teetse hare. A re, ‘Re ka romela mang ho theoaha le ho thetsa Akabe, ho baka hore mantswe a Elia a netefatswe; moporofeta wa Ka ya netefaditsweng. Ke boletse hoba o tla tla. Mme Elia o ne a ena le Lentswe la Ka. Mme mahodimo le lefatshe di tla feta, empa Lentswe la Ka le ke ke la feta. Ha Ke kgathale hore na ba kgema le mehla ha kae, kapa hore ba eketsa ho loka hakae, kapa ba ruteha hakae, kapa ba phahame hakae, Mantswe a Ka a ke ke a feta.’

“Mme moya o bolotsana wa nyoloha diheleng, wa obama ka mangole a wona fatshe, mme wa re, ‘Ha feela O ka ntumella, ke tla ba nea tlotso ya ka, ho etsa hore ba etse mofuta ofe kapa ofe wa pontsho kapa mohlolo, ha feela nka ba tlosa Lentsweng. A ke ke a ba a tseba hobane Hono ke Lentswe la Hao. O tla Le kgesa, ka baka la botumo.’” Moena, mehla ha eso fetohle. Moena Neville, ke nnete. Le hopole, ke nnete. “Ke tla dula ho yena, ho etsa hore a etse ntho tse kang tseo ba bang bao bohle ba di etsang. Ke tla etsa hore a porofete, mme a bolele leshano.” Ke ha jwang e neng e ka ba leshano? Hobane e ne e le kgahlano le Lentswe.

⁹¹ Nkang e nngwe le e nngwe ya dikolobetso tsena tsa bohata, *ho-itseng-le-ho-itseng-le-ho-itseng* ha bohata, ha ke tsotelle hore di utlwahala hantle hakakang, hore ba leka ho etsisa hakae, ke leshano haeba e le kgahlano le Lentswe la Modimo la hora ena. Ke nnete.

O re, “Ka mokgwa wa teng, ya rona, tjhe, re entse *hona*, mme re etsa *hona*, mme kereke ya rona e ka mokgwa *ona* le *wane*.”

Ha ke tsotelle hore na ke eng. Ha e le kgahlano le Lentswe le ngotsweng la hora, ke leshano. Modimo o ke ke wa ba le kamano ya letho le yona, ho sa tsotelehe, botshepehi bo bokae, thuto e kae, hlalefo e kae, e utlwahala e nepahetse hakae, e utlwahala e ena le mabaka hakakang, ha e le kgahlano le Lentswe la hora ena. [Moena Branham o kokota habedi pulepiting—Mong.] Re tla teba tabeng eo hanyenyane metsotsong e seng mekae, ha nako e re dumella. Ha re sa kgone, re tla e nka hape bosiuong bona.

⁹² Lemohang, o ne a le mahlonoko, monna ya lokileng, ntle le pelaelo. Mme a re. . . Ka mantswe a mang, he, Mikea o itse ho yena, e se sefahlehong sa hae hantle, empa ka mantswe a mang, “O tlotsitswe ka moya wa leshano.” Na hoo ha se tabahadi ho ka bolella mobishopo? Empa o e entse.

⁹³ Mme ka baka leo mobishopo enwa a eme mme a re, “O ka se hlole o eba le kopano hape le ka mohla,” mme a mo jabela sefahlehong. Ha thwe, “O a tseba hoba ke monna ya netefaditsweng. Kereke ya ka e nkentse hloho ya yona, ntho ena. Kgetho e tsebahalang ya batho ba Modimo e nkentse hona. Mokgatlo wa ka o nkentse hona. Mme Modimo o re neile lefatshe lena, le hona O rerile hore e be lefa la rona. Mme ke na le HO RIALO MORENA.” A mo jabela, mme a re, “Moya wa Modimo o lebile nnqa efe ha O ne o ntlohela?”

⁹⁴ Mikea a re, “O tla fumana, le leng la matsatsi ana,” ha California e eba tlasa lewatle kwana, le dintho tsena tsohle. Le a bona? “O tla bona nnqa eo O ileng ho yona, ha o dutse tjhankaneng tse kahare.”

⁹⁵ Jwale, Akabe, o tla reng? “Ke dumela moporofeta wa ka,” a rialo. Ho ka thweng ha a ne a ile a batlisisa Lentswe? Le a bona, o na sa batle ho ipona a rohakilwe. Nkutlweng! O na sa batle ho ipona a rohakilwe. Ha ho motho ya ho batlang.

Mme mokga-. . . wa ka moena ka wa mokgatlo, ke see e leng taba ka wena. O batla ho lekanya hore o nepahetse, hodima, o tseba ka pelong ya hao, ha o kolobetsa o sebedisa lebitso la “Ntate, Mora, Moya o Halalelang,” o bua leshano. O a tseba ha o rere-. . . o bolela dintho tseo o di etsang, mme o nka ponahatso ya ho qala, le dintho tse ding tsohle tse kang tseo, o fositse. Ho ka tla jwang hore pontsho ya ho qala e be ho bua ka dipuo, mme e bue kgahlano le tshepiso ya Modimo horeng ee? Ho ka tla jwang? Ha o batle thohako, na o a e batla? Empa ho ngodilwe *Mona*, ho tla ba jwalo. Hoo ke letshwao la sebata, e bapile hoo e ka thetsang Bakgethwa hola ke ntho e ka etswang.

⁹⁶ Pontsho e nngwe le e nngwe, mohlolo o mong le o mong, monna tlotsitsweng, boporofeta, mefuta yohle ya dintho tse hlahang; mefuta yohle ya dipontsho, mefuta yohle ya mehlolo, o ka bolela jwang phapang? Tadima Lentswe la hora ena. Ke mokgwa oo o nkang. . .

⁹⁷ Tadimang Moshe, ka mokgwa oo a neng a ka bolella Balaame. Tadimang Mikea mona, re tsebile jwang hobane o na nepahetse? Lentswe, pele ho yena, le ne le ile la porofeta hoo hodima Akabe. [Moena Branham o kokota pulepiting makgetlo a mmalwa—Mong.] Mme Lentswe, le tlileng pele ho rona, le porofetile mekgatlo ena bakeng sa tsatsi lena, le thohako ena hodima bona. Le dintho tse tlang ho phethahatswa ka Kereke ya Hae ya sebele e tlotsitsweng, e tla ba le Lentswe, Monyaduwa wa Lentswe. Ke rona bana. Ke ena moo e teng, kajeno, jwalo ka ha e bile nakong eo.

⁹⁸ Bible e boletse, “Empa taba e tla tiiswa ke melomo ya dipaki tse pedi kapa ke melomo ya dipaki tse tharo.” Ke buile ka Balaame, ke buile ka Balaame le Moshe. Mme ke sa tswa

bua jwale ka Mikea le Tsedekia. Jwale ke sa tla ntsha e mong hape. E leng hore, ho na le makgolo a bona, empa a le mong hape, ho etsa dipaki tse tharo. Ke na le lethathama la bona le ngotsweng fatshe mona; empa ho boloka nako.

⁹⁹ Jeremia eo e neng e le molelekwa, ya netefaditsweng, empa moporofeta wa Modimo ya netefaditsweng. Ba ne ba hloile monna eo. Ba tjobela tholwana e sa buts- . . . e butswitseng ho feta tekanyo ho yena, le ntho e nngwe le e nngwe. Mme a bea thohako hodima bona. Le dintho tsee a di entseng, le ho paqama moo ka mahlakore a hae, le dintho, mme a fana ka dipontsho tsa hore Iseraele e ne le phoso.

Moporofeta e mong le e mong, moporofeta wa nnete ya kileng a hlaha lefatsheng, o rohakile mekgatlo eo ya phutheho tsa kereke. E ka fetoha jwang, ka Modimo o sa fetoheng?

¹⁰⁰ Moya o Halalelang ke Moporofeta wa hora ena; O netefatsa Lentswe la Hae, ho Le tiisa. Moya o Halalelang e ne e le Moporofeta wa horeng ya Moshe. Moya o Halalelang e ne e le Moporofeta wa horeng ya Mikea. Moya o Halalelang, o ngotseng Lentswe, o ye o tle mme o pake Lentswe.

¹⁰¹ Jwale ho etsahetseng nakong ya Mikea? Akabe o ile a bolawa, mme dintja tsa nyeka madi a hae, ho latela Lentswe la Modimo.

Lona bohle baruti ba bohata, Modimo o itsalo, tsatsi le leng le tla kotula seo le se jalang, lona baetapele ba difofu! Ha ke a halefa. Ke mpa ke le bolella Nnete. Mme nka be ke sa bolela hona holane hodimo mona, ka phaposeng yane, ha Moya o Halalelang o sa ka wa re, “E bolele ka mokgwa ono.” Na nkile ka le bolella taba e phoso ntle le hore Modimo a e pake hobane e nepahetse? Tsohang, bana beso, pele e eba morao haholo!

¹⁰² Empa a nke ke bolele tjena. Tshehlo e ka phaphama jwang mme ya ba moutlwa ha e le moo e reretswe-pele ho ba jwalo? Bakgethwa ba ka hloleha jwang ho bona hono? Hobane, ba kgethetswe ho e bona. “Bohle bao Ntate a Nneileng bona ba tla tla,” ho boletse Jesu, “empa ha ho le ya mong wa bona ya ka tlang ha A sa ka a nnea yena pele ho thewa lefatsho, ha mabitso a bona a ne a ngolwa Bukeng ya Bophelo ya Konyana,” e seng bukeng ya kereke, empa Bukeng, Buka ya Bophelo ya Konyana.

¹⁰³ Lemohang, Jeremia a ema, a netefaditswe pela batho, leha ho le jwalo ba ne ba mo hloile.

¹⁰⁴ Mme ha ho le jwalo ba tswa mme ba etsa joko, a etsa jwalo, mme a e bea molaleng wa hae, mme a tswela pela batho. Ba re, “Oho, re setjhaba se sehlo sa Modimo. Kgidi, re Iseraele. Ka mokgwa oo re leng mahlonoko sinagogeng ya rona! Re eta

Sontaha se seng le se seng, rona, re etsa mahlabelo, mme re lefa le ditjhelete tsa rona. Ho tla kang ha Nebukadnesare a tshwere dintho tse halalalang tsa Modimo?" He! Ke dibe tsa lona tse entseng hono.

Modimo o boletse, "Ha le ka boloka melao ya Ka, Nke ke ka etsa taba ena. Empa, ekare ha le sa etse jwalo, taba ena e tla le hlahela." Ke nnete ruri. Ho sa le jwalo. Bolokang melao ya Hae, Lentswe la Hae la hora, see A se tshepisiseng.

¹⁰⁵ Jwale lemohang. Jwale, Jeremia, ka thato ya Modimo, moporofeta ya netefaditsweng, leha a ne a hloilwe. . . E mong le e mong wa bona o ne a hloilwe matsatsing a bona. Ba entse dintho tse makatsang hakana kgahlano le phutheho ya kereke ya tsatsi leo, e nngwe le e nngwe e ne e mo hloile, esita le marena le ntho e nngwe le e nngwe. Ka baka leo a bea yona—yona joko molaleng wa hae, mme a re, "HO RIALO MORENA. Le tla dula tlase moo dilemo tse mashome a supileng," ka hobane a ne a ile a ba le kutlwisiso ka Lentswe la Modimo. "Dilemo tse mashome a supileng!"

¹⁰⁶ Yaba Hanania, Hanania, ke lekanya le e bitsa, H-a-n-a-n-i-a. Hanania, moporofeta hara batho, a nyoloha, a nka joko molaleng wa Jeremia, mme a e roba. Mme a re, ho ba thatohatse hara setjhaba, le a bona, hodima e ne e bua kgahlano le Lentswe la Modimo. Mme a re, "Ba tla kgutla dilemong tse pedi. HO RIALO MORENA."

Baporofeta ba babedi ba tlotsitsweng. Phapang e ne e le efe pakeng tsa bona? E mong o na ena le polelo ya Lentswe, mme e mong a sena yona. Jeremia a re, "Amen."

¹⁰⁷ Pela baholo bohle le phutheho, Iseraele yohle, le a bona, a batla ho bontsha ha a ne a ka ba le boholo bo lekanang le ba Jeremia. "Etswe, o tseba hobane ha ba o rate. Ka baka leo ke moporofeta, le nna. Ke o fetisa ka boporofeta, hoba o porofeta leshano. O mpoellela hore setjhaba sa Modimo se tla ba tlasa ntho e *itseng-le-e-itseng*?"

Ke see ba se buang kajeno, empa le tla ba moo ka mokgwa o tshwanang, jwalo ka kereke. Le rohakilwe ka thohako. Lona dikereke tsohle, phutheho tsa dikereke di itshwareletse meetlong ya tsona ya batho ho ena le Lentswe la Modimo, le rohakilwe ke Modimo.

¹⁰⁸ Jwale lemohang, ke enwa a etla. Hanania a hlotha joko ena molaleng wa hae, setshwantsho sa Modimo, a e roba, mme a re, "HO RIALO MORENA. Ba tla be ba kgutlile dilemong tse pedi." Bakeng sa boikalakatiso feela, "Nna ke *Sekete-kete*." Ka hoba a ne a eme kahare, e ne e le moporofeta wa mokgatlo.

¹⁰⁹ Jeremia e le monna wa lefella ya neng a iphelela ka boyena. Kamehla o ne a ba porofeta tshenyeho, hobane ba ne ba le kgopo.

Mme monna enwa o ne a ba bolella, “Oho, le itoketse ha feela le ntse le le maloko. Ha feela le ntse le le Iseraele, ke phetho ho hlokahalang. Le a bona, le, rona. . . Modimo a ke ke a etsa hono. Ke a tseba ho na le nthwana e etsahetseng mona, empa se makaleng, se tshoheng.”

Oho, moena, ba sa phela le kajeno. “Le se tshwenyeha, ntho e nngwe le e nngwe e lokile. Ntho e nngwe le e nngwe e tlasa taolo ya rona. Re Kereke.” Le se nahane kaha taba eno. E.

¹¹⁰ Ka baka leo a re, “Ntho e nngwe le e nngwe e lokile. Ba tla be ba kgutlile dilemong tse pedi. Ke nthwana feela e etsahetseng. Ha se le letho le sa tlwaelehang. Re ye re be le ntho eo. Nebukadnesare o mpile a tla mona feela, empa Modimo wa rona o tla hlokomela sena sohle.”

Empa Lentswe le boletse hobane ba tla moo dilemo tse mashome a supileng; ho fihlela moloko oo o fedile, le moloko o mong hape. Dilemo tse mashome a mane molokong. “E batla e eba meloko e mebedi eo le tla e dula tlase mane.” Mme Jeremia o e boletse ho latela Lentswe la Modimo.

¹¹¹ Hanania a e roba! Jeremia a re, “Ho lokile. Amen. Empa, Hanania, a re hopole hona, bobedi ba rona re baporofeta. Re bareri.

Mme ke re ho wena, moena ka. A re hopole hore ho bile le baporofeta ba tlileng pele ho rona, mme ba porofetile kgahlano le mebuso, mme ba porofetile kgahlano le ntho tse itseng. Empa, hopola, ha moporofeta a ne a bolela taba, o tlamehile ho porofeta ho latela Lentswe. Jwalo ka Mikea, le Moshe, le ba bang ba bona bohle. E tlamehile hoba ho latela Lentswe. Ha ho se jwalo, jwale hopola se etsahalang.

¹¹² Yaba, Hanania, kgalefo ya hae ya boitshepo ya phahama. “Nna ke Hanania, (ntle le pelaelo), “moporofeta wa Modimo, mme ke re, ‘Dilemo tse pedi.’” Ka mantsoe a mang, “Ha ke tsotelle se bolelwang ke Lentswe.” Tlotso ya hae, “Ke re, ‘Ba tla be ba kgutlile, dilemong tse pedi.’”

¹¹³ Jeremia a tsamaya a tloha pela sefahleho sa hae, a tswa mme a re, “Morena, ha ke natse see a se boletseng, ke sa dumela le ho tseba hore Lentswe le bolela jwalo. Ke tla dula ka ho tshaphala ho Wena. Nke ke ka thetswa ke yena.”

¹¹⁴ Modimo wa re, “Eya o bolelle Hanania, ‘Joko e latelang, ke tla e etsa ya tshepe.’” Mme ka hoba a entse hoo, a tloswa lefatsheng, yena Hanania, selemong sona seo.

Mehlala ya rona ke eo, baporofeta bao bobedi. Dintho tse ngata ka mokgwa wona di ka bolelwa le ho phethwa nakong ena.

¹¹⁵ Empa tadimang. Jesu o boletse, hore, nakong ena ya qetelo, hape, meya e mebedi e tla bapa ka mokgwa ona mmoho hape.

Na ho lokile? [Phutheho e re, "Amen."—Mong.] Jwale hlokomelang. E tla bapa ho fetisa eo. Ena ke nako ya qetelo. Oho, bana! Modimo a re hauhele! Hoo, "E tla ba ya sebele hoo ho ka thetswang le bona Bakgethwa hola ke ntho e ka etswang." Jwale ke ha jwang le tlang ho, re e boletse jwang matsatsing ao? Le tla e bolela jwang kajeno? Ka mokgwa o tshwanang, dula Lentsweng. "Jesu Kreste yena maobane, kajeno, le ka ho sa feleng."

Jwale elang Molaetsa ona wohle hloko. Mme ha o mamela teipi, ka mohlomong le hona ke tla be ke ile ka tsatsi le leng ha Morena a se a qetile ka nna mona lefatsheng, o tle o kgutlele morao mona tabeng ena. Mamela lentswe la ka, see ke le bolellang sona. Ha A ka ntlosa pele ho ho Tla ha Hae, hopolang feela, ke buile le lona ka Lebitso la Morena, ka Lentsweng la Morena. Ehlile.

¹¹⁶ Lemohang, "Ho tla bapa hoo ho ka thetsang Bakgethwa hola ke ntho e ka etswang," ho tla etswa dipontsho tse tshwanang, mehlolo e tshwanang, ka Moya o tshwanang. Na ho jwalo? [Phutheho e re, "Amen."—Mong.] Jwalo feela ka baporofeta bao re tswa bua ka bona, baporofeta. Jwale, hape ho ngodilwe. . .

¹¹⁷ A re phetleng ho yona, bakeng sa ena, ha o batla, Timothea wa Bobedi 3. A re se tloheleng ena. Mme ha ke batle ho. . .

¹¹⁸ Ha ke tadima tshupanako eo hodimo mona, mme ke—ke batla ho tlola bongata ba yona, mme ha ke hopole re loketse ho etsa jwalo jwale. Le a bona? Lemohang. Feela. . . Leha nka ema mona, ke tsholoha mofufutso ka mokgwa ona, le a bona, empa ke thabile. Mme ke a tseba hoba hona ke nnete. Timothea wa Bobedi 3:8.

¹¹⁹ Paulosi, monna ya boletseng ho re, "Ha Lengeloi le ka theoha Lehodimong mme la le bolella lentswe le leng le sele ho leo ke le boletseng, le neelwe anathema," jwale, Lengeloi la theoha. Ke Bathessalonika ba Bobedi bao. . . Oho, ke maswabi.

¹²⁰ Lemohang ho Timothea wa Bobedi 3:8. Tadimang ha Paulosi a bua jwale. A re qaleng ka mohlomong ka. . . A re qaleng qalong ya temana, mme mamelang ka hloko jwale. Lona ba tshwereng Dibebele tsa lona, balang le nna. Lona ba sa tshwarang Bibehe tsa lona, mamelang ka thata. Yona. . .

Tseba hobane mehleng ya qetelo. . .

Sehela mola tlasa, "matsatsing a qetelo." Ke nako eo e tla hlaha.

. . . ho tla hlaha nako tse bohloko. (Re ho tsona.)

Hobane batho e tla ba baithati, le ba ratang leruo, le bakaki, le baikakasi, le banyefodi, le ba sa utlweng batswadi ba bona, ba hlokang teboho le borapedi,

¹²¹ Shebang sekgakgatha see re nang le sona, sebedu. Ekasita le banneng ba seterateng, bahlanka, ba hulela meriri ya bona tlase phatleng tsa bona, jwalo ka mangetse a kang a basadi. Kgopamiso! Basodoma!

¹²² Na le badile selemong see, bukeng ya *Reader's Digest* ya kgwedi ena? Ho thwe, "Batho ba Amerika dilemong tsa," moo ke nahanang hore e ne e le, "mahareng a mashome a mabedi le mashome a mabedi a metso e mehlano a dilemo, ba se ba ntse ba le maemong a bona a dilemo tsa bohareng." Ba fedile! Ba bodile! Mahlale a rialo, hore monna o se a le dilemong tsa hae tse bohareng, le mosadi, empa ba le feela dilemong tse qalang mashome a mabedi. Mebele ya bona e pherehlane hona mme e abetswe ho sebeta bobodu.

¹²³ Oho, Amerika, Modimo o ratile hakae ho o phutha, empa jwale hora ya hao e fihlile! Ke wena pulamadiboho ya bobodu lefatsheng.

. . . banyefodi, le ba sa utlweng batswadi ba bona, ba hlokang teboho le borapedi,

Ba se nang lerato la hlaho, . . .

Ha ho le lerato la nnete e mong ho e mong, monna ho mosadi, mosadi ho monna. "Esita le lerato la hlaho." Bobodu, kopanong ya botho!

. . . leha e le ho tshepeha, ba etseletsang ba bang, ba sa tsebeng ho itshwara, ba sehloho, le ba hloyang ba molemo,

Ka mantswa a mang, ho thwe, "Le sekgakgatha sa bahalaledi ba thethehang." Motho wa ho reng o na botse letsatsi le leng mabapi le ho tla mona kerekeng. Ha thwe, "O se ka ba-ba ya mono hodimo. Taba yohle ya yona ke letomotomo la lerata le ho itshwara ka-hore-le-ka-hore."

Le a bona, "ba hloyang bao."

Ebe baeki, bahalefi, le baikgohomosi, ba ratang menate ya Nama, e seng Modimo;

O ka re, "Moena Branham, bao ke makomonisi." Temana e latelang e reng?

Ba tla ba le sebopeho sa borapedi, empa (eng?) e le ba latotseng matla a jona: (Lentswe, Jesu Krete yena maobane, kajeno, le ka ho sa feleng, ka ho bonahatswa, tshepiso ya letsatsi) . . .

Hantle feela jwalo ka Hanania, hantle feela jwalo ka Tsedekia, hantle feela jwalo ka Balaame, morao, baporofeta ba bang ba bohata.

Ba tla ba le sebopeho sa borapedi, ba tlotsitsweng . . .
Le a bona?

Ba tla ba le sebopeho, ba tlotsitsweng, baruti ba kgethilweng. . .

Ba tla ba le sebopeho sa borapedi, empa e le ba latotseng hore ke Yena maobane, kajeno. . . Ba latola Lentswe la Hae!

Ba latotse Jesu jwang tsatsing leo? Ba latotse mang ha ba ne ba latola Jesu? Lentswe. Ba ne ba ena le borapedi. Ba ne ba ruta ho tswa Bibeleng tsa bona, empa ba latola Lentswe la tsatsi la jwale.

Kajeno lena ke bo mang? Yona ntho e tshwanang, ba tlotsitsweng, ba rera Evangedi ya pentekosta, empa ba latotseng tshepiso ya letsatsi la jwale ya ho netefatswa ha Lentswe, “Jesu Kreste yena maobane, kajeno, le ka ho sa feleng.” Na le a e bona? [Phutheho, “Amen.”—Mong.]

Hara bana ke ba bao ho na le ba kgukgunelang matlung, mme ba hapa. . . basajana ba imetsweng ke sebe, ba kenueng le ke ditakatso tse ngata,

“Meketjana ya rona ya moroko le ntho e *itseng-le-e-itseng* ya rona.” Motho wa ho reng ya tlang a leke ho toloka Lentswe ka phoso, mme a re, “Ho itoketse ka hohle, kgaitsemi, ho wena ho ka ba le moriri o mokgutshwane. O se ka ba-ba natsa tseketseke eo. O a bona? Kapa, ha o—ha o apara ntho ena; ha se hono, ‘ke tse tswang pelong ya motho tse mo silafatsang.’” O a bona? Mme na o lemoha ha o tlotsitswe ka moya o mobe, wa takatso, o ditshila? Ha ho tsotelehe, o ka bina sehlopheng, ka moriri o mokgutshwane, empa o na le moya o ditshila. Hoo ho kgahlano le Lentswe. Ke nnete. Ke see Bible e se boletseng. Mme o re, “Tjhe, ke tena marikgwe a makgutshwane. Ha ho nkahlole.”

“Motho mang kapa mang, ha mosadi a apara seaparo se kang sa monna, ke manyala ka pela sefahleho sa Modimo.” Modimo o sa fetoheng o itsalo.

¹²⁴ Oho, dintho tse ngata hona, ka mokgwa oo re neng re ka feta ho tsona; nako ya rona e ne e tla feta. Empa le tseba ka ho lekana ho ka tseba ho nepahetseng le ho fosahetseng. Mme ke ha jwang nka etsang hore ba etse jwalo? Nka ho etsa jwang? Ho thwe, “Ka mokgwa wa teng, o itlatlarietsa ka eng?” Ke nna paki kgahlano le wena. Ka letsatsi le leng, ka Letsatsi la Kahlolo, o tla hloka sekgutlo seo o ka itswaketsang ho sona.

¹²⁵ Mikea o na ka thibela ntho eo jwang? Moshe a ka kgona jwang; a hweletsa, a leka ho e thibela, le Joshua le bao ba matha hara batho, le Levi a ntsha sabole ya hae le ho ba hlabana, ekasita? Ba nna ba tswella ka mokgwa o tshwanang.

Ho lekantswe hore ba tla etsa yona ntho eo. Mme ba tla e etsa; hoba ke HO RIALO MORENA ba tla e etsa. Na o hopola hore dikgetho tseo di tla thubeha le ka mohla, diphutheho tsa

kereke tsa bona di tle Lentsweng? Ke HO RIALO MORENA, di ke ke! Na ba tla kena ho antikreste? Ehlile. Ke HO RIALO MORENA, ba tla ho etsa! “Ka baka leo o buang ka hona?” Ke loketse ho ba paki, mme le wena o loketse jwalo, badumedi bohle. Bonang.

. . . basajana ba imetsweng ke . . . ditakatso tse ngata,

¹²⁶ “Ho lokile, basadi ba bang bohle ba etsa jwalo.” Baporofeta ba bohata! Jwale mamelang. Ke baporofeta ba bohata, bao ke buang ka bona. Jwale ba tla etsang letsatsing la qetelo.

. . . hapa basajana . . . ba imetsweng ke ditakatso tse ngata,

“Ho lokile, ke a tseba basadi ba bang bohle. . .” Ke hantle, tswelang pele.

¹²⁷ Ke ile ka reng pele ho ketsahalo ee e kgolo mona California? “Lona batho ba mona Los Angeles, ka mohlala selemo ha ke kgutla ho na le basadi ba pommeng moriri ho feta le banna ba fetohileng bommisi ho feta ka moo ho neng ho le ka teng kgetlo la pele, bareri ba bangata ho feta ba yang mokgatlong. Ha le na boitshwarello ba letho! Ha mesebetsi e meholo e entsweng ho wena e ne e ile ya etswa Sodoma le Gomorra, e ka be e eme le kajeno. Oho, Kapernauma, wena ya itheheletseng ka mabitso a mangeloi, Los Angeles!” Le bona se etsahalang? O theohela botebong ba lewatle. Neneng? Ha ke tsebe e tla ya neneng, empa e tla ya. Lona batho ba batjha, ha ke sa e bone letsatsing la ka, le lebelles. E fedile!

Ba ithutang kamehla, . . . empa e le ba sitwang ho fihla tsebong ya nnete.

Jwale ho sisimosang ke hona, karolo e sisimosang ke ena. Mamelang taba ke ena.

Mme jwaloka ha Janese le Jambrese ba ne ba hanyetsana le Moshe, bao le bona ba hanyetsa nnete jwalo: ke batho ba dikelello tse bodileng ba lahlilweng ka nngeng ya tumelo e kileng ya newa bahaleledi ka nako e nngwe, ehlile.

“Ka nngeng ya Tumelo.” “Mme o tla busetsa Tumelo ya bontate, kapa bana, morao ho bontate.”

¹²⁸ “Ba lahlilweng ka nngeng ya Tumelo.” Jo nna! Le tseba see molahlwa e se bolelang? Ha o ena le Bibe le ya Scofield, ho na le “h” mono. Hantle mono e re, “bokwenehi.” Bokwenehi, ke see e leng sona.

¹²⁹ Jwale, motsotso feela. Ke batla ho sheba ntho e itseng mona. Ke nahana hore ke e ngotse hantle. Ha ke na bonnete, empa ke batla ho e bua, le ho e sheba pele ke—ke e bua. Jwale, motsotso o le mong feela. [Sekotwana se feela

lebanteng—Mong.] “Ba lahlilweng ka nngeng ya Nnete, ka nngeng ya Tumelo.” “Tumelo,” ho na le Tumelo e le nngwe. Ke hantle. “Ka nngeng ya Tumelo, ba lahlilweng!”

Jwale ke batla ho bala Luka 18. Motsotso feela. Ha le . . . Le ka le ngola fatshe; ha le hlokehe ho le bale.

Le hona Jesu a ba bolella setshwantsho ka hore, e ka kgona ba rapele ka nako tsohle, mme ba se ke ba . . . kgathala;

A re—a re, Moahlodi o ne a le teng motseng o itseng, ya sa tshabeng Modimo, le hona a sa natse batho:

Hape, ho no ho le mosadi wa mohlolohadi motseng wona oo; ya neng a etla ho yena, a re, Nkahlolele ho ya ntsekisang, nna.

A—a hana halelele; empa hamorao, a imamela, a re: Leha ke sa tshabe Modimo, ke sa re letho ka batho;

Leha ho le jwalo, kahobane mohlolohadi eo o nkgathaditse, ke tla mo ahlolela, a tle a se ke . . . a ngamola hlooho ka ho nna a etla kamehla.

Morena a re, Utlwang se bolelwang ke moahlodi ya sa lokang.

Mme Modimo wona, na o ke ke wa ahlolela . . . bakgethwa ba wona, ba llang ho wona motsheare le bosiu, le ho dieha ho halefa ka bala la bona na?

Ke a le bolella, o tla phakisa ho ba ahlolela. Leha ho le jwalo, etlare ha Mora motho a etla, na o tla fumana tumelo e le teng lefatsheng na?

¹³⁰ Jwale hoo ke potso. Moo ke neng ke batlile ho ya teng ke mona, ho Tshenolo 10. Re tla ya ho yona metsotsong e mmalwa, mmoho le temaneng e nngwe ya Lengolo. O boletse, “Matsatsing a Molaetsa wa lengeloi la bosupa, sephiri sa Modimo se tlameha ho phetheha.” Potso ke ena, ke hore, ha o ka latela motjheng oo horeng ena, na se tla be se phethilwe? “Na ke tla fumana Tumelo?” Na Malakia wa 4 o tla phethahatswa nakong ena, “Ho kgutlisetsa Tumelo ya bana, morao Tumelong ya bontate, ya tshimoloho, Lentswe”? Le a bona?

¹³¹ “Ba lahlilweng, Janese le Jambrese, jwalo ka ha ba hanyeditse.” Jwale, hape, mamelang, Timothea wa Bobedi 3:8. “Jwalo ka ha Jan- . . . a hanyeditse Moshe, hape matsatsing a qetelo ba lahlilweng bana ba tla tla,” jwale bonang mona moo e E reng, “ba nang le sebopeho sa borapedi,” ba tlotsitsweng. Jwale a re ke re . . . O kgutlele morao mme—mme o e bale ha o fihla hae, e le hore ke tle ke qetelle hona, hoseng hona, ha nka kgona. “Ba lahlilweng ka nngeng ya . . .” E seng ba lahlilweng ka—ka—ka bophelong; ba batle, banna ba tswetseng pele.

¹³² Jwale lemohang ha Moshe a ne a theohela tlase Egepeta, ka Molaetsa wa HO RIALO MORENA, mme a netefatswa; a bitsa Iseraele, eo e neng e le setjhaba, e seng kereke. Iseraele e ne e le setjhaba; le ka mohla e se kereke. Hobane, lentswe *kereke* ke ho bolela “ba bitsitsweng.” E ne e le setjhaba sa Modimo. Yare he ha ba tlotswa tlasa Lentswe, mme ba bitswa, ya eba kereke ya Modimo. Mme yaba ba wa, hoba ba sa ka ba dumela Lentswe la Modimo, mme ba mamela moporofeta wa bohata. Ke tshepa ha hoo ho monyela kahare.

Iseraele, ho beng setjhaba sa Modimo, ba tswile ba le tlasa letsoho la Modimo, ba tlotsitswe ka Lentswe...ka Matla a Modimo, ba bone dipontsho le meeka ya Modimo. Mme yare Modimo o sa tsamaya le bona, moporofeta wa bohata a kena, a tlotsitswe, mme a ruta ho kgahlano le Lentswe la Modimo la ho qala leo ba le utlwileng; mme e mong le e mong wa bona a timela lefelleng, ntle ho batho ba bararo. Jwale e tshwareng.

¹³³ “Jwalo ka matsatsing a Noe, moo meya e robedi e pholositsweng ka metsi, ho tla ba jwalo ho tlang ha Mora motho.” “Jwalo ka matsatsing a Lota, moo ba bararo ba tswileng Sodoma, ho tla ba jwalo nakong eo Mora motho a tla senolwa.” Ke mpa ke qotsa Lengolo feela, Lentswe la Morena, e leng hore, “Mahodimo le lefatshe di tla feta...” E tla ba sehlotshwana!

¹³⁴ Lemohang mona. Moshe a theohela ho Aarone. Moshe e ne e tla ba Modimo. Modimo o na mo laetse ho ba Modimo, ha thwe, “O be Modimo, mme a Aarone moholwane hao e be moporofeta wa hao. O bee mantswa molomong wa hae ha o sa kgone ho bua hantle.” Ha thwe, “Ya bakileng motho hoba semumu ke ha e le mang? Ya bakileng motho ho bua ke ha e le mang?” Morena ke yena ya entseng jwalo.

Mme a theohela mono. A etsang? A etsa mohlolo wa nnete le o loketseng oo Modimo o mo boleletseng ho o etsa. Modimo o mo boleletse ho, “Eya o lahlele lere la hao fatshe.” A le phahamisa, mme e le noha. A e phahamisa, mme ya fetoha lere hape. Ha thwe, “Eya o etse hoo pela Faro, mme o re, ‘HO RIALO MORENA.’”

¹³⁵ Mme yare ha Faro a bona sena, ra re, “Kgidi, ke malepa a bonolo ha kakang a boselamose.” Ha thwe, “Ha ho letho nthong eo. Ke bohlale ba ho bala mohopolo kapa ntho ya horeng, le a tseba. Re na le mathaka mokgatlong wa rona ho ka etsa ntho e tshwanang. ‘Tloo mona, Mobishopo *Sekete-kete*. Le, wena, tswelang mona ntle.’ Re na le bona ba ka etsang ntho yona eno.” Eo e ne e le Satane a bua ka Faro.

Eo e ne e le Modimo ya buang ka Moshe.

¹³⁶ Empa lemohang thaka lena ha le etswa. Janese le Jambrese ba tswela ka pele ho Moshe, le pontsheng ya setjhaba sohle, mme ba etsa mohlolo o mong leo mong oo Moshe a neng a ka o

etsa. “Ba tla thetsa le bona Bakgethwa hola ke ntho e ka etswang.” Na ho nepahetse? Ba etsa ntho e tshwanang le eo Moshe a e entseng. Le utlwisisa hoo? Jwale hopolang, ke HO RIALO LENGOLO, hore e tla iphetha hape matsatsing a ho qetela.

Phapang e ne e le efe mahareng a Moshe le Jambrese?

Moshe o itse, “Madi a hlahe metsing.”

Mme baporofeta bana ba bohata ba itse, “Ehlile, le rona re hlahisa madi metsing, hape.” Mme ya etsahala.

¹³⁷ Ka baka leo Moshe a re, “Matsetse a be teng.” O ne a e fumana ho kae? Ka ho otloloha ho tswa ho Modimo. Le a bona?

Mme o ile a etsang? A re, “Ho lokile, ehlile, re ka hlahisa matsetse, le rona.” Mme ba e etsa. Mohlolo ofe kapa ofe oo Moshe a neng a ka o etsa, ba ka o etsa, le bona!

Hopolang, bolokang seo monahanong, re tla ho yona, ka morao ho nako e seng kae. Ba ka etsa ntho e nngwe le e nngwe eo ba bang bohle ba ka e etsang, empa ba ke ke ba ema le Lentswe. Ba ke ke ba ema le Lentswe.

¹³⁸ Jwale lemohang, ba e entse. Empa Moshe, moporofeta wa sebele ya romilweng ke Modimo, a laetswe ke Modimo, ha a ka a qhwebeshana le bona, a re, “Bonang, le ka se etse hono! Ha le a lokela!” A ba tlohela feela, a ba tlohela ho tswela pele. Ke baporofeta ba mokgatlo, empa tswelang pele.

Moshe a tswela pele hantle feela, a mamela Modimo. Sohle seo Modimo o se boletseng, “Jwale o etsa *hona*,” Moshe o ne a tloha mme a e etse. A etse ntho e ntjha. Ha ba entse jwalo, e mong le e mong wa bona a ena le boikutlo kapa ntho e itseng, ke bana ba etla. Ba e etsa, le bona, hantle feela jwalo ka ha Moshe a entse.

¹³⁹ Jwale hlokomelang. Mathaka ana a hlahile. . . Oho, lona setjhaba, le se hlolehe hodima sena! Baikaketsi bana, baqopitsi, ba hlahile hoba wa nnete a tswe pele. Le a bona? Ba tliile ho etsisa. Le a bona, ba loketse jwalo. Diabolosi a ka se hlole ntho efe kapa efe; empa e le mokgopamisi wa ntho ya ho qala.

Mme sebe ke eng? Ke toka e kgopamisitsweng. Bohlola ke eng? Ketso e lokileng e kgopamisitsweng. Leshano ke eng? Nnete e tolokweng ka phoso. Kgopamiso!

Shebang Hanania, kgopamiso ya Lentswe la ho qala. Shebang Balaame, kgopamiso ya Lentswe la ho qala. Shebang Tsedekia, kgopamiso ya Lentswe la ho qala.

Mme Bible e boletse hoba mathaka ana a tla hlaha, ka mora hoba kgopamiso. . . kapa ho kgopamisa Lentswe la ho qala le netefaditsweng le ho tiiswa hobane ke Nnete.

¹⁴⁰ “O etse mosebetsi wa mmoledi wa Evangedi,” sekgutlong seo mono, “o phethisise tshebetso ya hao. Hobane nako e tla tla

eo ba ke keng ba mamella Thuto ya pholoho, empa ka baka la ho hlohlona ha ditsebe tsa bona ba tla ipokella baruti, ba dumelanang le ditakatso tsa bona; mme ba tswelle le ho etsa ntho e nngwe le e nngwe eo ba e batlang, mme, 'Ho itoketse, re na le mehlolo le meeka e tshwanang.' Mme ba tla kgeloswa Nneteng, ho iswa ditshomong, melawaneng."

¹⁴¹ Kgidi, temoho ya Moya o Halalelang, tshabo e kopaneng le hlomphe e makatsang moya wa motho ha a ema ho nahana ka mokgwa oo e nepahetseng le ho hlaka pela rona! Tjheka lejwe leo la sekgutlo mona mme o bale sekgetjhana sa pampiri se beilweng kahare mono, dilemo tse mashome a mararo a metso e meraro, tse fetileng. Shebang see A se buileng mane ho—ho Seterateng sa Seventh, hoseng hoo lejwe lena la sekgutlo le neng le hlongwa. Jwale e eleng hloko. Shebang tlase mona nokeng, ha Lengeloi la Morena le ne le theoha sebopehong sa Topallo ya Mollo, makgolo-kgolo a dikereke, kapa batho ba kereke, ba eme ka nnga tsohle tsa lebopo; see A se boletseng, bonang hore na se etsahetse na. Bonang se hlahileng.

Ho boima hakakang. Ke a tseba e tadimeha e le taba e boima, baena, ntle moo. Empa ke... Bibeletse, Jesu o boletse ka tsela ena ka Sebele, "Ho tla thetswa le bona Bakgethwa hola ke ntho e ka etswang." Ha ho mokgwa wa ho e kwekwetla. Ba ke ke ba kgona ho E lemoha le ka mohla. Hola ke ntho e ka etswang, bona Bakgethwa ba tla thetswa ke yona.

¹⁴² Lemohang, mathaka ana a hlahile hoba motlotsuwa nnete wa Modimo a romelwe; ka moporofeta wa Hae wa sebele, Moshe. Mme enereha Moshe a etsa taba, ba e qopitse.

¹⁴³ Jwale, moena, kgaitsemi, ke... Ena ke kereke yaka ka sebele. Ke na le tokelo ya ho rera see ke se batlang, ha feela se hlaha Lentsweng la Modimo. Mme ha ke le ahlole lona batho ting, empa a re ke re batlisiseng seo feela bakeng sa nako le hora eo re phelang ho yona jwale.

Ditumediso ho Moena Ruddell, ho Junior Jackson, le bao ntle moo, dikereke tsa rona tsa boena. Ke ile ka di lebala, nakwaneng e sa tswa feta. Ke tshepa ha di hokantswe hoseng hona, le tsona, ka baka la—la ho hloka hla ha sebaka ka kerekeng.

¹⁴⁴ Nahanang ka yona jwale, motsotswana feela. Ba entse yona mehlolo eo Moshe a e entseng. Moshe o hlahisitse matsetse; ba e qopiditse mme ba hlahisa matsetse. Le a bona?

Modimo o itse, "Mohla le se jang, le tla shwa mohlang oo."

¹⁴⁵ Satane a tla mme a re, "Ruri, le ke ke la eshwa. Le mpa le tla ba bohlale. Le tla ba le mokgatlo o babatsehang ho feta, ho babatsehang ho feta ha... Le a tseba. "Le a tseba, ntho e nngwe le e nngwe e tla le atlehela ho feta, le tla ba le Lesedi le le ngata." Le a bona, kgopamiso feela. Ho loketse...

Mme hopolang, HO RIALO MORENA, ho latela Timothea wa Bobedi 3:18, hore, “Matsatsing la ho qetela, Janese le Jambrese bana ba tla hlaha hodima lefatshe.” Jwale, ke batla ha le ka lemoha ha ho ena le ba babedi ba bona, le a bona, baetsisi.

¹⁴⁶ Jwale re sa tla kgutlela morao Sodoma, ka morao ho nakwana, boraro boo, ho fumana Mangeloi a mararo ao a theohileng, mme re bone baipehi, le jwalo-jwalo, le a bona, ho bona se lokileng le se fosahetseng. Le a bona? Le a bona?

¹⁴⁷ Lemohang, ba entse yona mehlolo eno. Empa, lemohang, ba etsisitse hoba Lentswe la nnete le tlotswe, ka wa nnete ya romilweng ke Modimo; ba latela, la bobedi.

Ke a ipotsa haeba re ka nahana motsotso feela. Ka ho tshwara batho ka matsoho, nakong e seng kaalo e fetileng, dilemo tse ka bang mashome a mabedi tse fetileng, mme pontsho ya bontshwa. Moshana, ha eba le dipontsho tse ngata hodima dintho tsohle, le motho e mong le e mong. . . E mong o na le yona letsohong le letona la hae; e mong o na le yona letsohong le letshehadi la hae; e mong oa e fofonela. Le a bona, mefuta yohle ya . . . Mme ke a ipotsa . . . Modimo ha o a ntumella ho le bolella nakong ena see e neng e le nnete ruri, empa tsatsi le leng le tla fumana. Hoo e be e le feela bakeng sa ho pepesa bowatla ba bona. Ho ne ho sa loka, le tshimolohong. Ke tla le bolella, ka tsatsi le leng, ha Morena a dumela.

¹⁴⁸ Lemohang, ba entse mehlolo e tshwanang, empa ha ba ka ba . . . Lemohang, ha ba ka ba e etsa haese hoba Lentswe la Modimo le hlahelle, pele. Ke ka mokgwa oo Satane a e sebeditseng ka teng tshimong ya Edene. Ke ka mokgwa oo a sebeditseng kamehla. Ke mang ya porofetileng pele? Moshe. Ke mang ya hlahaletseng sebaeng pele, Moshe kapa Balaame? Moshe. Ke mang ya hlahaletseng sebaeng pele, Jeremia kapa Hanania? Le bona see ke se bolelang? [Phutheho e re, “Amen.”—Mong.]

¹⁴⁹ Lemohang, ba qopiditse. Baipehi ba nama, ba le mahlonoko, kgopolong ya hore ba ne ba “etsetsa Modimo mosebetsi,” jwalo ka ha Davida a entse, vekeng ya ho feta, empa baipehi ba nama. Ke sa lebeletse feela motsotswana. Ke batla hore le nahane pakeng tsa dibaka tsena. Ha ke sa e bolele, ruri Moya o Halalelang o tla e senola, haholo-holo ho Bakgethwa. Le a bona?

¹⁵⁰ Phutheho ya Faro e lebitso e re, “Re na le banna ba ka etsang yona ntho eo,” mme ba e entse. Le a bona? Ke ka baka lang Faro a entseng hona? Ke ka baka lang Modimo o e dumeletseng? Ho tla kang ha Modimo o romela moporofeta wa nnete, ya tlotsitsweng tlase mono ho etsa mohloho pela Faro, mme a dumelle hore qopitso ya mokgatlo wa phutheho e tle mme e qopitse ka pele ho batho? Hobaneng A ne a ka tlohela

moipehi ho hlaha le ho e etsa, le ho etsa ntho e tshwanang hantle le eo Moya wa nnete wa Modimo o e entseng? Le a bona, Lengolo le tlamehile ho phethahatswa.

¹⁵¹ Lemohang, O entse hona hore A tle a thatafatse pelo ya Faro le Baegepeta, ho tiisa ha Moshe e ne e se yena feela ya neng a tshwere Lentswe. Ba ne ba ka etsa ntho e nngwe le e nngwe jwalo ka ha Moshe a ne a ka etsa.

Mme ke ka baka lang ha Modimo a dumeletse taba ena ho hlaha matsatsing a ho qetela? E le hore, yona ntho e kang eo moya wa leshano o e boleletseng Tsedekia, “Re tla ntshetsa Akabe jwang mono, ho phethahatsa dintho tsena?” Ke ka mokgwa ofe A tlang ho etsa hore batho bana, ba tshepetseng dikerekeng tsa bona, ho tswela ntle mona ho etsa hore ntho ena e phethahale, e leng eo A e boletseng pele? Bona bao ba, Mongwaheng wa Phutheho ya Laodisea, “Ka hobane o boletse hore wena o ‘morui, mme ha o hloke letho. Ke dutse jwalo ka mofumahadi.’ Ha o na letho! Na ha o tsebe hobane o madimabe, o soto, o sefofu? Mme ke o eletsa ho ithekela ho Nna,” O boletse, “ole le gauda.” Ke ka baka la eng A entseng hono?

¹⁵² Hobaneng A dumeletse qopitso ena ho hlaha matsatsing ana a ho qetela, nakong eo dintho tsena di phethahalang ka Lentswe la nnete la Modimo; le ho dumella baetsisi ho hlaha mme ba etse ntho e tshwanang, mme ba latole Lentswe la nnete la Modimo? O e etseditse Moshe. Mme Faro o e entse kgahlano le Moshe; mme Janese le Jambrese, bao, ba e entse kgahlano le Moshe. Mme Bibe e boletse hoba e tla ipheta hape matsatsing a qetelo. Ke mona re mona. Jwale, ha hoo e se phethahatso ya Lengolo, e ho kae?

¹⁵³ Ana Moshe o tsekisane le bona mme a re, “Bonang mona! Bonang mona! Le ka se etsa jwalo. Ke nna feela ya tlotseditsweng ho etsa hono. Bonang mona! Le kgaotse hono, e sa le jwale”? A ba tlohela ba tswela pele.

A ba nne ba tswelle. Hopolang, Bibe e boletse, “Jwalo ka ha bohlanga ba bao bo ile ba bewa pepeneneng, ka mokgwa o jwalo le bana matsatsing a qetelo ba tla pepeswa,” ha Monyaduwa a hlwibilwa mme a nkelwa sebakeng. Lemohang.

¹⁵⁴ Moshe, Lentswe la nnete le bonahaditsweng, ha a bua letho, a e tlohela feela ho feta. Empa O entse hoo e le hore A tle a thatafatse pelo ya Faro, ho thetsa Faro.

O entse ntho e tshwanang e le hore A tle a thetsa Akabe. Mme thakanyana leo le le leng le neng le ikemetse moo ka bolona, mothwana Mikea, a ba bolella, “HO RIALO MORENA.” E mong ke enwa a ema, a tlotsitse, “HO RIALO MORENA.” Homme e le kgahlano, e mong ho e mong.

¹⁵⁵ Re ema kajeno lena ka HO RIALO MORENA, hore kolobetso ya metsi matsatsing a qetelo e tlamehile ho ba Lebitsong la Jesu Kreste. Mme monna wa ho reng o ema mme a etse mehlolo, le hona, wa thuto ya boraro.

Mpontsheng lentswe *boraro* ka Bibeleng. Mpontsheng moo ho nang le Modimo e meraro. Mpontsheng moo ho nang le dintho tse kang tseo. Ha di yo Lentsweng la Modimo. Ha ho taba e kang ya hore motho ofe kapa ofe a kolobeletswe ka lebitso la “Ntate, Mora, Moya o Halalelang,” ka ho sebedisa maemedi ao a lebitso. Dintho tsena tsohle, “Oho, ho itoketse, bokgaitsemi. Ho itoketse, e bang feela le ho ho lelele. . . meriri ya lona e mekgutshwane. Ho itoketse, ha le a tlameha ho etsa *hona, hane*, kapa ho *hong*. Kgele, ke dithole, ke sethoto sa kgale se itseng.”

Empa Bible e boletse! Mme O tshepitsitse, “Matsatsing a ho qetela, O tla romela Moya wa Elia, mme o tla bitsa batho, bana ba Modimo, ho kgutlela morao Tumelong ya ho qala jwalo ka ha e bile tshimolohong, e leng ya Lentswe.” Lentswe leo le tiisitswe, hore ke Mora motho matsatsing a ho qetela, ka mokgwa o tshwanang le Sodoma; maobane, kajeno, le ka ho sa feleng. O tshepitsitse ho e etsa. Ke tshepiso ya Modimo. Ke HO RIALO MORENA.

¹⁵⁶ Lemohang, ba entse ntho e tshwanang, jwalo kaha Moshe a entse, ho fihlela Modimo o kgathetse ke yona.

Jwale, hopolang, ke HO RIALO MORENA, e tla etsahala letsatsing lena. Jwale, batlisisang lefatsheng ka bophara; nka tsamaiso efe kapa efe ya borapedi, nka batho bafe le bafe feela ba seng se itseng, nka monna e mong le e mong, nka kereke e nngwe le e nngwe! Ke le laela, ka Lebitso la Kreste, ho etsa hona, lona bareri. Ke le laela ho bala dikoranta kapa ho qamaka kae kapa kae moo le batlang ho ya, mme o bone haeba taba eo e se lefatsheng hona jwale. Le a bona? Le a bona?

Etlaba, Matheu 24:24 e nepahetse ruri he. “Batlotsuwa ba bohata, ba tla hlaha matsatsing a ho qetela, mme e tla ba baporofeta ba bohata, le hona ba tla thetsa bongata.” Hlokomelang taba ena ka dipapiso jwale, jwalo ka ha e etla jwale, le a bona, “Ba tla thetsa ba bangata.” “Baporofeta,” bongateng; “Bokreste,” batlotsuwa, bongateng; ba bangata ba fapaneng, Methodisi, le a tseba, le Baptise, le Pentekosta, le ntho tse jwalo. Le a bona?

Empa ho na le Kreste wa nnete a le mong, Moya, mme hoo ke Lentswe le entsweng nama jwalo ka ha A tshepitsitse ho e etsa.

Jwale re tla tswa tema ho se hokae, Mangolong a itseng a mang hape.

157 Ho fihlela, Modimo a kgathetse ke yona, yaba e a fela. Bowatla ba bona ba bewa pepeneneng.

158 Lemohang. Hopolang, lekgapetla le shebeha jwalo ka hlaku ya koro. Le a bona? Jwale, o ne o ke ke wa bolela, morao mono mongwaheng wa Luthere, “tlhaka e ne e le koro,” leha e mpa e ena le Bophelo kahare ho yona. Tlhaka e itoketse, Bophelo bo leng tlhakeng bo ne bo itoketse, empa, hopolang, Bophelo ba nna ba tswela pele; ba tswella ho tloha ho Elisha ho ya ho Elia. Bophelo ha bo phetse ho nna bo tswela pele. Empa, hopolang, bo lekgatheng le leng. Bo ke ke ba nna ba dula leo. Re ke ke ra ja setopo sa mongwaha o mong o itseng. Re ke ke ra ja setopo sa Pentekosta, Methodise, kapa Baptise. Le a bona, se bodile. Re na le Dijo tse ntjha, Lentswe la hora ena, jwalo-jwalo.

159 Hopolang, lekgapetla le shebahala hantle jwalo ka hlaku ya koro. O ke ke wa... Le ne le sa shebahale jwalo ka yona qobeng, le ne le sa shebahale jwalo ka yona kwasenyaneng, empa ruri le entse jwalo lekgapetleng. Ha e a shebahala jwalo kahara... Jesu Krete yena maobane, ho Luthere; ha a shebahala jwalo ka yona ho Wesele; empa ruri o shebahala jwalo ho Pentekosta, e “ho thetsa le bona Bakgethwa hola ke ntho e ka etswang.” Le a bona? Ke eo mengwaha ya lona.

160 Empa hopolang, kereke eo ya Pentekosta, matsatsing a ho qetela, e ne e le Laodisea; mme Krete a ntshetswa ntle, Lefi, Koro, Boyona. Ha A ne a leka... Hopolang, ha A ne a leka ho Iponahatsa ka kerekeng, A ntshetswa ntle. E ne e ntse e le kereke, ya ipolela jwalo; e tlotsitsweng.

Empa Lentswe ke *lena*, Krete ka Sebele, ke lona Lentswe le tlotsitsweng le tlang ho tlela Mmele wohle wa Hae, Monyaduwa. Ya tlotsitsweng, ka ona metsi ao a noseditseng koro, jwalo ka ha re boletse, a nosetsa hape le mahola, ba tlotsitsweng. Ke Bakgethwa feela, kapa ba reretswengpele, ba tla kgona ho lemoha phapang pakeng tsa tsona. Jwale, Baefese 5:1 e le bolella jwalo, le ka mokgwa oo e neng e le ka teng.

161 Ke ba tlotsitsweng. Motho e mong le e mong o re, “Ho bokwe Modimo! Re na le tokoloho tlase mona. Hallelua! Re... Oho, Hallelua! Re bua ka dipuo, mme re a qhoma. Re na le tokoloho bakeng sa basadi; lona batho ting le leka ho ba bea tlasa mefuta ena ya dintho tsena.” Le a bona? Tswelang pele. Ha ho letho leo o ka le etsang. Ho thwe, “Ho lokile, re bua ka dipuo. Re a hweletsa. Re hobela Moyeng. Re rera Lentswe.” Ka sebele. Ha ho letho leo o ka le buang kgahlano le ntho eo. Le hona ho jwalo le ka banna bana mona Bibeleng.

Jesu o boletse, “E tla thetsa le bona Bakgethwa hola ke ntho e ka etswang, le bona Bakgethwa.”

¹⁶² Jwale lemohang lekgapetla. Ho tswa Hlakung ya ho qala, Hlaku e ileng ya kena mobung, E ne e se mokgatlo wa letho. E ne e le Hlaku e le nngwe, ka Boyona. Empa yare ha e hlaha, e ne e se Hlaku; e ne e le mokgatlo, le a bona, mahlaku, tlhaku.

Yaba E fetela lekgatheng le leng, leo e neng e le la dikwasenyana. Ekasita le moo e ne e sa tshwane le qalong. E ne e le mokgatlo.

Ya kena lekgapetleng, mahlaku a mangata, Pentekosta, e batla e bopehile ho ya nngeng eo jwale. E tadimeng. E ntse e ipha sebopheo ka nako tsohle, e batla e tshwana le yona hantle, e tshwana le Hlaku ya koro ha o sheba mmejana oo mono.

Empa phellong E a bonahatswa, mme ho se mokgatlo. Ha ho sa le bajari hape. Mokgatlo e mpa e le mojari feela. Ha ho sa na bajari; tlhaka e tshwanetse ho shwa, lekgapetla le tshwanetse ho shwa, ntho e nngwe le e nngwe e tshwanetse ho shwa, empa koro e tswella ka ho phela. Ke ona mmele wa tsoho, o theoha hantle mme o ba nyollele hodimo. “Ba morao e tla ba ba pele, mme ba pele e tla ba ba morao.” Le a bona, o ba nyollela hantle feela tsohong. Na le latela taba ena na? [Phutheho, “Amen.”—Mong.] Ho lokile. Lemohang, hlaku e . . .

¹⁶³ Lekgapetla le tshwana hantle le hlaku. Mme monna ya lelang tshimo ya koro polasing, kapa ntho ya horeng e itseng, o ye a tadime mme a re, “Ho bokwe Modimo, ke na le kotulo ya koro,” hodima a se na le lethebana la koro. Le a bona? Le shebahala hantle jwalo ka koro, empa ke lekgapetla.

¹⁶⁴ Jwale, metswalle, kgutlelang morao le nna. Tsosetso ya pele e hokae, ka morao (ho lefu) ho matsatsi ao hlaku ya koro e ileng ya tlameha ho wela mobung, Mmele, Monyaduwa wa Krete? Krete o ile a hlophisa Monyaduwa wa Hae, na hoo ke nnete, Kereke ya Hae? Ha A ka a E hlophisa le ka mohla o le mong; O mpile a bea feela baapostola, le baporofeta, le jwalo, ka Kerekeng, ho E boloka e hlwekile. Empa Nisea, Roma, dilemong tse makgolo a mararo a mashome a tshelatseng ka morao ho moo, ba e hlophisa mme ba e etsa mokgatlo. Na ke nnete? Mme ya eshwa. Ntho e nngwe le e nngwe e neng e sa dumellane le kereke eo ya bolawa. Mme ya robala ka kgutso, ka dilemo tse makgolo, leroleng.

Empa, ka morao ho nakwana, ya nyoloha ka Luthere. Mahlomela a ho qala a manyenyane a tlhaku a hlaha. Kgetlong la bobedi, ya hlhisa menoko ho tswa moo. Ba nna ba tswelapele, ha e ba le Zwingli le bao, le mekgatlo e meng le tse jwalo. Yaba, ka morao ho nakwana, ho tla Anglichene.

Mme yaba ho etsahala eng? Wesele ke enwa a etla ka tsosetso e ntjha dikwasenyana, e shebahalang jwalo ka Koro ho feta. Yaba ho etsahala eng ka hoo? Ya itlhophisa, mme ya omella mme ya eshwa.

Bophelo ba tswela hantle le kahara lekgapetla, mme lekgapetla la hlaha le batla le tshwana le Koro ka botlalo. Empa, phellong, bowatla ba lona ba pepeswa dilemong tse robedi kapa tse leshome tsa ho feta, haholo-holo dilemong tsa ho qetela tse tharo. Jwale le etsang? Le apoha ho tloha Korong.

¹⁶⁵ Jwale hobaneng mokgatlo o eso qalehe dilemong tsena tsa ho qetela tse mashome a mabedi tsa tsosetso ena e kgolo; ke baporofeta ba tlotsitsweng, baruti ba tlotsitsweng, jwalo-jwalo, empa hobaneng o se teng? Ha ho sa na letho ka nqane ho Hlaku. [Moena Branham o kokota sefaleng makgetlo a mane—Mong.] Le a bona, E kgutlile, ntle le mokgatlo. Oho, kgidi, monna ya sefofu a ka bona taba eno. E ke ke ya hlophisa; E kgahlano le seo ka ho tiya. Ke hlaku ya Koro, ka Boyona. Mora motho o tla bonahatswa. Hlaku ya Koro e tla boela e Ipheta hape, Mora motho matsatsing a ho qetela.

“Mme ho tla hlaha qopitso ya Yona, ya bohata, matsatsing a qetelo, e ka thetsang Bakgethwa hola ho ka etswa.” Tadimang ka mokgwa oo makgapetla a bona a mokgatlo a apohang jwale.

¹⁶⁶ A etsa feela hore Koro e tsebahatswe, ho Bakgethwa, bao e leng karolo ya Yona. Lemohang ka moo taba ena e kenngwang mona ka bokgabane jwale. Ke feela . . . Lemohang, batlotsuwa ba tla kgona; Bakgethwa, ba nnete, ba reretsweng-pele, Baefese 5:1, kapa 1:5, ke rialo, ba tla be ba baletswe, ba kgethilwe. Ke bona feela to bao e ke keng ya ba thetsa.

Lemohang, baporofeta ba tlotsitsweng ba tla be ba fosahetse, mme moo hara yona ho tla ba le ba tlotsitsweng ka nnete. Le tla kgona ho ba bolela ka mokgwa ofe? Ka Lentswe. Jwaloka, re ena le seriti sa yona. Na le a e bona? E reng, “Amen.” [Phutheho a re, “Amen.”—Mong.] Le a bona?

¹⁶⁷ Lemohang, ba tlotsitsweng, ke Lentswe feela le tlang ho ba arola, e seng matshwao. Tjhe, le kgale. Ba tla etsa matshwao a tshwanang, empa Lentswe ke lona le ba arotseng. Ehlile. Bohle ba porofetile. Bohle ba entse *hona, hane*, le ho *hong*, ehlile, ka mokgwa o tshwanang. Jesu o boletse hoba ba tla etsa ntho e tshwanang. Empa Lentswe ke lona feela le ba arotseng, lemohang, e seng matshwao.

¹⁶⁸ Na le lemohile? Jesu o boletse mona, ho Matheu 24. Ha A re, “Ho tla hlaha Bojesu ba bohata matsatsing a qetelo.” Tjhe, le kgale, ba ne ba ke ke ba emelana le taba eo. Tjhe. Fumana Mopentekosta eo e leng Mopentekosta ruri, ya reng, yena, ke “Jesu”? Le a bona? Fumana Momethodise wa bohata, kapa Mobaptise, kapa motho ya itseng ya jwalo, kapa o mong wa mekgatlo, e reng, “Rona re Jesu”? Ba tseba haholwanyane ho feta moo. Ba ke ke ba etsa taba eo. Empa Bibe e boletse hore e tlaba “Bokreste ba bohata,” e seng Bojesu, empa, “Bokreste ba bohata.” Ba ke ke ba amohela, ho re, “Nna ke Jesu.” Tjhe, lekgale.

169 Empa ke “Bokreste ba bohata,” mme ha ba e tsebe, hobane ba le kgahlano le Lentswe. Mme Modimo o netefatsa yona ntho eo. Jwale, ke tlisa taba ena hantle makgaola-kganng jwale, hoba le bone ha ntho yona eo e etswa ke batho bana e leng yona e entsweng nneteng. Mme Jesu o boletse jwalo.

170 Jwale, jwalo ka ha ke boletse, jwale ho lona batho ba ntle mono, ba mehaleng ka mafatsheng ao, ha—ha ke le ahlole, empa ena ke kereke ya ka le—le sehlopha sa ka seo Moya o Halalelang o mpeileng hodima sona, mme ke tlamehile ho ba bolella Nnete. Hora e se e ya phirima.

171 Jwale, ba ne ba ke ke ba emelana le taba eno, empa, “Bokreste ba bohata,” ba tlotsitsweng, ba bohata, ka pontsho e nngwe le e nngwe ho batla ho le jwalo le letere e nngwe le e nngwe ya Lentswe. “Ba dumela kolobetso ya Moya o Halalelang?” Ka sebele. “Ba dumela nthong ena yohle?” E. “Ba dumela ho bueng ka dipuo?” E. “Ba dumela ha mehlolo le meeka e latela, dipontsho di tla ba latela?” E. Bao ha se Mamethodise, bao ha se Mabaptise. Tjhe, tjhe. Bao ke Mapentekosta. Le a bona, ana ke matsatsi a qetelo.

Jwale, mongwaha wa phutheho ya pele o ne o ke ke wa lemoha hono. Mongwaha wa phutheho ya Methodisi ha o a lemoha; mongwaha wa phutheho ya Baptisi, ha ba ka ba e lemoha le ka mohla; mongwaha wa phutheho ya Presbeteriene, ha ba ka ba e lemoha le ka mohla. Empa, Mapentekosta, e atametse hakaalo ka Ntho ya nnete! Ke hona moo, Koro, lekgapetla le batla le tshwana hantle le Koro. Ba ne be ke ke ba le lemoha. Le a bona? Ba ne ba ke ke. Empa mona ke matsatsi a qetelo, tsatsing lena. E, monghadi.

172 Lemohang, jwaloka tshimolohong, ho tla ba jwalo pheletsong. Jwalo ka ha Eva a tolokile Lentswe le le leng ka phoso, Satane o entsa jwalo ho Eva, mme a le dumela. Yena mosadi, e seng monra; kereke, e seng Yena. Le a bona? Kereke ke yona e nkileng lentswe la bohata. Le a bona? E seng Adama; Eva. E seng Krete; kereke, monyaduwa, ya tlotsitsweng, eo ho thweng, ya ipitsang Monyaduwa, le a bona, e tshwere lentswe la bohata.

Na ha le lemohe taba eo? Kgidi, e tlamahana hammoho jwalo ka leqhwele la seeta, jwalo ka dintshi tse mahlong a hao. Kgidi, ntho e nngwe le e nngwe eo o ka e phetlang, Bible, E e tlamahanya hantle mmoho. Eva, e seng Adama; ke Eva ya e dumetseng, e seng Adama. Monyaduwa kajeno, eo ho thweng ke, o le dumetse; e seng Krete. Monyaduwa o na le mefuta yohle, eo ho thweng ke monyaduwa; dipontsho tse tshwanang, meeka e tshwanang, ntho e nngwe le e nngwe ka ho tshwana; empa e se Ya nnete. Le a bona? “Ho thetsa Bakgethwa hola ke ntho e ka etswang.”

Jwale ka potlako, ha re ka qeta hona metsotsong e leshome le metso e mehlano, re tla be re le nakong. Lemohang ka thata jwale, le tle le se ke—le se ke la utlwisisa, ka phoso.

¹⁷³ Jwale, tjhe, ba ke ke ba emelana le ho bitswa “Jesu wa bohata.” Ba ne ba ke ke, ho emelana le ho bitswa, “Jesu.” Le ho leka. E totobetse haholo. Motho mang kapa mang o ne a tla e tseba. Motho e mong le e mong o ne a tla tseba hore ha se Jesu. Ha ke kgathale ha ba ne ba ena le ole mekokotlong ya bona, le madi matsohong le hodimo-le-tlasa mahlo a bona, ba sa ntse ba tseba hore. . . Motho mang kapa mang feela ya nang le nahano e phethahetseng, o tsebile hobane ha se Jesu. Le a bona? Ba ne ba ke ke ba emelana le ntho eo. Empa ba ipitsa “batlotsuwa.” Mme ba etsa mehlolo le meeka, “e ka thetsang Bakgethwa.” “Empa Bokreste ba bohata, ba tlotsitsweng, ba tla hlaha, mme ba tla thetsa Bakgethwa hola ke ntho e ka etswang.”

¹⁷⁴ Jwale hokomelang ka thata. Le se ke la hlaleha tlhahisong ena, hobane e lokelwa ke ho mamelwa.

O mpa a ekeletsa teipi maekrofoneng ona mona, ho thibela hore o se ke wa fofa. Ke fufuletswe; mme o rothetse hodima teipi, le a bona.

¹⁷⁵ Mme kahoo e tla tshwana le Yona, le Bibehe, e boletse hore ho tla ba jwalo. Le a bona?

¹⁷⁶ Lemohang, e seng Bojesu ba bohata. “Bokreste ba bohata!” Ba dumela hobane ba tlotsitswe, empa ba tseba hoba ha se bo-Jesu. Le a bona, hoo ho totobetse haholo. Ha motho a ne a ka phahama mme a re, kajeno, “Bonang mehwabadi letsohong la ka. Bonang phatla ya ka. Ke nna Jesu.” Ka mokgwa wa teng, jwale, re a tseba hoba hoo ho fosahetse. Mme, hopolang, Jesu ha a ka a re mathaka ao a tla hlaha. O itse ho tla hlaha “Bokreste ba bohata.” “Bokreste,” bongateng, phutheho tsa dikereke, le jwalo, *ba tlotsitsweng*; ba tlotsitsweng ka moya wa phutheho ya kereke, mme e seng Lentswe. Le latela taba eo? E seng Jesu wa bohata. “Bokreste ba bohata,” ba tlotsitsweng, ba bohata. Le a bona? Kgidi, ka moo e hlakileng! Ka moo re. . . Ruri le ka se e fose!

¹⁷⁷ Jwale, hopolang, ke nnile ka le bolella kamehla hore ho na le dihlopha tse tharo tsa batho. Ho na le merabe e meraro ya batho; Kama, Sema, le Jafeta, merabe e meraro. Dihlopha tse tharo, mme ke itse, ke modumedi, moikaketsi, mosadumeleng. Ha e sa le ho le jwalo, e tla be esale ho le jwalo. Le a bona? Ho ne ho ena le Moshe, modumedi; ho ne ho ena le Janese le Jambrese; bomosadumeleng. Le a bona? Ho ne ho ena le Balaame; Moshe. . . Kamehla dihlopha tseo tse tharo tsa batho, dihlopha tse tharo; modumedi; moikaketsi, le mosadumeleng.

¹⁷⁸ Jwale hopolang, mosadumeleng, phutheho ya kereke, ha e dumele dipontshong tsa letho ho hang; ba bata, ba fofa, ba

hwamme, kereke e leng lefatsheng, phutheho ya kereke. Empa moikaketsi ke lekgapetla leo. Ke lona thaka le iketsang eka le a dumela. Mme ho be le modumedi wa nnete ya tshepahalang ruri. Jwale, ba shebeng jwale ha ba tsamaya jwalo, motsotso o se mokae feela.

¹⁷⁹ Mme lemohang kamoo basadumeleng bana ba leng sebete ka teng, kapa baikaketsi bana le bomosadumeleng. Kgidi! Ba sebete, bonang, ekasita le jwalo kaha Satane a ile a ema hantle ka pela Sefahleho sa Lentswe la nnete, mme a re, “Ho ngodilwe ho thwe!” Na ho jwalo?

Hobaneng ha Satane a entse hono? Ke kahobane a ne a sa tsebe Lentswe la... O tsebile ha Lentswe le ne le etseditswe hora eo, empa o ile a balaella Monna enwa ya monyanyane ya ithobileng ho ka ba Lentswe leo. “Ekare ha O le Mora Modimo. Ke a tseba Mora wa Modimo o a tla, hobane E boletse hobane O tla etsa hono. Mme ho ngodilwe, ‘O tla laela Mangeloi a Hae hodima Hao.’ Le a bona? Ntiisetse taba eo! Etsa mohlolo! E re ke bone ha O o etsa.” Le a bona? Le a bona?

Le bona, mosadumeleng, moikaketsi, moipehi. Tadimang Judase ya neng a le hantle mahareng a bona nakong yona eo, e mpa e le, moikaketsi! Le a bona? Lemohang, mme ho ena le Lentswe la nnete.

¹⁸⁰ Ba sebete hakakang! “Jwale le se ke la natsa dithole tseno. Ha ho letho nthong Eo. Le se ke la nyolohela mono. Ke letomotomo la lerata feela. Ha ho le letho nthong Eo. Hoo ke tshomo feela ruri. E ka kelellong ya lona.” Le a bona, le bona see ke se boelang? Ba ema hantle ka pela Sefahleho sa Lentswe mme ba e bue.

¹⁸¹ Satane o ile a kena hantle kahare. Jwaloka ha Bibehe e boletse mona ho Juda, “Esita le Arekangeloi, ha a ne a tsekisana le Satane, o itse, ‘Morena a o kgaleme.’” Kgahlano le Lentswe ka Sebele!

Mme antikreste ke enwa, ya tlotsitsweng, o ema hantle mona kgahlano le Lentswe le hlwekileng la letsatsi lena, Jesu Kreste, mme o re, “Ho ngodilwe.”

¹⁸² Shebang matsatsing a qetelo. “E tla bapa hoo e ka thetsang le bona Bakgethwa hola ke ntho e ka etswang.” Oho, kgidi! Lebaka leo Bakgethwa ba ke keng ba thetswa, le a tseba ke hobaneng? Ke ka hobane bona ke Lentswe. Le a bona? Jwalo ka Bophelo bo leng motsong, ke boletse nakwaneng ya ho feta, Bo ke ke ba Itatola. Le a bona, Ke Lentswe homme sehlang sa Lentswe. Ke hantle.

¹⁸³ Jwaloka Jeremia, o tsebile. Ho sa tsotelehe see Hanania a se boletseng, o tsebile moo a neng a le teng. Mme ke hantle feela jwalo ka ha Moshe a entse, le—le ba bang bohle. Ke hore, o tsebile, ho sa tsotelehe hore na moporofeta wa bohata o itseng, Lentswe la Modimo e ne e le leo. Le ne le ngodilwe.

Ke ka baka leo Mikea a neng a ka re, “Ho lokile, o eme mme o lebelletse.”

Akabe o itse, “Ke dumela baporofeta ba ka. Mokgatlo wa ka o lokile. Ha ke kgutla ka kgotso. . . Nkang thaka leo le le hlahlele morao kwana tjhankaneng. Ke tla mo sebetsa! Mo fepeng bohobe ba matshwenyeho. Mo ntsheng, le se ke la ba le kopano efe kapa efe le yena ho hang. Ha ke boya ka kgotso, re tla sebetsana le thaka leo.”

¹⁸⁴ Mikea a re, “Ha o ka kgutla, Morena ha a ka a bua le nna.” O tsebile hoba o ne a ena le HO RIALO MORENA, mme pono ya hae e ne e lebahane hantle le HO RIALO MORENA; e seng bakeng sa sehla se seng se seng, empa bakeng sa sehla seo. Amen! Hallelua! Sehla!

¹⁸⁵ Ka sebete, a ema mme a tsekisana le Arekangeloi! Ho boletse, “Dithoto di ye di hwante ka dieta tse ditsenene moo Mangeloi a tshabang ho tsamaya.” Ke nnete.

¹⁸⁶ Lebaka leo Bakgethwa, Jesu o boletse, ba ke keng ba thetswa, hobane ke bona Lentswe leo. Ba ke ke ba eba ntho e nngwe e sele. Ba ke ke ba utlwa ntho e nngwe e sele. Ha ba tsebe ntho e nngwe e sele. Ke nnete.

Hopolang, Moshe ha a ka a nkeha ke boikaketsi ba bona bohle. Na o ile a etsa jwalo? Moshe o ile a re, “Jwale, be butle, Faro. O a tseba ke eng? Morena o mpoleletse ho etsa hona, empa, ho bokwe Modimo, ke a bona bashaana ba hao ba kgona ho etsa ntho e tshwanang. Ka baka leo, ke tla o bolella see ke ya se etsa, ke tla ikopanya le lona”? Hee! Hoo ha ho utlwahale jwalo ka moporofeta wa Modimo. Tjhe, le ho leka! A ema ka ho tiya kamoo a neng a ka ema. O tsebile, hantle, Modimo o tla hlokomela taba eo ka mokgwa o itseng, hobane A ne a tshepitsitse ho etsa jwalo. “Ke tla ba le wena. Nke ke ka o tlohela.”

¹⁸⁷ O tsebile, kahoo a se ke a ikopanya le bona. Oho, tjhe. A dula hantle le bona. Ha a ka a batla le o mong wa mekgatlo ya bona ya diphutheho. A dula le Modimo. Ha a ka ankeha ke dintho tsohle tseo ba neng ba ka di etsa. Ha ba ne ba etsa taba e itseng. . . O hlahisitse dinta; ba hlahisa dinta. O hlahisitse madi; ba hlahisa madi. O hlahisitse ntho e nngwe le e nngwe; ba mo etsisa ka hohle, ha mmoho. A ema feela ka kgutso. O tsebile hantle horeng, Modimo o ne o le tshebetsong.

Le a utlwisisa jwale? [Phutheho a re, “Amen.”—Mong.] Ana ha o ke o nka pedi o e kopanye le pedi, mme o etse nne na? [“Amen.”] Ha o rate ho tlabola haholo ho feta. Ka baka leo, kahoo le—le a utlwisisa, le a bona.

¹⁸⁸ Hobaneng? Ba ke ke ba thetswa ke Yona. Modumedi wa nnete, ke Peo e reretsweng-pele e loketseng ho ema letsatsing lena.

¹⁸⁹ Feela, hape, Jesu o boletse taba ke ena, “Ba bangata ba tla tla tsatsing leo, ka Lebitso la Ka, mme ba re, ‘Morena, na ha ke a ka ka leleka matemona ka Lebitso la Hao?’” Jesu o boletse, “Matsatsing a qetelo, ha nako e se e fedile mme tsoho e kgolo e tllile, ba bangata ba tla tla mme ba dule fatshe Mmusong.” Mmuso wa Modimo o ka ho lona.

Ba bangata, mofoka o tla tla mme o dule fatshe pela Koro, ho thwe, “Jwale, be butle hanyenyane, Morena! Ke buile ka dipuo. Ke hweleditse. Ke hobetse Moyeng. Ke lelekile matemona. Ke buile ka dipuo. Ke entse dintho tsen a tsohle.”

O ile A reng? Hlokomelang. “Lona ba sebetsang bokgopo, ha Ke a ka le tseba le ka mohla.”

¹⁹⁰ *Bokgopo* ke eng? Botsa ho motho e mong. Ke “ntho e itseng eo o tsebang hobane o loketse ho e etsa, mme o sa batle ho e etsa.” Ba tseba Lentswe leo. Ba ya Le utlwa. O mametse teipi ena. O mametse Molaetsa ona. O a bona hore Morena Modimo o rialo; o bona ha A e tiisa, ho e netefatsa. Mme o tseba Hona ka ho hlaka jwalo ka ha letsatsi le tjhabile ka ntle, empa lona ba hanellang phuthehong tsa lona tsa kereke, ho hanella dinthong tseo tsa bohata; lona ba sebetsang bokgopo!

“Oho, e, ke bile le dikopano tse kgolo. Ke entse *hona*. Ke entse *hane*.”

Ho thwe, “Tlohang ho Nna, lona ba sebetsang bokgopo, ha Ke a ka ka le tseba le ka mohla.”

¹⁹¹ “Ho lokile, Moya o Halalelang o tsholohetse hodima ka.” Ha ke belaele hoo le hanyenyane. “Ke buile ka dipuo. Ke binne Moyeng. Ke entse. . .” Ha ke belaele hoo le hanyenyane. Ha ho potso mabapi le taba eo. Kgidi, moena, kgaitsemi, ke maemo a jwang na!

Ena ke nako ya thothomelo. Re hokae? Lentswe lena le fumana Bophelo jwale. Lemohang.

¹⁹² Eya, O boletse hore ba tla etsa jwalo. Lemohang, “Lona ba sebetsang bokgopo.” Ke na le Lengolo le ngotsweng fatshe mona. Ha ke tsebe feela hore na le ne le le hokae. Ke nkile nako e ngata hakana. Ke tla le sheba, motsotswana feela, mme ke bone hore e ne e le eng. Ke tshwere—ke tshwere Matheu 7:21. Ke—ha ke tsebe feela hore na ke hokae. Ke, ka nako tse ding ha nke ke tshwaya ntho e itseng le lona, ka mkgwa wa teng, ha ke—ke rera ka mkgwa ona, ke—ke lebala seo ke neng ke se lekanya Lengolong. Matheu 7:21.

Ha se bohle ba reng ho nna: Morena, Morena, ba tlang ho kena mmusong wa mahodimo; empa ho tla kena ya etsang thato ya Ntate ya mahodimong.

Tsatsing leo, ba bangata ba tla re ho nna: Morena, Morena, ha re a porofeta na. . .

Baporofeta, ba tlotsitsweng! Na ho jwalo? “Na re ne re se baporofeta? Na re ne re sa tlotswa, motlotsuwa? Na ha ke a ka ka porofeta ka Lebitso la Hao? Mme ka Lebitso la Hao na ha ke a ka ka leleka matemona?” O ka etsa hoo jwang, mme o latole ho kolobeletswa Lebitsong la Jesu? Le a bona? Oho, kgidi! Le bona ka mokgwa oo e thetsang? Hantle feela ho fihlela ntlheng eo, ebe ho kgutlelwa morao. Ba nyolohela hantle feela Lentsweng, ebe ba kgutlela morao. Jwale elang hona hloko. Re ntsha sena, motsotso feela.

Ba bangata ba tla re ho nna . . . Morena, Morena, na rona ha re a ka ra porofeta, re bile baporofeta? . . .

Eya, ke buile ka yona ho Matheu 24:24.

. . . ka lebitso la hao . . . ra leleka matemona? na ka lebitso la hao ha re a ka ra etsa mehl- . . . mesebetsi e mengata?

Mohlang oo, ke tla bua pepeneneng, ke re: Ha ke a ka ka le tseba le mehla; ntloheleng, lona ba sebetsang bokgopo.

“Ha Le ne le bewa hantle kapela lona le hona le Le bone, le Le bone ha le tsamaya, le bone hobane E ne e le Lentse; mme ka baka la phutheho tsa lona tsa mekgatlo, la tiisetse ho tsona. Ha Ke a ka ka le tseba le ka mohla. Ha ke tsotelle hore na le lelekile matemona a makae, le entse ho hokae ha *sena*, le *sane*; ha Ke a ka ka tseba letho kaha lona.”

Balaame o itse, “Ke porofetile hantle, ka Lebitso la Hao. Taba eo e ile ya etsahala.”

¹⁹³ “Ke nnete ruri, empa, ha ho etla Lentse, o ile wa le hana.”

Oho, moena, na o bona karolo e thetsang? E seng ho “porofeta,” hakaalo; empa ka Lentse, Lentse la nnete, Lentse le bonahaditsweng le netefaditsweng. “Lona ba sebetsang bokgopo!”

¹⁹⁴ Ho leka, Satane o lekile mengwaheng yohle ho etsisa Lentse la nnete. Re tseba taba eo, na ha ho jwalo?

¹⁹⁵ Lemohang, ba tla hantle moeding mme ba nyahlatse. Bonang mona, O boletse ho Baheberu kgaolo ya 6, jwale, moo re badileng nakwaneng ya ho feta. Ke le boletse ho ya morao ho yona, mme re tla etsa jwalo ka metsotso e mmalwa e latelang. O boletse:

. . . empa meutlwa le dibajwa . . . lona le ye le lahlwe; mme taba ya lona ya qetello ke ho tjheswa. (Moeding!)

. . . ba seng ba latswitse . . . neo ya lehodimo, . . .

“Latswitse,” ka mantswe a mang, o a Le bona! O ke ke wa [Moena Branham o itatswa melomo—Mong.] Le latswa feela ka molomo wa hao. Empa o Le bone, mme o tsebile hobane E ne e le Nnete. O tsebile hobane E ne e le Nnete. “Latswitse neo ya Lehodimo.”

. . . mme *ba filweng kabelo Moyeng o Halalelang*, ha
O ne o tsholohela hodima hao,

. . . *latswitseng Lentswe le monate la Modimo*, . . .

“Latswitse,” o bone hoba Le ne le lokile. “Le Moya o Halalelang o tsholohelang hodima hao,” leholo le tshimong.

. . . mme ebe ba *wa*, . . .

“Ka ho latola yena Kreste ya o hlatswitseng, le ho o bitsa, le ho bea tlotso eo hodima hao.”

. . . *ha ho sa le sehlabelo se seng sa sebe*; bakeng sa hono.

Ke taba e ke keng ya tshwarelwa! “Ha ho ka moo ba ka boelang ba tla tsebong ya Nnete le ka mohla.”

“*Hobane ba seng ba kile ba . . . ba filweng kabelo Moyeng o Halalelang*,

Ya wela maholeng, le a bona, “ba qadile le Jesu, mme, ‘Morena, ke tswa tema,’” empa yare ha o kgahlana le Lentswe, o a kgutla. “Ba filweng kabelo Moyeng o Halalelang, esita le ho latswa, kapa ho bona ha Lentswe ka Bolona le bonahatswa.” Mme ebe o a Le furalla, “Ha se ntho e ka etswang hore ba ka Le bona kapa ba tla ho Lona.”

Taba eo ke HO RIALO LENGOLO. Jwale, lona . . . “Mahodimo le lefatshe di tla feta, empa Le ke ke.” Le bona taba eo? “Ha se ntho e ka etswang ho hang.” Bibe e boletse jwalo, mme Moya o a e paka.

¹⁹⁶ Lemohang, e re ke le etsetse mohlala o monyenyanane. Shebang batho bano ba tswileng ba le tlasa boporofeta ba Moshe, ba tswa mokgatlong oo, mme ba tswa nthong e nngwe le e nngwe, tlasa boporofeta, ba bona mesebetsi e meholo le meeka, le dintho tse kang tseo, mme ba fihle moeding wa ho kena kahare.

Jwale, Lee, “lebitso le Bukeng,” la hao ke leo. O a bona? O se o ntse o e rarolletswe. Mme ho lona ba leng siyo mona, le lona ba—ba dikgokahanong, eo ke Ngaka Lee Vayle ya dutseng mona. O ntse a lokisa melao ya puo [grama—Moft.] bukeng ena ya Mengwaha ya Diphutheho tse Supileng. Mme bothata bo ile ba hlaha, kapa potso, mabapi le ho “tloswa ha lebitso Bukeng ya Bophelo ya Konyana.” Le a bona, e ile ya tsietsa baruti ba bangata. Empa lebellang ho fihlela le fumana buka, le tla e utlwisisa haeba le ena le Lesedi la letho ka ho lona. Le a bona?

¹⁹⁷ Lemohang, jwale, o tla reteletsa hloho ya hao mme o hane ho Le tadima haeba o sa batle ho E bona. Jwalo ka ha mme wa ka a ne a ye a re, “O ke ke wa ntsha madi rapeng, hobane ho se madi ho yona.”

¹⁹⁸ Lemohang, Lesedi le tlamehile ho tla; ha le lefifing. Lesedi le tla lefifing, mme lefifi ha le Le lemohe. Lemohang jwale ba tlotsitsweng tsatsing lena.

Jwalo ka ha Moshe a ntshitse bana bao ba Iseraele; mme ba ile ba mamela mme ba ferekannngwa ke setjhabahadi seo hodimo mono. Jwale, Iseraele e ne e sa natse mokgatlo wa phutheho. E ne e se na naha, e ne e hloka lehae. E ne e lebile lehaeng.

Ha re na kereke. Ha re . . . Re—re lebile Kerekeng, Kereke ya Letsibolo, Kereke e Kganyeng; e seng kereke e lefatsheng ka motho. Kereke e Kganyeng, ba bitsitsweng, ba reretsweng Bophelong bo sa Feleng, le a bona, ba lebile Lehaeng la bona.

Mme yare ha ba fihla sebakeng seo sa ho tshelala ka nqa ela, ba belaela Lentswe, mme ba kgutla. Ka morao hoba Joshua le Kalebe le bao ba tshelale ka nqane mme ba tlise masihla a morara, ho ba tiisetsa hoba lefatshe le ne le le teng, Lentswe la tshepiso ya Modimo, “Ke lefatshe le le tle, lebeso le dinotshi.” Mme ba di tshidisetsa ka kwano, ho ba tiisetsa taba ena. Mme ba di latswa, ba re, “Oho, oho, re ka se e kgone, leha ho le jwalo.” Ha etsahala eng? Ba timela lefelleng. Ba dula mono hantle mme ba itlhophisa, mme ba shwa, e mong le e mong wa bona.

Empa ha e le ba ileng ba tshela mme ba tlisa, Joshua le Kalebe; Moshe o ile a fetolwa. Papiso ya tebello ya Kereke; le tsoho ya Testamente ya Kgale, Testamente e Ntjha; le Mmele o hlwibilwang. Le bona boraro boo moo? O loketse ho boloka botharo bao motjheng, o a bona, ka baka leo, modumeding le mosadumeleng. O a bona?

¹⁹⁹ Lemohang ka mokgwa oo e neng e le ka “botlalo.” Hopolang, Modimo le ka mohla ha o a ka wa tshwarela sebe seo. [Moena Branham o kokota sefaleng makgetlo a mane—Mong.] Jwale ba tla kena jwang? Haeba e le tshehlo, le ho qaleng, ke tshehlo le qetellong. Ke ba reretswengpele feela ba tla E bona.

²⁰⁰ Lemohang ka hloko jwale. Jwalo ka matsatsing a Mohalaledi Martini, pejana feela ho Mengwaha e Lefifi; monnanyana wa morapedi. Ke ba bakae ba kileng ba bala mangolo a Mohalaledi Martini le ka mohla? Bongata ba lona bo entse jwalo. Re ile ra theoha ho fumana mangolo a Mohalaledi Martini; moprista o ile a re, “Empa ha a ka a kengwa mangolong.” Ehlile, ke bona, ba sa kang ba mo kenya; empa a kengwa ke Modimo. Moya o Halalelang o re boletse ho mo kenya moo mongwaheng oo wa kereke ya boraro. Le a bona?

²⁰¹ Bonang ka mokgwa oo e neng e le monna e monyenyanane wa morapedi; a bitsitswe, a reretswe-pele. Batswadi ba hae, bahetene. Ntatae, lesole. O ne a loketse ho latela mohlala wa hae, ho ba lesole. Mme, yare ha a entse jwalo, mme kamehla a dumela hore ho na le Modimo kae-kae; monna wa meru, mme a kgona ho bona Modimo. Ka tsatsi le leng ha a feta motse, mme ho ne ho ena le lefupatsela la kgale le neng le paqame moo, le eshwa, a kopa motho ya itseng. . . O ne a hatsetse bosiuung boo. “Oho,” a re, “mpheng ntho ya ho ikapesa; siung bona ke tla shwa.”

²⁰² Ha hlokahala motho ya ka etsang jwalo. Yaba Martini o tswela ka thoko mme a mo lebella ho se hokae. Ha hlokahala motho ya ka etsang jwalo. O ne a ena le jase e le nngwe feela. Le yena, o ne a ka hwama, o na le mosebetsing, ha—ha a ne a ka mo nehela jase eo. Ka baka leo a nahana, “Bobedi ba rona re na le monyetla wa ho phela ha nka e arolelana le yena.” Ka baka leo a tshwara jase ya hae, a e arola dikoto tse pedi ka sabole ya hae, mme a thatela lefupatsela lena la kgale ka yona. A thatela ka jase ya hae ka sebele.

Motho e mong le e mong a re, “Bonang ke lesole le tshehisang hakakang. Bonang ke lesole tshehisang hakakang, ka sekoto sa jase eo a e apereng!”

²⁰³ Bosiu bo latelang, hoba a tjhaise mme a robale moalong wa hae, a phaphama. A tadima, a eme kamoo ka phaposing, mme Jesu Krete keo moo a emeng a thatetswe ka sekoto seo sa kgale sa seaparo seo a ileng a mo apesa sona. A hla a tseba hona nakong eo, “Seo le se etsang ba banyenyane bana ba Ka, le se entse ho Nna, ho batlotsuwa ba Ka,” a robotse moo.

E ne e le mohlanka e moholo wa Modimo. Kereke e ile ya tshehisa ka yena, ya mo hlorisa, ya mo kgarametsa ntle, le ntho e nngwe le e nngwe, empa e ne e le moporofeta wa Modimo. See a se boletseng sa etsahala. Ho na le bongata bo ileng ba dumela ho yena mongwaheng oo, le hona.

²⁰⁴ Ke batla ho le bontsha ka mokgwa oo Diabolosi a thetsang. Ka tsatsi le leng o na dutse ka phaposing ya hae ya ho bala. Ke moo ho hlaha lengeloi le matla, moqhaka o le hlohong ya lona, le rwetse dieta tsa gauda, senyepa se tlamile diaparo tsa lona tsa gauda, mme la re, “Martini, o a ntseba na?” La re, “Ke Morena hao le Mmoloki. Ke Nna ya o pholositseng. Nkgumamele, Martini.” Empa moporofeta eo, ka ho tseba hoba ho na le nthwana e makatsang mono, a nna a mo tadima. La re, “Martini, ke nna Mmoloki wa hao, Jesu Krete. Nkgumamele! Ana ha o ntsebe, Martini?”

²⁰⁵ Martini a se ke a phetsa ho mo tadima, Lengolo le sebetsa mohopolong wa hae. A re, “Tloha ho nna, Satane.” A re, “O rwetse moqhaka hlohong ya hao. Mme Lentswe la Modimo le re ‘bahalaledi ba Hae ba tla Mo rwesa moqhaka’ pheletsong ya mogwaha.”

Na hoo e ka be e sa ka ya e ba selope [huku—Moft.] ho Mapentekosta? Hlokomela Lentswe leo, moena. Ke hona moo ho putsang.

²⁰⁶ Ka tsatsi le leng, hape, ka tlung ya bamonke, ba ena le mohalaledi wa kgale tlase moo, sehlopha sa bamonke ba batjha. Ho le e mong wa ba mofuta oo o hlophang. Hlokomela sena, setshwano se se tle—se se tle ke sena kajeno. O ne a batlile ho ba ntho e itseng ka hodimo ho ba bang bohle. A batla ho itlhahisa, boholo, ntho e itseng e kgolwanyane, ho itseng ho betere, maemo ohle, le a tseba, le ntho e itseng e kgolo. O na loketse ho ba wa maemo a itseng. Kamehla a batla ha baena ba bang ba sa. . . Le a tseba, o ne a loketse ho kgetheha. Le a bona? Yena, ho sa tsotelehe hore na e ne e le eng, o ne a ikgantsha. E le yena feela naledi e pela kgwedi. Ho se motho ya ka mo amang. Jwale hlokomelang se ileng sa etsahala. A loketse ho ba le ntho e itseng e kgolo. A loketse ho ipapisa le mekga e—e meholo. Le a ntatela? Le a bona? Ka baka leo, a re, a porofeta. A re, “Morena o nkentse moporofeta, le nna. Ke moporofeta.”

Jwale, ho ne ho ena le moporofeta a le mong ya tsebahaditsweng naheng, mme eo e le Mohalaledi Martini; a tswetswe e le moporofeta.

²⁰⁷ Empa thakanyana lena la re, moekanyana a re, momonke wa dilemo tse ka bang mashome a mabedi a metso e mehlano. A re, “Morena o nkentse moporofeta, mme ke tla le tiisetša taba ena.” A re, “Bosiung bona Morena o tla mpha kobo, e kgolo, e ntle, a nkapese yona, kobo e tshweu, mme ke tla dula hara lona. Homme lona bohle le tla tla ho nna, le a bona, mme le tla nka ditaello ho nna.”

²⁰⁸ Jwale bapisang hoo kajeno, le a bona, “Ke tla ba hlooho ya mokgatlo. Ke tla le baballa, lona bamonke bohle.”

Mme ka sebele ruri, “Bosiung boo, masedi a tjhabela ka mohahong,” ho ya kamoo mangolo a Mohalaledi Martini a bolelang. A baleng. Le hona a pakilwe hoba ke nnete. Ke histori. Mme masedi a tjhaba, mme ba bang bohle ba tadimile, mme ke mona ho e tla. . . O ne a apere kobo e tshweu, a ema hara bona. A re, “Le bona seo ke le boleletseng sona?” Empa hoo ho kgahlano le Lentswe.

²⁰⁹ Mme yare hobane a tlohe mme a fumane mookamedi wa kgale wa kholetjhe, a ya hodimo-le-tlase hanyenyane, a re, “Mora ka, taba eo ha e utlwahale hantle.” A re, “Ho na le mokgwa o le mong feela.” Ke wona! “Ho na le tsela e le nngwe feela ya hore re ka tseba. E bonahetse e le ntho e mohlolo-hlolo.” Moshaana, Mapentekosta a ka be a ile a e phamola, hloho, letlalo, maoto, ditlhakwana, le ntho tse ding tsohle! A re, “Mohlolo oo o ka nna wa bonahala o lokile, empa ha o

bonahale jwalo Lentsweng. Jwale, re na le motho ya jwaana, moporofeta ya tlotsitsweng, ka lebitso la Martini. Tloo, o itlhlahise ka pele ho yena.”

Thaka leo la re, “Tjhe, tjhe! Ha ho kamoo Martini a ka kenang tabeng ena.”

²¹⁰ Mme ha thwe, “O a ya, leha ho le jwalo.” Yaba ba mo tshwara ka letsoho, ho mo hlahisa ka pele ho Martini, mme kobo ya mo tlohela.

²¹¹ Le a bona, “Ho tla thetswa Bakgethwa hola ke ntho e ka etswang.” Le a bona, ba ya ba tseba. Jesu o boletse, “Dinku tsa Ka di tseba Lentswe la Ka.”

“Kgidi,” o ka re, “utlwa “Lentswe” [Kapa modumo wa Lentswe—Moft.] la Ka.”

Hoo ke Lentswe la Hae. “Motho a ke ke a phela ka bohobe feela, empa le ke Lentswe le leng le le leng.” Le a bona? Ba reretsweng-pele ba tseba taba ena. “Lentswe le sele, kapa kodu e sele, ba ke ke ba le amohela latela.”

E ne e le mokgwa wa mathaka ano morao kwana; ba ne ba ke ke ba latela. Ba tsebile hobane Martini o ne a le teng moo, moporofeta wa mongwaha oo, ya neng a tsebahaditswe ka Lentswe ke Modimo, a tseba Lentswe. Mme monna eo a se ke a batla ho ema ka pele ho lona.

²¹² O boletse hape, “Moo Setopo se leng teng,” kapa Lentswe, “moo sehlang, ke moo dintsu di tla bokana teng.” Jwale eo ke Math-. . . Ha o batla ho ngola hoo fatshe, ke Matheu 24:28. Pejana feela ho, Matheu 24:24; temana tse nne tlasa yona, le a bona, ha o batla ho e fumana. “Hobane moo Setopo se leng teng,” moo Manna a leng teng, moo Lentswe le leng teng, “ke moo dintsu di tla bokana teng.”

²¹³ Jwale ke loketse ho potlaka. Ke ile ka tadima hodimo mane mme ka bona seo nako. . . Ke—ke metsotso e supileng kapa metsotso e robedi kamora ho nako ya leshome le metso e mebedi. Ke tla potlaka ka pele ruri, kapa re ka e qetella bosiuung bona, ka mokgwa ofe kapa ofe oo le e batlang. Hoseng ho kapa bosiuung boo? Hee? Ke ba bakae ba loketseng ho ya hae kajeno ka morao ho tshebeletso, a re boneng matsoho a lona, le a bona. Oho, kgidi, ho molemo ha nka tswella!

Ke maswabi ho tshwarella batho bao mehaleng eo ntle kwana ka mokgwa ona, empa ke tla potlaka. Ho fetisa tjhelete ya lona ka boleng. Ke dumela ho jwalo, ho nna, le a bona. Ditjhelete tsa lona di tla timela. Hona ho ke ke; Ke Lentswe. Le a bona?

²¹⁴ “Hobane moo Setopo se leng teng, ke moo dintsu di tla bokana teng.” Moo Setopo, moo se—se—se hlabilweng se leng teng, ke moo dintsu di tla bokana teng. Moo Nama e ntjha e leng teng, Lentswe la sehla, ke moo dintsu di tla bokana teng.

Empa hoba e bole, ke hona manong a e nyehenyehelang. Eya. Le bona see ke se bolelang? Ha ntho e bolawa, dintsu ke tsena di etla; empa hoba e rapalle moo, mme e pute, eba ke hona manong a tlang. Ha ho seo ntsu e ka e etsang ka yona. Le a bona?

Jesu o itse, “Moo Setopo se leng teng,” moo Manna a neleng, bosiuung boo Manna a nang a le matjha, “ke moo dintsu di tla A bokanela teng.” Ao ke Manna a letsatsi. Le a bona? Lemohang.

²¹⁵ Empa hoba se pute, sebokwanantsi se a se kena, ke mona ke hona manong a tlang. Ha a kgone ho se fofonela pele se puta. Ha ho makatse ha Jesu a ne a eme moo mme a re, “Jerusalema, wena ya tlepeditse moporofeta e mong le e mong!” Lemohang leemedi leo la botho, le a bona, “Jerusalema, Jerusalema, Ke ratile hakae. . .” Yena e ne e le mang? “Ke ratile hakae ho o bokanyetsa jwalo ka kgoho ditsuonyaneng tsa yona, wena ya tlepeditse moporofeta e mong le e mong eo Ke o romeletseng yena le ka mohla,” kereke eo e kgolo, Jerusalema.

²¹⁶ E seng Jerusalema e lefatsheng mona, “empa re ba Jerusalema wa Hodimo,” moo Lentswe le hlahang teng, ho tswa boitherelong-pele, le a bona. E seng Jerusalema wa mehleng ya timelang; Jerusalema e Motjha ya ke keng a timela. E seng Jerusalema wa mehleng ya hahilweng ke batho; empa Jerusalema e Motjha ya hahilweng ke Modimo, le a bona, Lentswe hodimo moo le bonahatswang jwale. “Meaho e mengata ka tlung ya Ntate wa Ka. Ke tla ya ho le lokisetsa yona,” Mmopi o etsa diterata tsa gauta, le jwalo-jwalo. Ke Yona e sa timeleng.

²¹⁷ “Jerusalema, Jerusalema, Ke ratile ha kae,” esale le ho tloha tshimolohong ya mehla; e seng Motho wa boraro, motho e mong o sele, empa, “Ke ne ke tla o bokanyetsa jwaloka kgoho ditsuonyaneng tsa yona, empa o hanne. Empa jwale hora ya hao e fihlile.” Le a bona?

“Moo Setopo se leng teng, ke moo dintsu di tla bokana teng.” Empa hoba setopo se pute, eba ke hona matlaka a bakanang. Le a bona?

²¹⁸ Lemohang. Moshe, ha a ka a nea bana ba Modimo. . . Moshe e ne e le ntsu, mme ha a ka a nea bana ba Modimo masalla a Noe. O ne a ena le Lentswe le letjha la Modimo. “Morena Modimo o kopane le nna lefelleng, mme a tiisa Lentswe la Hae, mme o nthometse tlase mona ho le ntsha.” Yaba ho tla baqopitsi kahohle ba e qopitsa. Le a bona? Empa o ne a ena le Lentswe la hora.

Hobane, Modimo o boleletse Abrahama, e leng yena ya neng a etseditse tshepisano, “Peo ya hao e tla jaka naheng e sele, dilemo tse makgolo a mane, empa Ke tla ba etela le ho ba ntsha ka letsoho le matla.”

219 Moshe a re, “Jwale, Morena Modimo o tla bua le nna le ho mpontsha, mme o mpoletse hore ke etseng, mme ke tla le bolella.” A re, “YA LENG TENG’ o nthomile.”

“YA LENG TENG!” E seng “Ya neng a le teng, kapa ya tlang.” “YA LENG TENG,” lekgathe lejwale, Lentswe la jwale. E seng Lentswe le neng le le teng, kapa Lentswe le tlang; Lentswe le leng teng jwale. Le a bona? Le a e utlwisisa? “YA LENG TENG!” “YA LENG TENG” ke Lentswe. “Lentswe le ne lele tshimolohong, mme Lentswe le ne le le ho Modimo.” Na ho jwalo? “YA LENG TENG.” “Modimo o nthomile jwalo ka moporofeta wa Hae, ho netefatsa ha hona e le nnete. Ke nna karabo ya Lentswe lena, o ntaetse ho tla mona le ho etsa hona.”

220 Mme yare ha a e etsa, Faro a re, “Ho lokile, re na le bongata bo ka etsang hono sehlopheng sa rona, le rona,” baqopitsi.

Jesu a re, “Jwale, seo se tla ipheta hape matsatsing a ho qetela,” le a bona, ba ipolela ntho e tshwanang. Hlokomelang hore ke mang ya theohileng pele. Hlokomelang ya ileng a dula le Lentswe. Ke moo. Ke ka mokgwa oo e ka tsejwang ka teng, ka baka leo le a bona.

221 Re a lemoha, Moshe ha a ba nea seo e neng e le sa mehla ya Noe, “Re tla haha areka jwale, hoba hoo ke Lentswe, le a tseba. Noe ka tsatsi le leng o ile a haha areka.” Tjhe, manong a ne a ja nthong eo. Tjhe, tjhe. Tjhe, tjhe.

222 Lena ke Lentswe la tshepiso. Lemohang, hobane molaetsa wa hae o ne a o fumane ho Modimo, o ne a tshwere Lentswe la sebele la Modimo le rerilweng-pele bakeng sa hora eo. [Moena Branham o kokota sefaleng makgetlo a mabedi—Mong.]

Le jwalo Jesu ha a ka a ba tekela masalla a Moshe. Moshe o ne a tshwere Lentswe la hora eo, empa Moshe e ne e le moporofeta. Mona ke Modimo ka bo-Yena, le a bona. Ha A ka a ba tekela Moshe—masalla a Moshe.

Empa shebang feela manong a neng a le mokgatlong oo, a ne a o ja ka meharo. “Re a tseba! Re na le Moshe! Ha ho hlokahale hore re ka ba le Wena.”

223 A re, “Ha le ne le tsebile Moshe, le ka be le tseba le Nna, hobane Moshe o ngodile ka Nna.” Oho, kgidi! Le a bona?

“Moo Setopo se leng teng, ke moo dintsu di tla bokana teng.” Dintsu! Lentswe le sa tswa hlajwa, Lentswe le tsositsweng le nontshitsweng, la bonahatswa mme la abjwa e le Dijo baneng.

Jwale, setopo sa kgale se rapaletseng moo ka dilemo tse makgolo, se tla dula moo.

Ho a tshwana le jwale! Luthere o ne a tshwere molaetsa wa pako; empa, lona sekgakgatha sa matlaka a Luthere! Baptise e

ne e tshwere molaetsa; empa, lona matlaka a Baptise! Le a bona? Pentekosta e ne e tshwere molaetsa; ke kena ka lapeng jwale, matlaka a Pentekosta!

“Empa moo Setopo se leng teng, ke moo dintsu di tla bokana teng.”

²²⁴ Hopolang, le ne le ke ke la fepa Moluthere, morao matsatsing ao (le ka kgona jwale), sebedu sa Katolike. Tjhe, monghadi. O ne a ena le nama e ntjha. E ne e le mongwaha wa kereke eo.

Le ne le ke ke la fepa Methodise, molaetsa wa Luthere. Tjhe, le kgale, o ne a sa batle sebedu seo. Se putile. Le a bona, Bophelo bo se bo tlohile ho sona mme bo kene nthong e nngwe e sele. Hoo ke tlhaka ya kgale e shweleng, morao kwana. Bophelo bo ntse bo tswela pele.

Le jwalo o ke ke wa fepa Monyaduwa Jesu Krete Bopentekosta. Tjhe, le ho leka! Mekgatlo e nyeunyang ke dibokwanantsi; ha ho letho le sebetsang! Tjhe, tjhe!

Hoba tshepiso ke ena, “Mme pele tsatsi le leholo le tshabehang le etla, Ke tla le romella moporofeta Elia. O tla busetsa pelo tsa bana morao Tumelong ya bontate hape.” “Ditshepiso tsena tsohle di entswe ka Bibeleng, Ke tla etsa hono, ke hona moo dintsu di tla bokana teng.” “Bohle bao Ntate a nneileng bona ba tla tla ho Nna.” Le a bona?

²²⁵ Jesu ha a ka a leka taba eo. Empa yare ha Jesu a etla, O fumane sehlopha seo sa manong. “Re na le Moshe le molao.” Le a bona? Ka mokgwa wa teng, e ne e le dijo tse monate morao kwana ha o ne o hlajwa le ho newa bona. Le a bona, hoo ho ne ho itoketse lekgatheng leo.

Empa se lekanyeditsweng ke Moshe, ka boyena, yena ya hlabileng sehlabelo, ha thwe, “Morena Modimo wa lona o tla hlahisa hara lona, hara bana beno, Moporofeta. Ho tla hlaha, e mong le e mong ya ke keng a kgomarela Moporofeta eo le see A se bolelang, o tla kgaolwa setjhabeng.” Mme ho ile ha etswa.

²²⁶ Bonang ka mokgwa oo diporofeto tse ka bang makgolo a tsheletseng tse fapaneng di phethilweng hantle moo, e leng tsa Testamente ya Kgale, ho Jesu Krete. “Ba hlabile matsoho a Ka le maoto a Ka.” Ka mohlomong, ke lebala hore ke tse kae tse ileng tsa phethahatswa dihoreng tsa ho qetela tse supileng kapa tse robedi tsa Bophelo ba Hae, tsohle tseo baporofeta ba di boletseng, ka ho phethahala.

²²⁷ Ha nka porofeta kajeno ntho e itseng e tla etsahala selemong ho tloha jwale, ka mohlomong ke na—ke na le monyetla wa diperesente tse mashome a mabedi tsa yona ho etsahala, e leng hore e nepahetse kapa e fosahetse. Mme ha nka lekanya hore taba eo e tla etsahala, mme ke sa ka ka bolela

neneng, ke na le persente e nyenyane ho feta. Ha nka lekanya nako eo e tla etsahala ka yona, ho nnea moedi o monyenyane. Ha nka lekanya sebaka see e etsahalang ho sona, e sa ntse e nea moedi o monyenyane ho feta. Ha nka lekanya . . . motho eo e tla ba hodima hae, eba le hona ke sa na le karolo ya nngwe diketeng tse lekgolo ya moedi ho ka etsahala le ka mohla, haeba e sa nepahahala.

Mme Lentswe le leng le le leng, hallelua, le neng le ngodilwe mabapi le Messia eo, le ile la tlatswa ka ho felella. Hona esita le tsatsi le leng, ha a ntse a bala Mangolo, A emisa hantle mahareng a polelo, mme a re, “Moya wa Modimo o hodima Ka ho bolela Evangedi, le ho lokolla . . .” Yaba o emisa hantle moo mahareng a polelo, hoba karolo yohle e setseng e ho Tleng ha Hae kgetlong la bobedi. Amen! “Mahodimo le lefatshe di tla feta; Mantswe a Ka a ke ke.” Le a bona?

²²⁸ Yena e ne e le Lentswe nakong eo, le neng le ba fepa lekgatheng leo. Moshe o ba boleletse Nnete; empa, le a bona, kamehla ba ye ba etse mokgatlo wa phutheho kaha yona, e le hore manong a tle a . . .

Ho ba le lethonyana la Lona le salang hoba dintsu di je mme di ye lapeng. Mme ebe di emela ho bona ntho e nngwe esele. “Lentswe,” ba ye ba re, “mokgwa oo Le tlamehileng ho tla ka wona ke ona. Re bile le karibou maobane; re tla ba le nku hosasane.” Le bona see ke se bolelang? “Ho na le setopo sa kgale sa karibou tlase mane, se dutlisang mathe, empa kajeno re ne le nku e tla latela. E ho kae?” Le bona see ke se bolelang? Dijo tsa Mangeloi! Batho ba jeleng manna ka tsatsi le leng, ha ba ne ba ka leka ho a beela letsatsi le latelang, a ne a senyeha. Na ke hore ha le bone dipapiso tsohle na, kamoo ho phethahetseng? Ho a tshwana le jwale!

²²⁹ Lemohang, manong a nako ya Jesu le ona a ne a leleka matemona; ba tlotsitsweng setopong sa kgale. Na ho jwalo? Ba ne ba leleka matemona. Jesu o itsalo.

Mme hopolang, ba ne ba ena le baporofeta matsatsing ao. Moprsta e moholo, Kaiafa, o ile a porofeta. Ke ba bakae ba tseng taba eo? Kaiafa o ile a porofeta. Lemohang madulo a lehola tshimong; le nosetswa ke tlotso e tshwanang. Hobaneng ha Bible e boletse hore o porofetile? “Hoba e ne e le moprista e moholo selemong seo.” Mofiela-mmila ya bodileng, lehola le tshehlo, le dutse hara Koro; empa Moya o ne o le hodima hae, Moya wa sebele o Halalelang wa Modimo. Moya o Halalelang wa Modimo o ne o le hodima hae, ho rera, ho porofeta, le ho e bolela e sa le pele ho etsahala; mme a latole le ho thakgisa lona Lentswe le netefaditsweng la hora.

Oho, mohau, moena! Re tla lokela ho bolela dintho tsee ho isa hokae, le a bona, re tla feta Mangolong hakae? Ke tla

potlaka. Ke na le maqephe a ka bang leshome mona, a Mangolo, kamoo a tiisang tsohle. “Letsatsi le tjhaba hodima ba lokileng le ba kgopo, ka ho tshwana.”

²³⁰ Jesu o boletse, ho tiisa hona. “Ha Nna ke leleka matemona ka monwana wa Modimo, bana ba lona baa leleka ka mang?” Jwale, ba ne ba leleka matemona. Ba ne ba porofeta. Na ho jwalo? Empa ba hloleha ho Mo lemoha ho beng Lentswe la hora, (hobaneng?) hobane A ne a sa ikopanya le bona.

Jwale nkang Matheu 24:24, “Bokreste ba bohata,” ba tlotsitsweng, “ba tla hlaha, mme ho tla ba le baporofeta ba bohata ba e porofetang,” le a bona, “mme ba tla thetsa le bona Bakgethwa hola ke ntho e ka etswang.” Le a e fumana jwale?

²³¹ Lemohang bana. “Ke mang eo bana. . . Ha Nna ke leleka batemona ka Lentswe la Modimo,” e leng hore, E ne e le Lentswe la Modimo, “bana ba lona ba mekgatlo ya diphutheho baa leleka ka mang?” Jwale, mme ke Modimo feela ya ka lelelang diabolosi, re tseba hoo, Modimo feela. Hobane, monna senatla o loketse ho feta ya ka tlung ya hae ka matla. Ba ne ba ena le matla a ho e etsa.

Le a tseba, Ditshenolong mane, o boletse hore o tla. . . hore antikreste eo ya hlahleng matsatsing a qetello, “O ile a etsa mehlole le meeka, e thetsitseng esita le bona baahi ba lefatshe, mme a thetsa e mong le e mong wa bona, Bakreste le bohle, bao mabitso a bona a sa kang a ngolwa Bukeng ya Bophelo ya Konyana,” karabo ya Matheu 24:24, “bao mabitso a bona a sa kang a ngolwa Bukeng ya Bophelo ya Konyana e sale ho thewa lefatshe.”

Bophelo boo bo neng bo le motsong oo wa—wa sefate seo sa sebele sa lamunu, bo nyolohileng ka melamunu eo yohle le ntho e nngwe le e nngwe, mme ba feta jwalo le ho bea tholwana hlorong ya sefate, hodima dithupa tsohle tsa mekgatlo ya diphutheho le makala. Le e tshwere? Ke tla potlaka. Monna wa senatla. . .

²³² Hopolang Davida jwale, o na tshepahetse, a le mahlonoko, a leka ho etsetsa Modimo mosebetsi, mme a sa abelwa ho o etsa.

“Bona,” ba tlotsitsweng; empa Jesu a re, “Ba ruta Thuto eo e leng ditlhaloso (tsa Mangolo) tsa batho,” le a bona, e seng Lentswe la Modimo, e seng Lentswe la Hae le netefaditsweng; ka ho ruta Krete wa histori, le a bona, ntho e itseng e neng e le teng.

Mme Bible e boletse, “Ke Yena.” “YA LENG TENG,” e seng “Ke ne ke le teng kapa ke tla ba teng.” “Ke Nna hona jwale.” Ke Yena Lentswe leo le phelang ka mona.

O ne a le teng, tshimolohong, O ne a le. . . O ne a le ka—ka diqobeng; O ne a le dikwasenyaneng; O ne a le lekgapetleng; empa jwale O kahara Hlaku.

233 Jwale, o kgutlela morao le ho leka ho phela hape? Ho ka thweng hola Bophelo boo bo ne bo ka ya morao, ha o hopola Bophelo boo bo (fetileng) ha bo ne bo ka bua le ka mohla, ba kgutlela morao hoba lekgapetla leo la kgale le omelle, bo ka kgutlela morao mme bo phele hape ka ho lona le ka mohla? Le ke ke. “Hoba ha se ntho e ka etswang ho bao ba seng ba kile ba bonesetswa,” mme ba sa ka ba tswela pele le Lentswe ha le phethahala, “ba shwele, ba ile; mme meutlwa le tsheshlo tse yeng di lahlwe, taba ya tsona ya pheletso ke ho tjheswa.” A na ho jwalo?

Jwale ke tla potlaka ka moo nka kgonang.

234 Lemohang Lengolo jwale. Ba ruta Modimo wa histori, le a bona, jwalo ka hoja ba leka ho phela morao kwana, jwalo ka, “Ka mokgwa wa teng, Wesele o boletse *ho-itseng-le-ho-itseng*. Kapa, *Sekete-kete* o boletse *ho-itseng-le-ho-itseng*.” O latola Lentswe le tshepitsweng la letsatsi, Manna a tsebahaditsweng ka ho hlaka a letsatsi. Ba leka ho tshela veine ya bona ya kgale ya Luthere, Baptise, Pentekosta makukeng a rona a matjha. E ka se sebetse. Mme Veine ya rona e ntjha, makukeng a bona a kgale, e ke ke ya sebetse. Ha ba ka leka ho tshela Veine ena e ntjha mokgatlong wa phutheho, bowatla ba bona bo a bonahatswa. Ba ke ke ba e etsa. E tla e phatlola.

235 “Jwale, moena, ke bone Lentswe la Modimo, ka ho phethahala ka Lentswe!”

“Jwale, sheba mona, Ngaka, haeba. . . Rona—rona re ka se be le Hono.” Ned, ke lekanya hore ha se kgale haholo ha le be le ena le hono. “Rona, re ke ke ra e ba le Hono mona jwale. Nka—nka kgetha hore ka mohlomong o nne o tswelle.” O a tseba. Le a bona, e ke ke ya sebetse. E a phatlola.

“Ha le ke le rokella sekotwana se setjha sa seaparo seaparong sa kgale, hoba o tla se tabola.” Le a bona? Na Jesu ha a ka a rialo? O ke ke wa tshela Veine e ntjha makukeng a kgale. E a phatlola. Veine e ntjha e na le Bophelo ho yona. Ho lokile.

236 Lemohang ntho e nngwe mona, ka potlako ruri jwale, re sa phethela. . . puo ya rona. Lemohang Tshenolo 16:13 ho ya ho 14, haeba le batla ho le ngola fatshe. Ka mohlomong nke ke ka ba le nako ya ho ya ho lona. Ke batla hore le kgodisehe mme le e bone. Jwale hlokomelang, mona ke modumo pakeng tsa Nkgo ya Botshelela le ya Bosupa.

237 Jwale re tla—re tla kwala feela motsotsong, ha le ka mamella feela metsotso e mmalwa ho feta. Ho kwaleng jwale.

238 Lemohang. Tshenolo 16:13 ho ya ho 14, pakeng tsa Nkgo ya Botshelela le ya Bosupa, “Meya e ditshila e meraro e kang dihoho” (na le kile la lemoha hoo?) “e tswile molomong wa motho ya itseng.” Jwale lemohang, ka potlako. Na le itokisitse? E reng, “Amen.” [Phutheho, “Amen.”—Mong.] Boraro ba meya!

239 Jwale moena mokgatlo wa phutheho, dula moo o leng teng motsotso feela. O se ke wa ema mme wa tswa ka phaposing, wa tjetjhella morao moo seyalemoyeng sena, kgokahanong ena ya mehala. O se ke wa kwala sehatisamantswe sa hao. Dula ntle le ho sisinyeha motsotso feela, mme o mamele. Ha o tswetswe ke Modimo, o tla etsa jwalo.

240 Boraro ba dihohwana! Sehoho ke phoofolo e shebang morao kamehla. Le ka mohla ha se ke se sheba moo se yang teng; se sheba moo se tswang teng. Le a bona? Na ha le bone? Thuto ya boraro e tswetswe ho kae? Hopolang, “meya e ditshila e meraro,” meya e bonngweng. Na le a e utlwisisa? [Phutheho e re, “Amen.”—Mong.]

241 Lemohang, ba sheba morao Lekgotleng la Nisea moo thuto ya boraro e tswetsweng teng, e seng ka Bibeleng. Ha ho ntho e jwalo. Ba sheba morao Lekgotleng la Nisea mane Nisea, Roma, moo boraro bo tswetsweng teng.

Lemohang moo di tswang teng. Lemohang. Mme boraro ba dihoho bo hlahile borarong ba kgale, ba tswala boraro bo botjha, mma bona. Bo hlahile kae? Boraro, “drakone,” le a bona, “sebata,” le “moporofeta wa bohata.” Boraro, bo botjha. Hobane dihoho tsee di hlahile neng? Di entse jwalo neng? Lemohang, e sa le di le teng kamehla, empa ha di a ka tsa bonahatswa ho fihlela pakeng tsa Nkgo ya Botshelela le ya Bosupa, pejana feela ho manollwa Ditiiso ho e senola.

“Hobane Molaetseng wa lengeloi la bosupa, diphiri tsa Modimo di tla tsejwa,” dintho tsena tsohle tsa thuto ya boraro, le dikolobetso tse fosahetseng, mme ntho e nngwe le e nngwe e ne e tla tsebahatswa. Modimo o re thuse ho bona see e leng Nnete! Mme re sa nahane hore ke motho ya itseng ya lekang ho bolela taba e itseng ho . . .

242 Nka utlwa moya oo o hlabehelang Hono, le a bona. Ha ke bue ka nna, moena. Ke bua ka Lengeloi la Morena le ka diahelong. Ke nnete ruri.

243 Lemohang, boraro! “Drakone,” ke ba bakae ba tsebang hoba drakone e ne e le eng? E ne e le Roma. “Drakone ya ema pela mosadi hore e tle e je ngwana hae ha a se a mmalehile.” Ho jwalo na? “Sebata” se bolelang Bibeleng? Matla. Ho lokile. “Moporofeta wa bohata, moporofeta wa bohata,” motlotsuwa, wa bohata. Le a bona?

244 O qadile hokae? Mona ke “moporofeta wa bohata,” bonngweng. “Moporofeta wa bohata,” mopapa wa ho qala; mme ho tswa moo ha hlaha “sona—sona seotswa, le mma diotswa,” ntho eo yohle.

Boraro ba bohata bo ne bo se bo ntse bo hlaha; e seng matsatsing a ho qala, bo ne bo sa tlo bonahatswa matsatsing a ho qala, bo tswelletse jwalo le ona. Empa nakong eo Ditiiso tse

Supileng di tlang, mme di manolla diphiri tseo le ho di senola; ke yona nako eo “dihoho, meya e ditshila e meraro e kang dihoho, e hlahang ho iponahatsa,” thuto ya boraro kgahlano le Nnete. Le a bona? Hee!

Le bona moo e hlahang teng? Le bona moo e kgutlelang teng hape? Mokgatlo wa Dikereke wa Lefatshe. Bohle ke baena, leha ho le jwalo; meya e tshwanang, ntho e tshwanang.

Mme hlokomelang. Ho thetsa hakakang, ka ho etsa mehlolo! Mme ana ke matemona a yang medimong yohle ya lefatshe, ka ho etsa mehlolo, ho ba thetsa letsatsing la qetelo, mme a tla atleha ho etsa jwalo. Modimo o itseng mabapi le moya oo o ditshila?

Wa re, “Ke tla theoha mme ke dule molomong wa baporofeta bao mme ke etse hore ba porofete leshano, ho etsa hore Akabe a tle a tswele moo ho timetswa.”

²⁴⁵ Modimo wa re, “Tsamaya. O tla atleha. O tla kgona ho etsa hore ba le dumele. Ha ba dula Lentsweng leo, le ho qala feela.” Le a bona? “Tsamaya, hoba o tla kgona ho mo kgodisa. Ke wena ya tla etsa jwalo, ha o kena baporofeteng bao ba bohata, hobane o ba tshpile ruri. Mme ha a tsebe le letho ka Lentswe, le hona a ke ke a leka ho ithuta Lona. A ke ke a e etsa, hobane ke moutlwa, le ho qala.” Le a bona? Le a bona? “O tla atleha.”

²⁴⁶ Shebang mona dihohong tsena tsa bohata, tse shebang morao, “Kgele, le tseba se ba se buileng morao mane Nisea?”

Ha ke kgathalle seo ba se buileng, moo Nisea. Ke bua see ba se boletseng hodimo mona Teroneng ya Modimo; tse yang ho hlaha, e seng tse fetileng; tse tlang ho hlaha, hoba ke Yena “YA LENG TENG.” Le a bona?

“Bohata.” Shebang taba eo. Hee! Lemohang moo di hlahang teng.

²⁴⁷ Jwale mamelang ka hloko. Re bona ka ho hlaka, ka morao hoba Ditiiso tse Supileng di manollwe, tse tlang ho senola sephiri seo. Boraro boo ke eng? Le a bona? Ke hokae moo e kileng ya bitswa boraro le ka mohla? Le a bona? Ke hokae moo Bible e kileng Ya bolela lentswe boraro? Ke hokae moo ho neng ho ka ba le Medimo e meraro, mmo re ka kgumamelang Medimo e meraro ntle le hore re be bahetene?

Ba arohane jwang, ha Yena a itse, “Nna le Ntate re Bang”? “Ha le sa dumele hobane Ke Yena, le tla shwa sebeng sa lona, le a bona, ho se dumeleng ha lona.” Sebe ke ho se dumele. “Le tla shwa ho se dumeleng ha lona.”

Oho, le Mpitsa mang, le re Ke hlahile kae,
Oho, na le tseba Ntate, kapa le ka bolela
Lebitso la Hae na?

KE NNA Rose ya Sarone, Mphatlalatsane
Naledi e Kganyang.

Na le ka mpoella hore na Ke Mang?

KE NNA ya buileng le Moshe hlahleng se
tukileng sa Mollo,

KE NNA Modimo wa Abrahama,
Mphatlalatsane Naledi e Kganyang.

KE NNA Rose ya Sarone, oho, le re Ke hlahile
hokae;

Oho, na le tseba Ntate, kapa le ka bolela
Lebitso la Hae na? (Amen!)

KE NNA Alfa, Omega, Qalo le ho isa
Qetellong;

KE NNA hloleho yohle, mme Jesu ke Lebitso
la Hae.

²⁴⁸ Ho nepahetse. Ha ho boraro! Tjhe, monghadi. Ke taba ya bohata.

Ditiiso tse Supileng, tse manollang diphiri tseo tse “loketseng ho phethwa,” di a bonahala. Tiiso e manolohang; e a kunutolla, e a bontsha, e hlakisa Dinnete tse patilweng tseo Ditiiso di nnileng tsa di pata dilemo tsena tsohle, dikerekeng tseo tsohle le mekgatlo ya diphutheho.

“Seotswa se seholo,” sa Tshenolo wa bosupa-. . . E ne e le mang? Empa ke “MMA DIOTSWA,” hape. Le a bona?

²⁴⁹ “Jwale, o ba bitsitse ‘manong,’” o ka rialo, “Moena Branham.” Ke nnete.

Empa, hopolang, lenong ke nonyana. Le tlotseditse ho fofa, le lona. “Meya e mebedi e tla bapa hoo ho ka thetsang Bakgethwa.” Lenong le lekana le—le ntsu ka boholo. Le ka fofa jwalo ka ntsu eo; mme le tlotseditse ho fofa, kapa ho rera, kapa ho porofeta, lemoha, jwalo ka ntsu. Empa le ke ke la latela ntsu bophahamong. Tjhe, tjhe. Ha le ka leka ho latela ntsu, bowatla ba lona bo tla bonahatswa. E monghadi. Le ke ke la latela ntsu.

Kgidi, le ka nna la re, “Ke dumela ho Jesu Krete ho beng Mora wa Modimo. Ke dumela Modimo Ntate, Ya Matlawohle, Mmopi wa mahodimo le lefatshe; Jesu Krete Mora wa Hae, le jwalo.” Oho, ehlile, ba ka etsa hono. Empa ka ho beng ha Hae maobane, kajeno, le ka ho sa feleng? Le a bona?

²⁵⁰ Ntsu ke nonyana e bopilweng ka mokgwa o ikgethileng. Ha ho ntho e kang yona, lefatsheng. Le a bona? E—e. . . Ha letlaka le ka leka ho e latela, kapa nonyana efe feela esele, e ne e tla tjhwatleha. Bowatla ba yona bo ne bo tla bonahatswa, ehlile bo. E ne e tla phatloha ha e ne e ka leka ho tshela Veine e ntjha lekukeng la kgale. Le a bona, le ne le tla phatloha. Le ne le tla tjhwatleha. Ha le a bopelwa, ha le a. . . Mmele wa lona ha o a bopellwa mmoho ka dinama tse ka kgonang ho e boloka hodimo mane. Ha e fihla dibakeng tse kgolo tseo hodimo kwana, haeba e

sa ka ya bopjwa, ya abelwa, ya rerelwa-pele, ya tswalwa e le ntsu, e tla robeha dikoto. Le a bona? Masiba a ne a tla hlotheha dipheyong tsa lona, mme le ne le tla wela fatshe. Ehlile. Le ke ke la latela ntsu, bophahamong. Ha le ka leka ho etsa jwalo, bowatla ba lona bo tla bonahatswa. Ke nnete. O ke ke.

²⁵¹ Hobaneng? Le ke ke la bona hakaalo ka ntsu. Ho thusang ho leka ho qhomela hodimo haholo, mme o sa kgone ho bona moo o leng teng ha o le hodimo kwana? Mme ha le ka leka, esita le ho leka ho etsisa ntsu ena, bophahamong, le fofala hoo le sa tsebeng taba tsa lona. Ke nnete. Le a hweletsa, mme le a meketsa, le itshware ka-hore-le-hore; empa le bolelle Lentswe, moshaana, ke hona moo bohanya ba hae bo bonahatswang.

Bua le yena ka kolobetso ya Lebitso la Jesu Kreste, kapa, ho beng ha Hae yena maobane, kajeno, le kamehla, tsohle-tsohle ka mokgwa oo, mme o mo bolelle. "Tjhe, oho, jwale be butle hanyenyane!" Le a bona? Kgidi, yaa, ke ao masiba a hae a e wa. Le a bona, o mpa a nkehile hodimo kahohle, mme a porofeta, mme a leleka matemona, mme a bua ka dipuo, mme a howa, le ho tswella ka mokgwa oo, a mathela hodimo-le-tlase ka mokatong. Empa a se ka ka ba-ba leka ho latela hodimo Mane; hobaneng, o tla tsebahatswa ruri.

Leha a mpa, a abetswe hona. O tlotsitswe. A ka fofa. A ka kgona ho itekatekanya, a nyolohele mono, empa e seng. . . ho fihlela bohole bo bokaalo feela. Le a bona, a ka ja sebedu, empa a ke ke a ja Nama e ntjha e tswang Teroneng.

O foufetse. O ferekane, empa ha a tsebe se mo ferekantseng. Le a bona, wona Moya oo o tsholohetseng hodima hae, jwalo ka pula, ho mo etsa koro; le qalong e ne e se koro. O a phatloha. "Kgidi, nka se kgone ho. . . Kgidi, tjhe, monghadi! Ke a tseba Ngaka Jones o itse. . . Ho lokile, tswela pele. Le a bona? Tswela pele, ha o batla.

²⁵² Tjhe, lemohang, ha a tswalwa, leha e le ho bopelwa, kapa ho rerelwa-pele, ho ba mofuta oo wa nonyana. A ka nna. . . Ke. . . ekaba lemone e melang sefateng sa lamunu, empa le ka mohla ha a tswe metsong. Ke ntho e itseng e ekeleditsweng. Mme ba phahama hakana mekgatlong ya bona ya diphutheho hoo ba sa kgoneng ho bona Lentswe la Modimo le rerilweng-pele le netefatswang, eba bowatla ba bona bo a bonahatswa. "Oho, taba tseo, Sedikadikwe hodima hloho, le tsohle, oho, Ke dithole." Le a bona? Bo a tsebahala.

²⁵³ Ha a bopelwa ho bona bohole bo bokaalo. A ka kgona ho bona bohole boo diborele tsa hae tsa mekgatlo wa phutheho di ka mo dumellang ho sheba. Empa, ka morao ho moo, o foufetse jwalo ka mangane. Ke hona moo bowatla ba hae ho tsebahalang. Le a bona? Ke hona moo ntsu ya nnete e dulang teng ho ja. E, monghadi. Ke hona moo dintsu tsa nnete, tse

kgethylweng di bonang see a leng sona. Ha a sa kgone ho nka Lentswe leo, hona moo ba a tseba hore ke lenong la mokgatlo wa phutheho.

²⁵⁴ Hobaneng, hobaneng a sa kgone ho fofa? Hoba, sheba seo a na ntsa se ja. O na ntsa ja sebofung sa mokgatlo wa phutheho. Hoo ho ke ke—hoo ho ke ke ha mmopela mmele wa moya, ho ke ke ha mmea boemong bo kwenneng ba semoya, ka mantswa mang, ho mo phahamisetsa hodima diphapano tsa mokgatlo wa phutheho. Le a bona? Le a bona, o na ntsa ja dintho tse bodileng; mmele wa hae o bopilwe ka ntho tseo. A ke ke a nyolohela hodimo mane moo Manna a matjha a nkelang ntsu eo. A ke ke a etsa jwalo ho hang. Le a bona?

²⁵⁵ Hoo ho phetha Matheu 24:24. Le a fofa, le qhomela hodimo sebakeng, le otlanya dipheyo tsa lona, empa ha le kgone feela ho phahama ka ho lekana. Le a bona? Ke nnete. Le a bona, a ke ke a ya, ha a kgone ho fihla bophahamong bo lekaneng ho ka fumana Manna ao a matjha. A ka kgona ho ja manna a kgale a mona mobung, pela ya kgale e shweleng e hatilweng nako ya beke morao kwana, le kgwedi morao kwana, kapa dilemo tse mashome a mane tse fetileng, seputa. A ka kgona ho ja hoo, mme a je ka meharo feela, a kakatletse le ho itlatlarietsa, le ho itshwara jwalo, a qhomele hodimo mme a fofa jwalo ka ntsu e nngwe. Le tlotsitswe, jwalo ka nonyana e nngwe.

Mme ke mofuta wa ntsu, e letlaka. Re tseba hono. Ehlile e, empa le ke ke la latela ntsu eo ya sebele. Le a bona? Le ke ke la etsa jwalo. Tjhe, monghadi. Mmele wa lona ha o a bopelwa; le ne le ntse le ja nama e sele e bodileng, le a bona, mme e ke ke ya. . . e ke—e ka ke ya e ba Nama e ntjha, Manna a matjha. E tla ba ntho e itseng eo Luthere a e boletseng, Wesele a e boletseng, kapa Ngaka *Sekete-kete* a e boletseng. E ke ke ya ba mabapi le seo Jesu a se buileng bakeng sa hora ena.

²⁵⁶ A re yeng jwale, ho kwaleng. Ba tlotsitsweng, “Bokreste,” matsatsing a qetelo, empa “baruti ba bohata le moporofeta wa bohata.” Lemohang ka mokgwa oo e hlolang! Jwale ke batla hore le bapise; ha re na nako ya ho e bala, Matheu 24:24 le Timothea wa Bobedi 3:8.

Matheu 24:24 e boletse, matsatsing a ho qetela, le a bona, “Ho tla hlaha Bokreste ba bohata,” batlotsuwa, ba bohata, “baporofeta ba bohata, mme ba tla bontsha mehlolo le meeke,” hantle feela jwalo ka Wa nnete—Wa nnete, “mme ba tla—mme ba tla ka thetsa le bona Bakgethwa.” Jwale lemohang, ke Jesu eo ya neng a bua.

²⁵⁷ Paulosi ke enwa a etla, hantle ka morao ho Yena, mme a re, “Jwale, matsatsing a qetelo, ho tla hlaha batho ba nang le borapedi, le a bona, ba nang le sebopeho sa borapedi. Mme ba tla hapa basajana, ba kenweng ke ditakatso tsa mefuta tsa lefatshe.”

Mme ba ipotsa, ba re, “Hobaneng o qoholla basadi bao feela?” Oho, jo nna. . . Ha ba kgone le ho E bona.

“Ba tla hapa basajana, ba kenweng ke ditakatso tse ngata,” tlohang dinthong tse jwalo ka. . . tsa. . . Le a bona, “Mme jwaloka ha Janese le Jambrese. . .”

Matheu 24:24, “Bokreste ba bohata,” ba tlotsitsweng, ba bohata, ba etsa mehlolo le meeka ho thetsa Bakgethwa.

“Jwale jwalo ka ha Janese le Jambrese ba hanetse Moshe, le bakwenahi bana; ba dikelello di bodileng ka nqeng ya Tumelo.” E seng tumelo “feela.” “Tumelo!”

“Tumelo e nngwe, Morena a le mong, kolo- . . . e le nngwe.” O ke ke wa ba le “Tumelo e le nngwe” ntle le ho dumela ho “Morena a le mong.” O ke ke wa ba le dikolobetso tse pedi, mme e nngwe e se ya Ntate, le Mora, Moya o Halalelang. “Kolobetso e le nngwe,” Jesu Kreste. Ke nnete. Le a bona, kolobetso ya bohata!

²⁵⁸ Lemohang, a bapise mmoho jwale ha o fihla lapeng. Lemoha Matheu 24:24, ke Jesu ya buang; Paulosi, Timothea wa Bobedi 3:8; a mang a mangata. Mme jwale a bapise.

²⁵⁹ Mme hape ngola Lengolo le leng, Luka 17:30, Malakia 4.

“Jwalo ka ha Janese le Jambrese ba hanetse Moshe,” Lentswe la hora le tlotsitsweng, “le banna bana,” e seng monna, “banna,” batlotsuwa, “ba hanela Nnete.”

²⁶⁰ “Tsatsing leo Mora motho a tlang ho senolwa ka lona.” Tshenolo 10:1 ho ya ho 7, e bale ha o fihla lapeng, “Molaetsa wa lengeloi la bosupa, o manollang Ditiiso.” Ke eng? Ha ho bolele ho-re lengeloi ke Mora motho; empa morumowa o senola Mora motho. Le kgona ho di arola jwale? Ke hona moo e bonahalang e le thatafalla teng, le a bona. E seng Mora motho, ka Sebele; empa lengeloi la bosupa, morumowa wa bosupa, o senola pontsheng ya bohle Mora motho, hobane E tlohetse lekgapetla. A ke ke a E hlophisa. Ke Hlaku, Boyona, hape.

“Mme tsatsing leo, Janese le Jambrese ba tla hanetsa,” ba tlotsitsweng (baikaketsi le bomosadumeleng, kereke e fofo le Mapentekosta) ba tla ema kgahlano le Hlaku ya nnete, “empa ba tlheleng; bowatla ba bona bo tla bonahala, jwalo kaha ba bao bo bonahetse.” Le a bona? Le a utlwisisa jwale? [Phutheho, “Amen.”—Mong.]

²⁶¹ Tshenolo 10, e boletse, “Matsatsing a ho letsa ha lengeloi la bosupa.” Jwale hopolang, bosupa, Mongwaha wa Kereke ya Laodisea. “Ho letsa ha lengeloi leo,” ha mongwaha oo o se o entse mokgatlo wa phutheho mme o fetohile mongwaha wa kereke, ha o se o le mokgatlong wa wona wa Pentekosta; ha morumowa wa. . .

Morumowa e mong le e mong e ne e le eng? Martin Luthere e ne e le eng? Kgalemelo ho Katolike. Wesele e ne e le eng?

Kgalemelo Maluthereng ao. Pentekosta e ne e le eng? Kgalemelo ho bao bohle. Bophelo bo ile kae jwale? Hole le mokgatlo. Ha ho sa le lekgapetla; ke Hlaku. Ke eng? Kgalemelo ho Pentekosta, le a bona, ho tlatsa Lengolo la hora ena. Le a bona?

²⁶² Lemohang, hona tsatsing leo morumowa enwa... E seng nakong eo a qalang, empa nakong eo a qalang ho bolela Molaetsa wa hae. Le a bona? Kgulo ya Pele, phodiso; Kgulo ya Bobedi, boporofeta; Kgulo ya Boraro, manollo ya Lentswe, diphiri tsa senolwa. Ha ho sa na, ha ho sa le boemo bo phahameng ho feta ho ka senola Lentswe, ntle le baporofeta. Empa mokgwa o le mong feela oo moporofeta a ka netefatswang ke ka Lentswe. Mme, hopolang, Kgulo ya Boraro e ne e le manollo ya Ditiiso tseo tse Supileng, ho senola Nnete e patilweng e neng e tiiseditswe ka Lentsweng. Na le a e bona? [Phutheho e re, "Amen."—Mong.]

Ho jwalo he, tsatsing leo ntho ena e tla etsahala, hore Janese le Jambrese, baikaketsi, ba tla hlaha hape. Jwale kaha ba entse ha Moshe a ne a hlaha ka Lentswe la tshimoloho, ho bolela Hona; ba hlaha, ho Le etsisa. Hantle feela. Jwale le bona seo Matheu 24:24 e leng sona? Le a bona, ba tlotsitsweng!

²⁶³ Jwale ho na le dintho tse tharo tseo re tla di bolela pele re kwala. Ke ena. Ke batla ha le ka mamela ka hloko jwale re sa kwala. Dintho tse tharo, hopolang, dintho tse tharo di phethahaditswe. Dintho tse tharo di robetse ka pela lona hona jwale.

²⁶⁴ Pele. Lefatshe le maemong a Sodoma. Jesu o boletse hore ho tla etsahala. Shebang kgopamiso; basadi ba rona ba lehang ho etsisa banna; banna ba rona ba lehang ho etsisa basadi, ba sadifetse; ba bodile, ba ditshila, ba tlase-tlase, ba kenwe ke matemona, mme ha ba e tsebe. Bible e boletse hoba hoo ho tla etsahala, mme ke hona hantle moo e leng teng.

²⁶⁵ Sa bobedi. Ke horeng eo, ho latela Lengolo mona, moo Janese le Jambrese ba hlahang. Sa bobedi.

²⁶⁶ Sa boraro. Ke horeng yona eo moo Mora motho a loketseng ho senolwa.

²⁶⁷ Modumedi wa lona ke eo, moikaketsi wa lona, le mosadumeleng wa lona. Ho na le Lentswe le hlwekileng le emeng ka thoko, le netefatswa; moikaketsi ke eo ya Le etsisang; mme mosadumeleng ke eo ya nyedisang ntho eo yohle.

Empa Lesedi le tla ba teng nakong ya
mantsiboya,
Tsela e yang Kganyeng le tla e fumana ruri.
(Na ho jwalo?)

Ditjhaba di a thothomela, Iseraele ya phaphama,
 Dipontsho tseo Biblele ya rona e di boletseng pele;
 Mme matsatsi a Baditjhaba a badilwe (Sodoma), ka koduwa tse phophothang;
 Orohang, O ba hasaneng, habo lona.
 Tsatsi la topollo le haufi,
 Pelo tsa batho di hloleha, tshabong ena;
 Tlalang Moya wa Modimo, lokisang mabone a lona a hlake, (le tle le bone Lentswe la hora,)
 Lelalang, topollo ya lona e haufi!
 Baporofeta ba bohata ba thetsa, (ho boletswe hore ba tla ba mona; batlotsuwa), Nnete ya Modimo ba e latola,
 Hore Jesu e leng Krete ke Modimo a rona.

Ke hore, ha ba E dumele. Biblele e boletse hore ho tla ba le ntho e jwalo mona. Ke ena moo e leng teng!

Empa re tla tsamaya moo baapostola ba hatileng. (Lesedi le tshwanang! "Mme a busetse Tumelo ya bontate baneng.")
 Tsatsi la topollo le haufi, haufi hona,
 Pelo tsa batho di hloleha ke tshabo; (lefatshe le hohlomela kahare);
 Oho, tlalang Moya wa Modimo, lokisang mabone a hlake.
 Lelalang, topollo ya lona e haufi.

Le dumela hoo? [Phutheho e re, "Amen."—Mong.] A re inamiseng dihloho tsa rona he.

²⁶⁸ Ntle kwana moo Molaetsa o yang, ho tloha Lebopong la Botjhabela ho ya Bophirimela, ho tloha California ho ya New York, tlase Borwa, hodimo Leboya, ntle mafatsheng a boromuwa, le hohle feela moo O yang teng, le ka Tabernakeleng ena. Re bafutsana. Re hloka dintho tsen a tse kgolo, tse phahameng, tse babatsehang, le dikgaso tsa thelebishene. Re mpa re leka ho etsa hantle ka bokgoni boo re ka bo fihlelang. "Empa bohle bao Ntate a Nneileng bona ba tla tla."

²⁶⁹ Jwale, ke batla ha le ka tseba hore hona ho tiile, le lona ba mamelang teipi ena. E ka nna yaba le nahanne kajeno hore ke lekile ho bolela taba eo ke lekanya nna, kaha ke ile ka jara Molaetsa wona. Ha ho seo nka se etsang ka Wona le letho, ha se le letho haese lentswe feela. Mme, lentswe la ka, ekasita ho le kgahlano le dikakanyo tsa ka tse ntle; ke ne ke ratile ho ba motho ya tjhehang. Empa ke thato ya Ntate wa ka ha ke bolela ho etsa hona, le ho ikemisetsa ho ho etsa.

Ha se nna Ya hlahileng tlase nokeng; ke mpa ke ne ke eme moo ha A ne a hlaha. Ha se nna Ya etsang dintho tsena le ho bolela e sa le pele dintho tsena tse etsahalang ka ho phethahala kamoo di leng ka teng; ke mpa ke le ya haufi ha A di etsa. Ke mpile ka ba feela lentswe leo A le sebedisitseng, ho O bolela. Ha se ka seo ke se tsebileng; ke mpa ke ile ka ineela feela ho, hore A tle a bue. Ha se nna, e ne e se lengeloi la bosupa, tjhe, le ho leka; e ne e le ponahatso ya Mora motho. E ne e se lengeloi, molaetsa wa lona; e ne e le sephiri seo Modimo a se kwaholotseng. Ha se motho; ke Modimo. Lengeloi e ne e se Mora motho; e ne e le moromuwa ya tswang ho Mora motho. Mora motho ke Kreste; ke Yena eo le iphepang ka Yena. Ha le iphepe ka motho; motho, mantswe a hae a tla hloleha. Empa le ikgorisa ka Mmele-Lentswe wa Mora motho.

²⁷⁰ Haeba o eso ho ka o ikgorisa ka Lentswe le leng le le leng ka botlalo, ho o nea matla ho ka fofa hodima mekgatlo ena ya diphutheho le dintho tsa lefatshe, na o ka se etse jwalo nakong ee, re sa rapela?

²⁷¹ Ntate ya Ratehang, ena ke taba e boima. Ha se ntho e bobebe mothong ya buswang ke lefu ho e etsa. Wena o tseba tsohle. Mme ke rapela Wena, Modimo o Ratehang, hore e tle e se utlwisisehe ka phoso. Empa, Leseding la Lentswe la Hao, batho ba ke ba tsamaye.

²⁷² Mme, Ntate Modimo, ha ke tsebe bao e leng Bakgethwa; Wena o a tseba. Ha ke tsebe hore ho Tla ha Hao ho neneng. Empa ke tseba feela hore O boletse hore ha ntho ena e hlaha, batlotsuwa bana, ba bohata; e seng hantle ha ba qala.

Moshe o ile a ba tlohela feela, hoba ho ne ho se se sekaalo seo a neng a ka se etsa ka hona. O na ka bolela feela seo O se bolelang. O mmoleletse ho hlahisa matsitse; yaba ba a hlahisa. O mmoleletse ho fetola metsi madi; yaba ba e etsa. Moshe o phethile feela, Lentswe ka Lentswe, jwalo ka ha O boletse, empa he ke Wena Ya ileng A bonahatsa bowatla.

²⁷³ Jwale, Ntate, O sa le Modimo, le jwale. Lona Lentswe leo le boletse hobane sena se tla etsahala matsatsing a qetelo. Bongata ba batho ba tshepehang, jwalo ka ha re boletse Sontaha sa ho feta, ba beang matsoho a bona Arekeng eo e hodima koloi e ntjha, mme e seng mahetleng a Balevi, ba se ba shwele, “ho shwa sebeng le ditlolong,” ba bea mabaka kgahlano le matswalo a bona ka sebele.

²⁷⁴ Baruti ba bangata ba dutseng ka phaposing tsa bona tsa ho bala, ba bala Lentswe leo, mme ba fetole leqephe kapele; ho ipoloka ho e phatloleng, ka ho tseba ha a tla lahlehelwa ke maemo a hae bathong, ke kereke ya hae le ke mekgatlo wa hae wa phutheho. Modimo o re thuse re se etse jwalo le ka mohla!

²⁷⁵ Hlwekisa pelo tsa rona, Morena, ditshileng tsohle tsa lefatshe. Morena, ke eme ke itokiseditse hlatsuo. Ke eme ke

itokisitse, mmoho le kereke ena le bohle ba mametseng, le mang kapa mang ya tla mamela teipi ena. Ke a ema, Morena, mme ke kopa hlatsuo. Morena, nkise tlung ya mmopi mme o nthuhe, mpope ho nketsa mohlanka eo O mmatlang.

Hobane, Morena Jesu, “Ke motho ya melomo e ditshila,” jwalo ka ha Esaia a ile a hoa, “ya ahileng hara batho ba melomo e ditshila; mme ho madimabe nna, hoba ke bona tshenolo ya Modimo e bonahatswa,” jwalo ka ha Esaia a bone Mangeloi ka Tempeleng. Ke bona nako ya qetelo, Morena, ho madimabe nna mmoho le lelapa la ka; ho madimabe nna le setjhaba sa heso. O Modimo Rabosafeleng, re hauhele. Ke rapella nna mmoho le batho. Re se timele mmoho le bao ba sa dumeleng, empa a re ke re phele le badumedi.

²⁷⁶ Mokgatlo o mong le o mong wa phutheho, Morena, monna e mong le e mong kapa mosadi. . . Nke ke ka O kopa ho hlohonolofatsa mokgatlo wa phutheho, hodima ke tseba hobane O kgahlano le wona. Empa nka bolela ka mokgwa ona feela, Morena, haeba O ena le e nngwe ya dinku tsa Hao kahara wona, a ba ke ba utlwe teipi ena. A ba ke ba E utlwe, Morena, le hona ba E utlwisise ka kutlwisiso eo O tlang ho ba nea yona, mme ba tswe ho O amohela. A ba se ke ba thetswa ke bofofu le meetlo ya tsatsi lena. A ba se ke ba leka ho ja ntho e itseng e. . . kapa e neng e le setopo tsatsing le leng. Ha ba ke ba nke Lentswe.

Ke ka mokgwa oo Bafarisi ba O thakgisitseng, Morena. Ba ne ba eja setopo sa tsatsi la Moshe, mme ba leka ho se ja ka meharo; ka morao hoba O fane ka papiso, lefelleng, ya manna a matjha bosiu bo hong le bo bong, ho bolelang moloko o mong le o mong. Ke hona moo ba hlolehileng teng. Ho ile ha ba tlatsa tjhefo. Ha ba bolaya, ho ja dijo tseo tse senyehileng.

Mme, moyeng, e sebetsa ntho e tshwanang kajeno; e a ba bolaya, moyeng, ka mokgatlo wa phutheho.

Re thuse, Modimo o Ratehang. Tsohle di matsohong a Hao jwale. Lebitsong la Jesu Kreste.

²⁷⁷ Ka dihlooho tsa rona tse inamisitsweng, re tla bina hono ha le sa etsa diqeto tsa lona. Na le tla tsamaya tsela yohle?

Ke utlwa Mot- . . . (mme Ke Lentswe) . . . husi
wa me,
Ke utlwa . . .

“Oho, ke phaitse ka nako e telelele, empa, ruri, jwale ke Mo utlwa hantle, ‘Tloong ho Nna, lona ba hahabang jwalo.’ Ke utlwa, ‘nka sefapano sa hao, o Ntatele kamehla.’ ‘E, leha nka tsamaya kgohlong ya moriti wa lefu, nke ke ka tshoha bobele leha bo le bong; tlase ho theosa le makgulo a matala a lerootho, le pela metsi a kgutsitseng.’”

Mme ruri moo A mpiletsang ke . . .

“Morena, ke bona bowatla ba thuto eo ya boraro. Ke bona lefatshe lohle le jalehile ka yona; mahola a utulohang hohle. Empa moo O mpiletsang teng jwale, Morena, ke tla etsisa bao ba Diketso 19. ‘Yare ha ba utlwa Hona, ba kolobeletswa hape ka Lebitso la Jesu Krete.’”

...latela, (“Ke tsamaile karolwana ya tsela,
Morena, ho lekanang ho O amohela feela.”)
Jwale ke tla tsamaya le Yena tsela yohle.

[Moena Branham o qalella ho binela *Ruri Mo A Mpiletsang* ka marameng—Mong.]

²⁷⁸ Modimo ya Ratehang, ke tshepa ha hoo ho tswa pelong ya ka. Ke tshepa hore e tswa pelong ya e mong le e mong ya e binang nakong ena, ka mohlomong ba bangata ba tlang go utlwa teipi ena, ba leng siyo kapa ba sa e utlweng jwale. A re ke re rate ho etsa jwalo, Morena, re sa natse moputso. Ha thwe, “Ho jwalo ka monna ya itokisetsang ho kgahlana le lebotho le leng, lesole, morena; pele o ye a dule fatshe le ho lekanya, hoja a ka kgona ho etsa jwalo, na a ka tela dintho tsa lefatshe? Na o ka tela, wa ikopanya le lebotho la Lentswe le ngodilweng la Modimo; wa hwanta le masole a Hae, wa fofa le dintsu tsa Hae?” Fana ka hona, Morena, Lebitsong la Jesu.

²⁷⁹ Na le dumela? Na le a Mo amohela? Ho lokile. Re tla le bona mona hape, bosiueng bona, ha Morena a rata. Na le dumela ha hoo e le Nnete? [Phutheho e re, “Amen.”—Mong.] Na e hlakile ka ho lekana? [“Amen.”]

Nka Lebitso la Jesu,
Ngwana maswabi le tlokotsi;
Le tla o thabisa le o tshedise,
Le nke hohle . . .

Jwale, dumedisang ka matsoho le motho ya haufi le lona jwale.

Bitso le ratehang, le letle hakakang!
Tshepo ya lefatshe, yona tshepo ya lefatshe,
thabo ya Lehodimo;
Bitso le Ratehang, le letle hakakang!
Tshepo ya lefatshe le thabo ya Lehodimo.

Bitsong la Jesu ba inama,
Ba wa ka difahleho maotong a Hae,
Kgosi a dikgosi Lehodimong re tla mo
rwea . . . (E tla be e le Modimo, he)
Ha eto la rona le phethilwe.

Bitso la ratehang, Bitso le ratehang, le letle
hakakang! Le letle hakakang!
Tshepo ya lefatshe le thabo ya Lehodimo;
Bitso le ratehang, Le letle hakakang!
Tshepo ya lefatshe le thabo ya Lehodimo.

280 Ke hopola hore baruti bohle ba tsebisitswe hoseng hona, ho tsebahatswa.

Ha monna a rapetse veke yohle, a ipotsa, ka ho bona Mangolo ana, a eme hantle ka pela hae. “Ho madimabe nna,” Paulosi o itsalo, “ha ke sa boelele Evangedi.” Pheletsong ya tsela ya hae, o itse, “Ha ke a ka ka le hanela ho tseba Sephiri sohle sa Modimo jwalo ka ha ke Se neilwe.”

281 Ka nako tse ding ke ye ke lebale ho ela dintho tse ding hloko, ho hlahisa, ho hlohonolofatsa masea.

Billy o na re, ka letsatsi le leng, monna e mong o na tle, a re, “Ke nnile ka tla mona ka dilemo tse pedi, ho hlohonolofatsa lesea la ka.”

Billy o ile a re, “O se ke wa ba wa lekanya ha e le taba e mpe eo. Ke na le lesea, la selemo, mme ha le eso ho ka le hlohonolofatswa, le lona. Ka baka leo ke tla lebella ho fihlela le hola ho lekana ho ka ikisa moo ka bolona, ke lekanya jwalo.”

282 Ka baka leo re fumana hoba moena, kgaitsemi, ha se—ha se, le a bona, nna... Ntho e le nngwe ke hore, re loketse ho hlohonolofatsa bana ba rona.

Re loketse ho kolobetsa e mong le e mong. Letsha ke leo; metsi ke ana. Ha o eso ho ka o etsa jwalo, se o hlophang ke ha e le eng? Metsi ke ana. Tlo e sa le hona jwale. O se ke wa emela bosiu ba kajeno; tlo e sa le hona jwale. Ho na le monna ya emeng mona ya tla kolobetsa motho e mong le e mong ya bakileng le ya entseng boipolelo. Haeba o kolobeditswe makgetlo a leshome le metso e mebedi, ba tla o kolobeletsa ka Lebitso la Jesu Krete tshwarelong ya sebe. Le a bona? Re na le hono.

283 Empa, bonang, Molaetsa o pelong ya ka. Ke tshwanetse ho O ntsha. Seo ke sepheo se le seng sa ka, ho sa tsotelehe hore mosadi wa ka o reng, bana ba ka ba reng, moruti wa ka o reng, leha e le se bolelwang ke eng kapa eng feela e amanang le nna. Ke Morena wa ka. Ke tshwanetse ho ntsha ntho Eo. Ke sepheo sa ka se le seng seo.

284 Mme jwale, makgetlo a mangata, ke lebala ho tsebisa baruti. Ke lekanya hore mohlomong... moena rona, Moena Neville, monna ya ratehang. Baena bana ba bang mona, re thabetse ho ba le lona.

285 Ha se hore re hanana le lona, baena, ho fapana. Ba bangata ba lona lona mona e ka nna yaba ke bareri ba thuto ya boraro. Ha re batle ho le halefela. Re a le rata. Ha re ne re sa etse jwalo, ha ke ne ke sa dumele hono, ke ne ke sa tlo tloha kerekeng ena ho fihlela ke kgumame ka mangole a ka mono mme ke itse, “Modimo, o ntokise.”

Ha ke batle ha moya oo o kgohlahetseng, wa boitshepo o tswakane le waka. Ke rata hore moya waka o hlweke mme o hlatswehile, lerato la boena, ka kgalalelo ya Moya o Halalalang. Jwale, ha motho a ka ntshitelwa, ho lokile. Mme le ha nka ba le tokelo ya ho kgutlela ho bona, ha ke batle ntho eo bopheloong ba ka. Tjhe, ke—ke batla ho rua lerato. Ke batla ho dula ke loketse ho lokisa ka lerato, ka lerato le arabelang ka mose wane bakeng sa yona.

²⁸⁶ Ha ke a ikemisetsa ho fapana. Methodise, Baptise, Katolike, Presbeteriene, kapa o leng eng feela, ha ke bue dintho tse na ho fapana, ho kgohlahala kgahlano le lona. Ekare ha ke etsa jwalo, ke moikaketsi mme ke loketse ho ba tlase aletareng ena, ke rapela ka ho shwelella ho Modimo.

Empa ke e bolela, ke ka baka la lerato, mme ke bona moo le lebileng. Jwale, ha ke se bolele ka bonna, mme ha ke re ke a hakanya. Ke le tlisetsa HO RIALO MORENA. Ke Nnete. Mme ke le ratela dintho tseo. Modimo a le hlohonolofatse.

²⁸⁷ Jwale e re re sa bina temana e nngwe ya thoko ena, a re ke re, pele ha re tsamaya. Re batla ha le ka ba mona bosiuong bona, ha le ka kgona. Ha le sa kgone, Modimo a be le lona ho fihlela re kopana. Re rapella feela hore Modimo a tle— a tle a le hlohonolofatse mme a le nee mafura a lefatshe la Hae, le a bona.

Nka Lebitso la Jesu . . .



Ba Tlotsitsweng Nakong Ya Qetelo, Vol. 3 No. 1
(*The Anointed Ones At The End Time*, Vol. 5 No. 3R)

Molaetsa wona o tllileng ka Moena William Marrion Branham, o rerilweng tshimolohong ka Senyesemane ka Sontaha hoseng, Phupu, 25, 1965 mane Tabernakeleng ya Branham mane Jeffersonville, Indiana, Amerika, o ntshitswe mabanteng a kgatiso a makenete mme o ngotswe o sa kgutsufatswa ka Senyesemane. Phetolelo ena ya Sesotho sa Borwa e phatlaladitswe ka 1995 ke ba ha:

VOICE OF GOD RECORDINGS
P.O. Box 950, Jeffersonville, Indiana 47131 U.S.A.

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org